

# OLE LIAHONA

**Feagaiga: O a Tatou  
Folafolaga e Sili ona  
Taua, i. 20**

**O Ki e Fa e Aoao Atu ai mo le  
Liuaina, i. 12**

**A'oga, Galuega, Tafao Faamasani—  
O Le Mea e Fai Pe a Faaletonu Au  
Fuafuaga, i. 42**

**E Faapefea ona Ou Iloa e I Ai Sa'u  
Molimau? 54, 66, 68**





© 2010 SANDRA B. RAST, E LE MAFAI ONA KOPUNIA

### Vavega o Salu, saunia e Sandra B. Rast

O le 1846 na tutuliese ai tagata mulimuli lava o le Au Paia o Aso e Gata Ai mai Navu, Ilinoi.  
O le toatele o i latou e matitiva, mama'i, pe ua matutua foi. Faatasi ai ma ni nai punaoa, sa latou  
faimalaga i vaa i luga o le Vaitafe o le Misisipi ma faatuina se tolauapiga le tumau. I le ogatotonu  
o o latou mafatiaga, sa faitau fia selau ia salu na felelei mai ma pauu i totonu o le tolauapiga.

Sa matua lalata lava salu ma sa mafai ai e le Au Paia ona pueina i o latou lima,  
ma maua ai ni meaai sa matuai manaomia lava e le Au Paia matelaina.



## Liahona, lulai 2012

### O SAVALI

- 4 Savali a le Au Peresitene Sili: Ia I Ai Pea Lava i le Ogatotonu**  
Saunia e Peresitene  
Dieter F. Uchtdorf

- 7 Savali a Faiaoga Asiasi: Faaalia o le avea o i Tatou ma Soo e ala i le Alofa ma le Auauna Atu**

### TALA FAAALIA

- 16 O Le Malosiaga o La Tatou Talatuu**  
Saunia e Elder L. Tom Perry  
*Faapei ona faia e le au paionia ina ia fua mai le toafa e pei o se rosa, e mafai foi ona faaleleia o tatou olaga pe a tatou mulimuli i o latou tulaga faatauaina ma tu ma aga masani.*

- 20 Malamalama i a Tatou Feagaiga ma le Atua: O Se Vaaiga Aoao i a Tatou Folafolaga e Sili ona Taua**  
*O le a se mea sa tatou folafola atu i lo tatou Tama Faalelagi? O le a se mea sa Ia folafola mai ia i tatou?*

- 24 Mataupu Tau i le Va i Fafo: Faafesootaiina o le Ekalesia ma le Nuu**

Saunia e Philip M. Volmar  
*Sa fesoasoani le aufono o mataupu tau i le va i fafo i le lotoifale e fausia ni sootaga lelei a le Ekalesia ma le nuu, le au faasalalau, ma isi lotu.*

- 35 Faafetaiaia o le Lumanaia ma se Faamoemoe**

Saunia e Elder José A. Teixeira  
*E ui ina sa aveesea uma ana meatotino faalelalolagi, ae sa mautu lava lagona o Uso Grilo e uiga i lenei vaitaimi ma sa faamoemoe atu mo le lumanaia.*

### MATAGALUEGA

- 8 Tusigāmanatu Konafesi Aperila**

- 10 Tatou te Talanoa ia Keriso: O Se Vaitafe o le Filemu**  
Saunia e Lanise Heaton

- 12 Auaunaga i le Ekalesia: O Le Lesona o Loo i Totonu o le Tagata A'oa'o**

Saunia e Russell T. Osguthorpe

- 30 O Tatou Aiga, O Tatou Auaiga: Aua Le Fiu**  
Saunia e Al ma Eva Fry

- 38 O Leo o le Au Paia o Aso e Gata Ai**

- 74 Tala Fou o le Ekalesia**

- 79 Manatu mo Afiafi Faaleiga**

- 80 Seia Tatou Toe Feiloi: Le Pisipisia mai le Lalolagi**  
Saunia e Julie Thompson

### I LE FAAVAA

Luma: Ata na saunia e Christina Smith.  
Tua: Ata na pueina e Robert Casey.

**Faaaliga:** Sa aofia i le *Liahona* o lunu 2012 se ata o se alii talavou sa ositaulaga e tuua se konekarate e taalo lakapi faapolofesa ai ina ia auauna atu faamiona tala'i. E pei o le tulaga e masani ai, o lona ofu taalo aloaia o le sa faalauiloa ai ia tagavai faapisinisi mo kamupani eseese. E le lagolagoina pe faamaonia e Le Ekalesia a lesu Keriso o le Au Paia o Aso e Gata Ai nei kamupani po o oloa ma auaunaga latou te tuuina mai.

## AUTALAVOU MATUTUA



42

### 42 Pe A oo Ina Le Aoga Fuafuaga Lelei

Saunia e Stephanie J. Burns

*Ua iloa e talavou matutua o loo faatautaia ia pioga o le malaga i le olaga, o nisi o auala 'alo le mautinoa e tau atu ai i le tau-nuuga sa'o.*



## AUTALAVOU

- 46 O Le Taua o Faamanuiaga o le Perisitua**  
Saunia e Elder Dallin H. Oaks  
*O le a fesoasoani faamanuiaga o le perisitua ia te oe e foia ai mea faalavefau i luga o le ala i le ola e faavavau.*

- 49 Pepa Lautele o I Ai se Savali: Molimau**

### 50 Mana i le Tatalo

Saunia e Paul VanDenBerghe  
*Pe a lofituina, e taumafai le autalavou mai le motu o Filipino o Cebu ina ia tumau pea o latou ulu i "luga a'e o le vai" e ala i le tatalo.*

- 53 Mai le Misiona: O Se Folafolaga ma se Tatalo**

Saunia e Pablo Mireles Betts

- 54 O Le A Le Molimau Manino?**

Saunia e Elyse Alexandria Holmes  
*O le mauaina o se molimau e ono foliga o se paso, ae o le faaopoopoina auauai o se fastipepa o le paso, o le a mafai ai ona e iloa le moni o le talalelei.*

- 58 Faafafia i le Au Maimoa**

Saunia e Brittany Thompson  
*O lo'u olaga sa na o se taga e fai pe ana ou le filifili e suia matafaioi.*



58

## TAMAITI



66

### 59 O Se Musumusu o le Agalelei

Saunia e Deborah Moore

*O le a le mea a James e fai pe a sau le alii taulu'ilu'i a le a'oga i le lotu?*

- 61 Molimau Faapitoa: Sa soifua ia uluai paionia i tausaga ua leva. O le a se mea e mafai ona ou aoao mai ia i latou?**

Saunia e Elder L. Tom Perry

- 62 Faiga o se Talafaasolopito**

Saunia e Chad E. Phares

*Na taumafai Soma, Eszter, ma Kata e avea ma faataitaiga lelei mo le Ekalesia i Hanikeri.*

- 64 Aumaia o le Peraimeri i le Fale: Ou Te Filifili le Mea Sa'o e ala i le Ola ai i Mataupu Faavae o le Talalelei**

- 66 Molimau a Tomasi**

Saunia e Joshua J. Perkey

*Ao lei faasoa atu e Tomasi lana molimau, e manaomia ona ia iloa po o le mea e ta'u o le molimau.*

- 68 O Se Molimau o Loo Tuputupu Ae**

*Faatupulaia lau lava molimau i le tasi le upumoni i le taimi.*

- 69 O La Tatou Itulau**

- 70 Mo Tamaiti Laiti**



O Le Lomiga Faamaonia Faa-Samoa a le Ekalesia a Iesu Keris o le Au Paia o Aso e Gata Ai

**Susuga a le Au Peresitene Sili:** Thomas S. Monson, Henry B. Eyring, Dieter F. Uchtdorf

#### O Le Korama a Apostetolo e Toasefululuua:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

**Faatonu:** Paul B. Pieper

**Fautua:** Keith R. Edwards, Christoffel Golden Jr., Per G. Malm

**Pule Faatonusili:** David L. Frischknecht

**Faatonusili e Fuafuaina ma Faatonutonu:**

Vincent A. Vaughn

**Faatonu o Karafi:** Allan R. Loborg

**Pule Faatonutonu:** R. Val Johnson

**Pule Faatonutonu Lagolago:** Jenifer L. Greenwood, Adam C. Olson

**Au Faatonu Fesoasoani:** Susan Barrett, Ryan Carr

**Aufaigaluega Faatonutonu:** Brittany Beattie, David A. Edwards, Matthew D. Flitton, LaRene Porter Gaunt,

Carrie Kasten, Jennifer Maddy, Lia McClanahan,

Melissa Merrill, Michael R. Morris, Sally J. Odekirk,

Joshua J. Perkey, Chad E. Phares, Jan Pinborough, Paul VanDenBerghe, Marissa A. Widdison, Melissa Zenteno

**Pule Faatonusili o Faatufugaga:** J. Scott Knudsen

**Faatonusili Tusiata:** Scott Van Kampen

**Pule i le Gaosiga:** Jane Ann Peters

**Au Mamanu Sinia:** C. Kimball Bott, Colleen Hinckley, Eric P. Johnsen, Scott M. Mooy

**Aufaigaluega e Mamanuina ma Gaosia:** Collette Nebeker Aune, Connie Bowthorpe Bridge, Howard G.

Brown, Julie Burdett, Bryan W. Gygi, Kathleen Howard,

Denise Kirby, Ginny J. Nilson, Gayle Tate Rafferty

**Tailolomi:** Jeff L. Martin

**Faatonusili Lolomiga:** Craig K. Sedgwick

**Faatonusili o le Tufatufaga:** Evan Larsen

Mo le okaina o mekasini, alu i le store.lds.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) ī le kopī. Totogi mo le Tausaga Atoa \$6.60 (Samoa).

**Auina atu tusitusiga ma faafesili i luga o le initoneti i le liahona.lds.org:** pe meli mai i le Liahona, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa" po o se "faatonuala") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalautia, Siekisolovakia, Tenimaka, Take, Igilisi, Eritonia, Fiti, Finelani, Farani, Siamani, Eleni, Hanikeri, Initu, Iselani, Initonesia, Italia, Iapani, Kiripati, Korea, Latvia, Lituna, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipaniolo, Suetena, Tagaloka, Tahiti, Tai, Toga, Lukureini, ma Urutu, ma Viatename. (E eseese lava gagana.)

© 2012 Puletaofia e le Intellectual Reserve, Inc. Ua taofia aia tatau uma. Lomia i le lunatea Setete o Amerika.

E mafai ona kopī tala ma ata o le Liahona mo le toe faaaogaina i lotu po o le aiga ae ia le faia ai ni pisinisi. E le tatau ona kopī ni tala po o ni ata po afai o faasa mai i le laina o loo ta'ua ai le e ona lea faatufugaga. Auina atu fesili e uiga i le puletaofia e le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

#### For Readers in the United States and Canada:

July 2012 Vol. 36 No. 7 O LE LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send address changes to Salt Lake Distribution Center, Church Magazines, PO Box 26368, Salt Lake City, UT 84126-0368.

# Initoneti Liahona.lds.org

## MO TAGATA MATUTUA

Ua aapa atu taitai Perisitua i afioaga faalelotoifale e ala i aufono o mataupu tau i le va i fafo a le Ekalesia (tagai i le itulau e 24). E mafai ona e aoao atili e uiga i na taumafaiga i le publicaffairs.lds.org (i le lgilisi).



## MO LE AUTALAVOU

Asiasi i le youth.lds.org mo ni musika sii fua mai, ni vitio musuia, ma ni tusiga e uiga i tulaga faatonuina i le Mo Le Malosi o le Autalavou.



## MO TAMAITI

Feiloai atu ia Soma, Eszter, ma Kata mai Budapest, Hanikeri, i le itulau e 62. Matamata atili i nisi o a latou ata i le liahona.lds.org.

## AUTU I LENEI LOMIGA

E ta'u mai e numera le itulau muamua o le tusiga.

<b>Agaga Paia,</b> 12	<b>Iesu Keriso,</b> 10
<b>Agalelei,</b> 59	<b>Konafesi aoao,</b> 8
<b>Aiga,</b> 16, 30, 41	<b>Liua,</b> 30
<b>Anapogi,</b> 64	<b>Maliu,</b> 10
<b>Aoao atu,</b> 12	<b>Malumalu,</b> 80
<b>Aoaoina,</b> 12	<b>Mataupu Tau i le Va i Fafo,</b> 24
<b>Auauna atu,</b> 7, 24, 80	<b>Molima,</b> 30, 40, 49, 54, 66
<b>Faaipoipoga,</b> 30	<b>Paionia,</b> 16, 61
<b>Faamagaloga,</b> 38	<b>Perisitua,</b> 46
<b>Faamanuiaga,</b> 46	<b>Sauniga,</b> 20
<b>Faamaoni,</b> 70	<b>Sauniuniga,</b> 4
<b>Faamoemoe,</b> 35, 42	<b>Tatalo,</b> 38, 50, 64
<b>Faatuatua,</b> 35, 42	<b>Tusi a Mamona,</b> 38, 53
<b>Faioga asiasi,</b> 7	<b>Uiga faaletagata,</b> 58
<b>Faigata,</b> 38	<b>Usiusitai,</b> 42
<b>Feagaiga,</b> 20	
<b>Galuega faafai-teautalai,</b> 4, 24, 38, 53	

## I LAU GAGANA

O loo maua le Liahona ma isi tusi a le Ekalesia i le tele o gagana i le languages.lds.org.

Saunia e Peresitene  
Dieter F. Uchtdorf

Fesoasoani Lua i le  
Au Peresitene Sili



# IA I AI PEA LAVA I LE Ogatotonu

**O**le tele lava o kalena i le lalolagi, o Iulai e faailoga ai le ogatotonu o le tausaga. E ui o le amataga ma le faaiuga o mea e faamanatuina ma manatuina, a o le ogatotonu o mea e masani lava ona le amanaiaina.

O amataga, o taimi ia mo le faia o tonu mautu, mo le fatufatuina o fuafuaga, mo le osooso ae o le malosi. O faaiuga, o taimi mo le taufaaiuiuga ma e ono aofia ai lagona o le atoatoa po o le toilalo. Ae o le faatasi ai ma se vaaiga talafeagai, ma mafaufau ai o loo tatou i ai lava *i le ogatotonu* o mea, o le a fesoasoani lea ia i tatou e le gata i lo tatou malamalama atili ai i le olaga ae faapea foi le ola ai i se tulaga e sili atu ona ‘anoa.

## O Le Ogatotonu o Galuega Faafaifeatalai

Pe a ou talanoa atu i o tatou faifeatalai talavou, e masani lava ona ou ta'u atu ia i latou o loo latou i ai i le ogatotonu o a latou misiona. E tusa lava pe faatoa taunu mai ananafi pe o le a toe foi i le aiga a taeao, ou te talosagaina lava i latou e mafaufau o loo latou i ai pea i le ogatotonu.

Atonu e lagona e faifeatalai fou le le lava o lo latou iloa e avea ai ma se tagata mataalia, ma o lea ua faatuai ai lo latou tautatala atu po o le galulue ma le mautinoa ma le lototele. E ono lagona e faifeatalai ua lava le tomai ma ua lamalama faaiu a latou misiona le faanoanoa ona o le a lata ona uma a latou misiona, pe atonu foi o le a latou faifaiaga ao manatunatu i mea o le a latou faia pe a uma a latou misiona.

Po o a lava tulaga ma po o fea foi o loo latou auauna atu ai, o le mea moni lava o loo totoina i aso uma e

faifeatalai a le Alii ia fatu laau e le mafaitauina o tala e lelei. O le mafaufau ia i latou lava o loo i ai pea i le ogatotonu o a latou misiona o le a uunaia ma faamalolosia ai nei sui faamaoni o le Alii. E faapei lava ona i ai i faifeatalai faamisiona, e faapena foi i tatou uma.

## Tatou Te I Ai Pea Lava i le Ogatotonu

O lenei suiga o le vaaiga e sili atu nai lo se faavaleaina o le mafaufau. O loo i ai se upumoni musuia e i tua atu o le manatu faapea tatou te i ai pea lava i le ogatotonu. Afai tatou te vaai i lo tatou nofoaga i se faafanua, e faaosooosina i tatou e faapea mai o loo tatou i ai i le amataga. Peitai a tatou matuai vaai toto'a i ai, soo se mea lava o tatou i ai ua na o se ogatotonu lava o se nofoaga e sili atu le tele.

E faapei ona i ai i le vanimonimo, e faapena foi le taimi. Atonu tatou te lagona faapea o loo tatou i ai i le amataga po o le faaiuga o o tatou olaga, peitai a tatou vaai i le mea o tatou i ai, i luma mai o se faatulagaga o le faavavau—a oo ina tatou iloa na i ai lava o tatou agaga mo se taimi i tala atu o lo tatou malosi e fuaina ai ma, ona o le ositaulaga atoatoa ma le Togiola a Iesu Keriso, o le a mafai ai ona ola pea o tatou agaga mo le faavavau atoa—e mafai ona tatou iloa o loo tatou i ai moni lava i le ogatotonu.

Talu ai nei lava sa uunaia ai au e toe fai le maa faamanatu o le tuugamau o o'u matua. Sa agaleaga le taimi i le tuugamau, ma sa ou lagona o le a sili atu le talafeagai o se maa faamanatu fou mo o laua olaga o faataitaiga. Ina ua ou vaai i aso fanau ma aso na maliliu ai i luga o le maa faamanatu sa faafesootai i se tamai vase masani lē taua, sa faafuasei ona faatumulia lo'u mafaufau ma lo'u loto i



le tele o manatuaga taua ona o lenei faailoga laitiiti o le olaga atoa. Na atagia mai i nei manatuaga taua taitasi se taimi ogatotonu o olaga o o'u matua faapea foi ma le ogatotonu o lo'u olaga.

Po o le a lava lo tatou matutua, po o fea foi lo tatou nofoaga, pe a tutupu mea i o tatou olaga, tatou te i ai pea lava i le ogatotonu. Ma le isi mea, o le a tatou i ai pea lava e faavavau i le ogatotonu.

### O Le Faamoemoe o le I Ai i le Ogatotonu

Ioe, o le a i ai i o tatou olaga atoa ia taimi amata ma taimi faai, peitai ua na o ni faailoga ia o le ogatotonu maoae o o tatou olaga e faavavau. E tusa lava pe o tatou i ai i le amataga po o le faaiuga, pe tatou te talavou pe matutua, e mafai ona faaaoga i tatou e le Alii mo Ona faamoemoega pe afai tatou te faataatia ese soo se manatu e faatapulaa ai lo tatou agavaa ina ia auauna atu ma faatagaina Lona

finagalo e faafuaitinoina o tatou olaga.

Fai mai le fai Salamo, “O le aso lenei ua faia e le Alii; e [tatau] ona olioli ma fiafia i ai” (Salamo 118:24). Ua toe faamanatu mai ia i tatou e Amoleka e faapea “o le olaga lenei o le taimi lea mo tagata e saunia ai e feiloai ma le Atua; ioe, faauta *o le aso o le olaga lenei* o le aso lea mo tagata e fai ai a latou galuega” (Alema 34:32; ua faaopoopo le faamamafa). Ma ua faaupuina e se fatusolo, “O le faavavau—e fatuina i Taimi Nei.”<sup>1</sup>

O le i ai pea lava i le ogatotonu o lona uiga e lei maea le taaloga, e lei uma le faamoemoe, o le toilalo e le o le taunuuga lea. Aua tusa lava po o fea o tatou i ai po o a foi o tatou tulaga, o loo i ai pea lava i o tatou luma ia amataga ma faaiuga e faavavau. ■

Tatou te i ai pea lava i le ogatotonu. ■

### FAAMATALAGA

1. Emily Dickinson, “Forever—is composed of Nows,” i le *The Complete Poems of Emily Dickinson*, ed. Thomas H. Johnson (1960), 624.

### AOAOINA ATU O LENEI SAVALI

**M**afaufau e talanoa e mafai ona latou “i ai pea lava i le ogatotonu,” e tusa lava pe o latou amataina pe o faaiuina se mea. Faamalosiau ia i latou e fai le mea sili latou te mafaia i a latou gaoioiga o i ai nei, aua le nofoai i mea ua tuanai pe faatalitali mo le isi gaoioiga po o galuega faatino. Atonu e te fia fautuaina i latou e filifili se mea se tasi e mafai ona latou faia faatasii o se aiga e faatino ai lenei aoaoga ma faatulaga se aso latou te faamoemoe e ausia ai le latou sini.

## I le Ogaotonu o Au Sauniuniga mo se Misiona

**U**a tau atu e Peresitene Uchtdorf i faifeautalai e mafaufau o loo latou i ai i le ogatotonu o a latou misiona. E mafai foi ona e faaaogaina lenei manatu i au tapenaga mo se misiona: pe ua 12 pe 18 ou tausaga, e mafai ona e sauni e auauna atu i se misiona.

O a ni mea e mafai ona e faia "i le ogatotonu" o au sauniuniga o sau misiona?

- Ia agavaa i taimi uma e auai i le malumalu.
- Aoao ia iloa ia musumusuga mai le Agaga Paia e ala i le tusitusi i lalo o au musumusuga ma galue i ai.
- Tatalo mo faifeautalai.
- Fesili i faifeautalai i lou eria po o a mea latou te fautuaina oe e fai e saunia ai e ave se misiona.
- Aoao e pulea ma le tatau ou taimi, e aofia ai gaoioiga taua e pei o le auauna atu, suesue i tusitusiga paia, ma le tusia o se api o talaaga.
- Pe a talanoa atu i se tagata o le aiga, faasoat atu se mau na musuia ai oe talu ai nei. Faamatala atu sou manatu e uiga i le mau.
- Fesili i au uo e uiga i a latou lotu ma mea latou te talitonu i ai. la saunia e faasoat atu ou talitonuga. Valaaulia i latou i le lotu po o ni gaoioiga.

A e iloa o e i ai i le ogatotonu o au sauniuniga o lau misiona, o le a mafai ona e ola i se olaga e sili ona agavaa mo le faamoemoega a le Alii ma le mafutaga a le Agaga.



## E Mafai e Tagata Uma ona Faia se Mea i le Taimi Nei

1. Ua aoao mai Peresitene Uchtdorf e tusa lava po o le a lou matua, e mafai lava ona e faia se mea e fesoasoani atu ai i isi. Lisi i lau api o talaaga po o se fasi pepa au meaalofa po o tomai. Fesili i ou matua po o a au meaalofa.
2. Filifili pe faapefea ona e faaaogaina au meaalofa e fesoasoani ai i isi i tulaga nei.



3. I le faaiuga o lau lisi o meaalofa, tusi se auala se tasi e mafai ona e faaaogaina ai na meaalofa e fesoasoani ai i isi i lenei vaiaso.



Suesue ma le agaga tatalo i mea nei, ma pe a talafeagai ai, ia talanoaina faatasi ma uso e te asia. Faaoga fesili e fesoasoani ai ia te oe e faamalosia ai ou uso ma avea ai le Aualofa ma se vaega ola o lou lava olaga.

## Faaalia o le avea o i Tatou ma Soo e ala i le Alofa ma le Auauna Atu

Le taimi o Lona soifuaga faaletino, na faaalia e Iesu Keriso Lona alofa i isi e ala i le auauna atu ia i latou. Sa Ia fetala'i, "O le mea lea e iloa ai e tagata uma lava o o'u soo outou, pe afai ua outou fealofani" (Ioane 13:35). Sa Na faatuina se faataitaiga ma e finagalo ina ia tatou "fesoasoani atu i e manaomia la [tatou] fesoasoani" (Mosaea 4:16). Na ia valaauina Ona soo latou te galulue faatasi ma Ia i Lana galuega, ma tuuina atu ia i latou le avanoa e auauna atu ai i isi ma ia avea atili e faapei o Ia.<sup>1</sup>

O a tatou auaunaga o ni faiaoga asiasi o le a foligatutusa ma le galuega a lo tatou Faaola pe a tatou faaalia lo tatou alolofa ia i latou tatou te asia e ala i le faia o mea nei:<sup>2</sup>

- Manatua o latou igoa ma igoa o tagata o o latou aiga ma faamasani ia i latou.
- Alolofa ia i latou e aunoa ma le faamasinoina o i latou.
- Tausia i latou ma faamalolosia lo latou faatuatua "taitoatas," faapei ona faia e le Faaola (3 Nifae 11:15).
- Fausia ni faigauo faamaoni ma i latou ma asiasi ia i latou i o latou fale ma isi nofoaga.
- Mafaufau i tuafafine taitasi. Manatua aso fanau, faauuga, faaipoipoga, papatisoga, po o nisi taimi e taua ia te ia.



- Aapa atu i se tagata fou ma uso ua le toaaga mai.
- Aapa atu i se ua tuua toatasi po o i latou e manaomia se faamafanafanaga.

### *Mai Tusitusiga Paia*

3 Nifae 11; Moronae 6:4; Mataupu Faavae ma Feagaiga 20:47

#### FAAMATALAGA

1. Tagai i le *O Afafine i Lo'u Malo: O Le Talafaasolopito ma le Galuega a le Aualofa* (2011), 113.
2. Tagai i le *Tusitaulima 2: Taitaiina o le Eklesia* (2010), 3.2.3.
3. *O Afafine i Lo'u Malo*, 3.
4. *O Afafine i Lo'u Malo*, 7.

Faatuatua, Aiga,  
Toomaga



### *Mai lo Tatou Talafaasolopito*

"O loo aofia i le Feagaiga Fou ni tala o ni tamaitai, e i ai igoa pe le o ta'uua foi, o e sa faatinoina le faatuatua ia lesu Keriso. . . . Na avea nei tamaitai ma soo iloga. . . . Sa [latou] malaga ma lesu ma Ana Apostolo e Toasefululua. Sa latou foaia a latou meatotino e fesoasoani ai i Lana galuega. Ina ua mavae Lona maliu ma le Toetu, sa faaauau pea ona avea i [latou] ma soo faamaoni."<sup>3</sup>

Na tusi foi Paulo e uiga i se tamaitai e igoa ia Fipe, o lē sa avea "o se auauna i le ekalesia" (Roma 16:1). Sa ia talosagaina ia tagata ina ia "fesoasoani ia te ia i se mea a outou e aoga ia te ia: aua foi ua toatele ua ia fesoasoani i ai" (Roma 16:2). "O le ituaigna o auaunaga na tuuina atu e Fipe ma isi tamaitai maoae o le Feagaiga Fou, o loo faaauau pea i le taimi nei e taitai o le Aualofa—faiaoga asiasi, tina, ma isi—o e ua avea ma fesoasoani, po o lagolago, i le toatele."<sup>4</sup>

### *O Le a se Mea e Mafai ona Ou Faia?*

1. O faapefea ona ou faateleina lo'u tomai e faafoilele ai isi?
2. O le a se mea o ou faia e faamautinoa atu ai i tamaitai o loo ou vaaia lo'u alofa ia i latou?

# Tusigāmanatu Konafesi Aperila

*“O le mea ua fai atu ai A’u o le Alii ua Ou fai atu ai; . . . pe i lo’u lava leo po o i le leo o a’u auauna, ua tutusa lava” (MF&F 1:38).*

A o e iloiloina le konafesi aoao ia Aperila 2012, e mafai ona e faaaogaina nei itulau (ma Tusigāmanatu o le Konafesi i lomiga i le lumana) e fesoasoani ai ia te oe e suesue ma faaaoga aoaoga talu ai nei a perofeta soifua ma aposetolo ma isi taitai o le Ekalesia.

## O TALA MAI LE KONAFESI

### O Le Mana o le Perisitua

Le taimi o le Taua Lona Lua a le Lalolagi, i le amataga o le 1944, sa tulai mai se aafiaga sa aofia ai le perisitua [ma] sa faamatalaina e se tusitala—e le o se tagata o le Ekalesia—sa faigaluega i se nusipepa i Hawaii. . . . O la’ua ma lana soa sa i ai i le galufati lona lua i tua atu o le marini i le Motu Amu o Kualeni. A o la pasi atu, sa la vaaia se marini talavou o tafetafea i le sami e u i lalo foliga, e manino lava sa matua manu’ā. Sa mumu le sami papa’u sa siomia ai o ia, i lona toto. Ona la matauina lea o se isi marini o agai atu i lana uo lea e manu’ā. Sa manu’ā foi le marini lona lua, ma lona lima tauagavale ua le aoga sa tautau ifo i lona itu. Sa ia sī’ā e i luga le ulu o le marini lea sa tafetafea i le vai, ina ia puipuia mai le malemo. I se leo gatete sa ia tauvalaau ai mo se fesoasoani. Sa toe tilotilo atu le tusitala i le taulealea lea e siiina ma valaau atu i ai, “Atalii, e leai se mea e mafai ona ta faia i lena tama.”

“Ona sosoo lea,” sa tusia e le tusitala, “Sa ou vaai i se mea ou te lei vaai muamua lava i ai.” Sa alu atu lenei taulealea, ua matua manu’ā tuga foi ia, i le matafaga faatasi ai ma le tino o lana uo marini ua foliga mai ua maliu. Na ia “tuu le ulu o lana uo i luga o lona tulivae. . . . Se ata ina a mata’ina—o nei taulelea uma e toalua ua manunu’ā—e . . . mama i laua uma, ma aulelei, e ui lava i lo la tulaga mafatia. Ma sa punou ifo le tasi taulealea i luga o le isi ma fai mai, ‘Ou te poloaiina oe, i le suafa o Iesu Keriso ma i le mana o le perisitua, ia tumau lou ola seia mafai ona ou aumaia se fesoasoani faafomai.’” Sa faaiu e le tusitala lana tusiga: “O matou toatolu [marini e toalua ma a’u] o loo i ai iinei i le falemai. E le iloa e fomai [pe na faapefia ona ola i la’ua], ae ou te iloa.”

Peresitene Thomas S. Monson, “Naunau ma Agavaa e Auauna Atu,” *Liahona*, Me 2012, 67, 68.



### O Fesili e Manatunatu Loloto I Ai

- O a faamanuiaga e oo mai i Au Paia o Aso e Gata Ai e ala mai i le mana o le perisitua?
- E faapefia ona fesoottai le faatuatua ma le perisitua—mo e umia le perisitua ma e mauaina ia faamanuiaga?

Mafaufau e tusi ou mafaufauga i lau api talaaga pe talanoa-inia foi ma isi.

O punaoa faaopoopo i lenei autu: “Perisitua” i le Study by Topic i le LDS.org; Julie B. Beck, “O Le Matalasi o Faamanuiaga,” *Liahona*, Me 2006, 11–13; Mataupu Faavae o le Talalelei (2009), “O Le Perisitua,” 79–86.

Ina ia fiaitau, matamata, pe faalogologo foi i lauga o le konafesi aoao, asiisi ane i le conference.lds.org.



## ATA O LE EKALESIA

Faitau Aofai o Tagata o le Ekalesia (i le 2011)	14,441,346
Siteki ma Itu	3,554
Uarota ma Paranesi	28,784
Misiona	340
Faifeautalai Faamisiona	55,410
Faifeau Faamisiona Fesoasoani a le Ekalesia	22,299
Tagata Liliu Mai na Papatisoina	281,312
Malumalu ua Faagaoioia	136

## TULIMANU E SUESUE AI

### Otooto ni Mea e Tutusa ai: Aiga

**O**nisi o autu sili ona taua ua laugaina e le sili atu ma le toatasi le failauga o le konafesi aoao. O le toafa nei o failauga na talanoa e uiga i aiga. Taumafai e vaavaai mo nisi o mea e tutusa ai ao outou suesue i lauga o le konafesi.

- “E tatau ona malamalama ia tane ma ava o lo latou valaauga muamua lava—lea e le mafai lava ona faamaloloina mai ai i latou—o le tiute lea o le tasi i le isi ma i a latou fanau.”<sup>1</sup>—Peresitene Boyd K. Packer, Peresitene o le Korama a Apostolo e Toasefululua
- “E tatau ona tatou faia mea i le faatulagaga sa’o! Faaipoipo muamua ona fai ai lea o le aiga. Ua toatele naua tagata i le lalolagi ua faagaloina le faatulagaga masani o mea ma ua mafaufau e mafai ona latou suaia pe toe liuaina.”<sup>2</sup>—Elder M. Russell Ballard o le Korama a Apostolo e Toasefululua
- “Matou te iloa o suesuega faaleaiga o tusitusiga paia ma afiafi faaleaiga e le atoatoa lava i taimi uma. Pe o le a lava le luitau o loo outou feagai ai, ia aua lava nei faavaivai.”<sup>3</sup>—Elder Quentin L. Cook o le Korama a Apostolo e Toasefululua
- “O le aoao o a tatou fanau ia malamalama e sili atu i le na ona tuu atu i ai o faamatulaga. O loo fesoasoani ia tatou fanau ia oo atu aoaoga faavae i o latou loto.”<sup>4</sup>—Cheryl A. Esplin, fesoasoani lua i le au peresitene aoao o le Peraimeri

#### FAAMATALAGA

- Boyd K. Packer, “E Taitaiina Foi i Latou e le Tama Itiiti,” *Liahona*, Me 2012, 8.
- M. Russell Ballard, “Ina Ia Maua Le ua Leiloa,” *Liahona*, Me 2012, 100.
- Quentin L. Cook, “Ia Oogatasi ma le Musika o le Faatuatua,” *Liahona*, Me 2012, 44.
- Cheryl A. Esplin, “Aoaoina o A Tatou Fanau ia Malamalama,” *Liahona*, Me 2012, 10.

### Folafolaga Faaperofeta

**“A**o tatou tuua lenei konafesi, ou te talosagaina faamanuiaga a le lagi i o outou luga taitoatasi. . . . la outou manatunatu loloto i upumoni sa outou faafogaga i ai, ma talosia ia fesoasoani ia te outou ia avea ai ma tagata ua sili atu nai lo le mea sa i ai a’o lei amataina le konafesi i le lua aso talu ai.”

Peresitene Thomas S. Monson,  
“A o Tatou Tapunia Lenei Konafesi,”  
*Liahona*, Me 2012, 116.

**AE AFAI E LEAI**

“Ae peitai e le faapea o le a puipua atoatoa mai ē faamaoni mai mea e tutupu i lenei paneta. O lea e taua ai ona tatou faaaao i uiga totoa na faaalia e Sataraka, Mesako, ma Apeteniko o e na oo i se tulaga matautia. Sa latou iloa e mafai e le Atua ona laveai i latou. ‘Ae afai e leai,’ sa latou tauto, latou te auauna atu pea lava i le Atua (tagai i le Tanielu 3:16–18).”

**Elder Neal A. Maxwell (1926–2004)**  
o le Korama a Apostolo e Toasefuluua, “la Fusi I Aao o Lona Alofa,”  
*Liahona*, Nov. 2002, 17.

# O SE VAITAFE O LE Filemu

*E ui i lo'u faavauvau, ae sa ou agai pea i luma ma faamalosi i le faatuatua ma le faamoemoe i le Tama Faalelagi ma Iesu Keriso.*

**Saunia e Lanise Heaton**

**O**le aso na oti ai lo ma atalii ulumatua i se faalavelave faafuasei, na tatalaina ai e le oti se manu'a tuga i lo'u agaga. Ae sa ou iloa na mafai ona ou faamoemoe atu i le mana togiola o le Faaola e fesoasoani e tauave la'u avega mamafa o le faanoanoa ma le tiga. Sa ma talosaga ma lo'u toalua i o matou faioga o aiga e fai ni o ma'ua faamanu-iaga taitoatasi. Sa ma iloa o le a oo mai le malosi e sili atu nai lo o ma'ua lava malosi. Sa folafola mai e le Faaola e Na te le tuua i tatou o matuaoti (tagai i le Ioane 14:18). Sa ou taofimaui i lena folafolaga ma molimau atu sa Ia faia lava faapea.

Sa aoao mai e Isaia e faapea, o le Faaola “o le tagata faanoanoa, ua masani foi ma le tiga” (Isaia 53:3). Afai e i ai se tasi e mafai ona fesoasoani ia i tatou, ou te iloa e mafai e Ia, i se tulaga patino lava. Ae ou te iloa foi afai Na te aveesea faafuasei mai ia i tatou o matuaoti faanoanoa, o le a leai se tuputupu ae, leai sina iota o le malamalama.

E ui i le lototiga, ae sa ou aafia i se lagona o le filemu lea e oo mai mai le Faaola (tagai i le 1 Nifae 20:18). Ae maise lava o taimi, aso, po o vaiaso fai-gata foi, na aveesea ai e Lona toafilemu o'u faanoanoaga. Ua na o lo'u aioi atu lava i ai. E le finagalo le Tama Faalelagi tatou te ola na o i tatou i lenei olaga faitino.

Ao ou tomanatu i le faalavelave na aveesea ai le ola o la'u tama, ou te manataua ai se tala i le Feagaiga Tuai:

“Ua mafai e lo matou Atua, matou te auauna i ai, ona laveai mai ia te i matou ai le ogau mu e mu ai le afi, na te laveainia mai lava i matou ai lau pule, le tupu.

“*A e peitai, a le o lea, ia e silafia e oe le tupu e, matou te le auauna i ou atua*” (Tanielu 3:17–18; faaopoopo le faamamafa).

O le vaega taua o le “A e peitai, a le o lea.” E tatau ona tatou faamaoni pea e tuna lava po o le a le mea e tupu. Na mafai lava ona auina mai e le Tama



Faalelagi ni agelu e aveesea mai la'u tama mai le ala o le faalavelave, peitai Na te lei faia. Na te silafia le mea e faapaiaina ai i tatou ina ia mafai ona tatou saunia e toe foi atu ia te Ia. O le a LELEI mea uma. Peitai e le faapea o le a tatou le toe faavauvau ai pe toe fetagisi. O lo tatou faavauvau o se taunuuga lea o lo tatou alofa, ae e le tatau ona atuatuvalo o tatou loto.

O le meaalofa sili e mafai ona tatou avatu ia i latou o loo i itu uma o le veli o le agai lea i luma ma le malosi e ala i le faatuatua ma le faamoemoe i le Tama Faalelagi ma Iesu Keriso, e tusa lava pe o loo faia a tatou laa taitasi ma loimata o loo tafe mai o tatou mata. Aua ua folafola mai ia i tatou e faapea "ua leai se manumalo i le tuugamau, ma ua tofatumuanaina ia Keriso, le tui o le otu" (Mosaea 16:8). O le a i ai se aso "o le a soloiesea foi e le Alii o Ieova o loimata i mata uma lava" (Isaia 25:8). ■

## E FAAPEFEA ONA TATOU TAULIMAINA IA FAANOANOAGA?

Na talanoa Elder Joseph B. Wirthlin (1917–2008) o le Korama a Aposetolo e Toasefululua e uiga i lenei fesili i lana lauga o le konafesi aoao ia Oketopa 2006:

"Ou te manatu mai aso uma talu mai le amataga o le talafaasolopito o lenei lalolagi, o lena Aso Faraile [lea na faasatauro ai le Faaola] o le aso sili lea ona pogisa.

"Peitai o le matautia o lena aso faanoanoa e le'i tumau ai.

"E le'i taamilomilo ai pea le mafatia, aua o le Aso Sa, na talaiia ai e le Alii toetu noataga o le otu. Sa afio ae o la mai le tuugamau ma faaali mai i le manumalo mamalu o le Faaola o tagata uma.

"Ma i se taimi vave, o mata sa faapea ona faatumulua i loimata lē matu, na soloia. O laugutu na musumusuina tatalo o le mafatia ma le faanoanoa ua faatumuina ai nei le lalolagi i viiga matagofie aua o lesu o le Keriso, o le Alo o le Atua soifua, na tulai i o latou luma o le faapolopolo o le Toetu, o le faamaoniga o le otu ua na o le amataga o se olaga fou ma le matagofie. . . .

"Ona o le soifua ma le taulaga e faavauvau a le Faaola o le lalolagi, o le a tatou toe faatasia ai ma e pele ia i tatou."

"O Le a Oo Mai le Aso Sa," *Liahona*, Nov. 2006, 30.

---

I se afiafi faaleaiga o lata mai, mafaufau e talanoa e uiga i le otu, le Toetu, ma le ata o le faaolataga. Tagai, mo se faataitaiga, i le 2 Nifae 9 ma le Alema 11–12.

**Saunia e Russell T.  
Osguthorpe**

Peresitene Aoao  
o le Aoga Sa



# OLE LESONA OLOO I TOTONU OLE TAGATA A'OA'

*Pe a oo ina tatou faailoa atu le gafatia maoae o tagata a'oa'o  
taitoatasi, ua amata ona tatou vaai e pei ona silasila mai le Atua.*

**A**o ma i ai i se valaauga a le Ekalesia i Cusco, Peru, sa ma auai ai ma lo'u toalua i se vasega tuufaatasi a le Aualofa ma le au Perisitua Mekisateko. O le faiaoga i lena aso o le faiaoga a le vasega matutua o Mataupu Faavae o le Talalelei. Ona o ni faaletonu i le faagaso- loga o taimi i sauniga muamua e lua, o lea pe sa na o le 20 minute sa totoe mo ia e aoao atu ai mea sa ia saunia.

Sa ia amata i le fai atu i tagata uma o e na auai i le Ekalesia i le lua tau-saga ua mavae e tutu i luga. E toalima tagata na tutu. Sa ia tusia i luga o le laupapa le numera 5 ona faapea mai lea, "Uso e ma tuafafine, e ese le matagofie o lo tatou faatasi ai ma nei tagata e toa 5 o e faatoa auai i le Ekalesia. Na pau le faafitali ona o le lua tausaga ua mavae, sa tatou papati-soina ai le toa 16 o tagata fou na liliu mai i lenei uarota."

Ona ia tusia lea o le numera 16 i autafa o le numera 5 ma fesili atu ma le naunautaiga tele, "Uso e ma tuafafine, o le a la le tatou mea o le a fai?"

Sa sii le lima o se tina ma fai mai,

"E tatau ona tatou o e su'e i latou ma toe aumai."

Na ioe le faiaoga ona ia tusia lea o le upu *laveai* i luga o le laupapa. "E 11 o tatou tagata fou e toe aumai," na ia tali mai ai.

Ona ia faitauina lea o se saunoaga mai ia Peresitene Thomas S. Monson e uiga i le taua o le *laveai*. Sa ia faiat mai foi mai le Feagaiga Fou e uiga i le auala na saili ai e le Faaola le mamoe na le iloa (tagai i le Luka 15:6). Ona ia fesili mai lea, "O le a la le auala tatou te toe aumaia ai i latou?"

Na o ae i luga lima, ma sa ia tofia auauai tagata o le vasega. Sa tuu mai ni fautuaga a tagata o le vasega i le auala e mafai ai e i latou o se uarota faaleaiga po o tagata taitoatasi ona galulue faatasi e fesoasoani i tagata faatoa liliu mai e toe foi mai i le ekalesia. Ona fesili lea o le faiaoga, "Afai la o loo e savali atu i le alatele ma e vaai atu i se tamaloa e te iloa o se tasi o nei tagata faatoa liliu mai i le isi itu o le auala, o le a la mea e fai?" Fai mai se tasi o tagata o le vasega, "Ou te kolosi i le isi itu ma faafeiloai ia te ia.

Ou te tauina ia te ia o tatou manaoga ina ia toe foi mai ma lo tatou naunau e toe foi mai tatou te mafuta."

Na ioe isi o le vasega ma ofo mai ni fautuaga faaopoopo patino i le auala e fesoasoani ai i nei tagata o le ekalesia. Sa i ai se naunautaiga i totonu o le potu, o se naunautaiga e faia le mea o loo manaomia ona fai e fesoasoani ai i nei tagata faatoa papatiso ina ia iloa lo latou auala e toe toaaga mai ai.

Sa ma o ese mai ma lo'u toalua mai lena lesona ma se naunautaiga faafouina ina ia ma faia se mea e fesoasoani ai i se tasi ia toe toaga mai i le Ekalesia. Ou te talitonu sa o ese foi tagata uma o le vasega ma lea ituaiga lagona. Mai lenei aafiaga, sa ou fesili ai ia te au lava ia: O le a se mea na matua faamanuiaina ai lenei lesona puupuu? Aisea na tuua ai e tagata uma le vasega ma se lagona matua musuia ina ia ola ai ma le atoatoa i le talalelei?

Ao tomanatu ai i nei fesili e lua, sa ou iloaaina ni mataupu faavae e fa lea na avea ai lenei vasega ma se aafiaga faamanuiaina o le aoao atu ma le aoao mai:



1. O le liua o le sini lea.
2. O le alofa o le faamoemoega lea.
3. O le aoaoga faavae o le ki lea.
4. O le Agaga o le faiaoga lea.


### O Le Liua o le Sini Lea

Nai lo le taumafai e “‘sasaa ia faamatalaga’ i totonusi o mafaufau o tagata o le vasega,” e pei ona lapataia ai i tatou e Peresitene Monson e *aua* nei faia, ae sa taumafai lenei faiaoga “*e uunaia tagata taitoatasi ia mafaufau, ia lagona, ona faia lea o se mea e uiga i le ola ai i mataupu faavae o le talalelei.*”<sup>1</sup>

I se faapuupuuga, o le sini a lenei faiaoga o le fesoasoani lea i tagata o le vasega e *fai* se mea semanu latou te le faia pe ana latou le auai i le vasega. Ma o lena mea na *fai* sa faamoemoe e fesoasoani ai i tagata

taitoatasi ina ia *avea* o se soo moni o le Faaola.

O le sini o lenei ituaiga o aoaoga o le *liua*. O le upu *liua* o lona uiga o le liliu atu lea i se auala fou, ina ia opogi mai se taiala fou. O le liua e—avea o se soo moni—e le o se aafiaga se tasi ae o se faagasologa i le olaga atoa.<sup>2</sup> I lenei vasega, o le *faia* e tagata o le vasega na faamoemoe e fesoasoani e le gata i tagata o le vasega ae faapea foi i tagata faatoa liliu mai o loo latou taumafai e faatoaga mai. Soo se taimi lava tatou te ola ai ma le atoatoa i se mataupu faavae o le talalelei, e faamunuinaia se isi tagata a lē o le tuusao atu pe ala atu i se isi auala. Mo lenei mafuaaga, ua tulaga ese ai le aoao mai ma le aoao atu o le talalelei. Nai lo le taitaiina atu i le na o le mauaina o le malamalama, o le aoaoina o le talalelei e taitai atu ai i le liua patino.



**O**le alofa e fesoasoani ia i tatou o ni faiaoga ina ia aoao atu faa-pei ona aoao atu le Faaola pe ana o i ai o la i totonusi o o tatou potuaoga.

## O Le Alofa o le Faamoemoega Lea

Ao ou i ai i le vasega i Peru, sa ou lagona le alofa o le faiaoga mo i latou na auai faapea foi mo i latou faatoa liliu mai lea na ia valaaulaina tagata o le vasega e faamalolosi mai. Na foliga mai ua faatumulia le potu i le alofa—mai le faiaoga i tagata a'oa'o, mai tagata a'oa'o i le faiaoga, mai le tasi tagata aoga i le isi, ma mai tagata a'oa'o i tagata faatoa liliu mai.

O le alofa e fesoasoani ia i tatou o ni faiaoga ina ia aoao atu faapei ona aoao atu le Faaola pe ana o i ai o ia i totonu o o tatou potuaoga. Ioe, “o le alofa e uunaia i tatou ina ia tatou saunia ma eseese auala tatou te aoao atu ai.”<sup>3</sup>

Afai o le faamoemoega o le faiaoga o le aoao atu o mataupu o le lesona, o le a taulai atu le faiaoga i anotusi nai lo manaoga o tagata aooga taitoatasi. Sa le'i lagonaina e le faiaoga Peru le manaomia o le *aoao atu* o mea uma. Sa na o lona manao e uunaia tagata o le vasega e aapa atu i o latou uso ma tuagane/tuafafine i le alofa. O le alofa mo le Alii ma le alofa mo isi ua fausia ai se uunaiga musuia. O le alofa o le faamoemoega lea. Afai o le alofa lo tatou faamoemoega, o le a faamalosia i tatou e le Alii e ausia. Ona faamoemoega ina ia fesoasoani i Lana fanau. O le a la musuia i tatou i *mea* e manaomia e i tatou o ni fai-aoga ona fai atu ai, ma *pefaapefea* ona tatou fai atu ai.

## O Le Aoaoga Faavae o le Ki Lea

E le'i faitau le faiaoga Peru mai le tusi lesona ao ia aoao atu. Ou te mautinoa na ia faaaogaina le tusi lesona po o ni lauga o le konafesi e saunia ai mo le vasega, ae ina ua ia aoao atu, sa ia aoao atu mai tuisitusiga paia. Sa ia toe faamatalaina le tala o le mamoe na le iloa ma toe faitauina le mau lenei: “Pe a liua mai oe, ona

**O**le aoao mai ma le aoao atu o le talalelei e le o faatatau i le aoaoina o mea moni; e faatatau i le aoaoina o le avea ai ma SOO.

manuia o le aoao mai ma le aoao atu o le talalelei. E tatalaina loto. E tatalaina mafaufau. E tatalaina le ala mo le Agaga o le Atua e uunaia ma aoao ai tagata uma o loo auai.

## O Le Agaga o le Faiaoga Lea

E iloa e faiaoga maoae o le talalelei e le o i latou moni o ni faiaoga. E aoao atu ma aoao mai le talalelei e ala i le Agaga. A aunoa ma le Agaga, e le mafai e le aoao atu o upumoni o le talalelei ona taitaiina atu ai i le aoao mai (tagai i le MF&F 42:14). O le tele lava o le tuuina atu e le faiaoga o valaaulua musuia e galulue ai, o le tele foi lea o le i ai o le Agaga i le taimi o le lesona. Sa tuuina atu e le faiaoga Peru se valaaulua musuia. Ao tali mai la tagata o le vasega ma ni fautuaga, sa faateleina le lagonaina o le Agaga ma sa faamalolosia tagata uma.

E le'i taumafai le faiaoga ina ia *aoao atu* le lesona. Nai lo lena, sa ia taumafai e *faaaliali a'e* le lesona ua leva ona i ai i tagata o le vasega. O le valaaulaina o tagata o le vasega e ala i le mana o le Agaga, na fesoasoani ai le faiaoga i tagata ina ia iloa o latou manaoga ma galulue—ma aapa atu i o latou uso ma tuafafine i le alofa. Ao fefaaasoai manatu o tagata o le vasega, na uunaia e le tasi le isi au sa latou faalagolago atu faatasi i le Agaga.

Ao tatou taumafai e ola i le talalelei e ala i le fesoasoani ia i latou o e siomia i tatou, o le a uunaia i tatou e le Alii i mea e ao ona tatou faia. O le afai o i tatou o ni faiaoga ma e tatou te mananao ina ia i ai moni lava le Agaga i o tatou potuaoga, e na o le manaomia lava o le valaaulua o tagata o le vasega e ola ai ma le atoatoa i se mataupu faavae o le talalelei. Pe a tatou tautino atu e ola atoatoa i se mataupu faavae o le talalelei, ua



tatou latalata atili atu i le Atua ma o le a latalata atili mai le Atua ia i tatou (tagai i le MF&F 88:63).

### O Le Gafatia o Tagata A'oa'o Taitoatasī

Tatou te le o aoao mai ma aoao atu le talalelei mo na o le faamoemoega ia maua le malamalama. Tatou te aoao mai ma aoao atu le talalelei ia maua le faaeaga. O le aoao mai ma le aoao atu o le talalelei e le o faatatau i le aoaoina o mea moni; e faatatau lea i le aoaoina o le avea ai ma soo. E manaomia ona tatou manatua, e tusa lava pe o tatou aoao atu a tatou lava fanau i le fale po o tagata o le uarota po o le paranesi i le potuaoga, o lesona o loo tatou aoaoina atu ua leva ona silafia e tagata a'oa'o. O la tatou matafaioi o ni matua po o ni faiaoga o le fesoasoani lea i tagata a'oa'o ia latou iloaina i totonu o o latou lava

loto ma mafaufau le lesona.

Pe a tatou faailoa atu le gafatia maoae o tagata a'oa'o taitoatasī, ua amata ona tatou vaavaai e pei ona silasila mai le Atua. Ona mafai lea ona tatou ta'u atu mea e finagalo o Ia tatou te ta'u atu ma faia le mea e finagalo ai o Ia tatou te faia. Ao tatou tulimatai atu i lenei ala o le aoao mai ma le aoao atu, o le liua o la tatou sini lea, o le alofa o lo tatou faamoemoega lea, o le aoaoga faavae o le ki lea, ma o le Agaga o le faiaoga lea. Ao tatou aoao mai ma aoao atu i lenei lava ala, o le a faamanuia e le Alii le tagata a'oa'o ma le faiaoga "o le a faapea ona mafai ona faagaetia ai o tagata uma" (MF&F 88:122). ■

#### FAAMATALAGA

1. Thomas H. Monson, i le Conference Report, Oke. 1970, 107.
2. Tagai Dallin H. Oaks, "O Le Luitau i le Avea ma se Tasi," *Liahona*, Ian. 2001, 40–43.
3. *O Le Aoao Atu, E Leai Se Isi Valuauga E Sili Ai* (1999), 34.

A fai tatou te amananao ina ia i ai moni lava le Agaga i o tatou potuaoga, e na o le manaomia lava o le valaaulia o tagata o le vasega e ola ai ma le atoatoa i se mataupu faavae o le talalelei.





# OLE MALOSIAGA

# La<sup>o</sup>Tatou Talatuu

*E manaomia tele le faatuatua faapacionia i le lalolagi  
i le asō e pei foi o se isi lava taimi.*

**U**a leva lava ona ou fafia i tala o paionia. Sa nofo lo'u tinamatua i le fale na matou sosoo ao ou laitiit. I le valu o ona tausaga sa ia savali ai i le tele o le ala e laasia ia laufanua valevalenoa. Sa mafai ona ia manatuaina le tele o mea na tutupu i paionia e faafafia ai a'u i le tele o taimi ou te saofai ai ma faalogologo ia te ia.

O Peresitene Polika Iaga (1801–77) sa avea lava ma se tasi o a'u tagata toa faapitoa. O ana tali i faafitauali sa faigofie ma taua ma sa fesoasoani i tagata. Sa ou maofa i lona agaga ma lona naunautaiga ao ia taitaiina le Au Paia i sisifo.

Ina ua manino mai le tau o le siitia mai o tagata fou na liliu mai mai Europa i Iuta o le a taugata tele, sa tuuina atu loa se manatu ia Peresitene Iaga ina ia latou faaaoga ia taavaletosolima e laasia ai ia laufanua valevalenoa. Sa vave ona iloa atu e Peresitene Iaga se

faamanuiaga, e le gata o le a sefeina ai le tupe ae faapea foi le faamanuiaga faaletino o le a i ai i tagata e savalia lena mea mamao ma taunu ai i le Vanu o Sate Leki ua faatumulia i le naunautai ma le malosi. Na ia saunoa ai:

“Ua tatou faamoemoe [mautinoal] o lea ituaiga faigamalaga o le a sili atu ona vave nai lo soo se malaga e faaaoga ai ‘oti lea e mafai ona amatalia. E tatau ona i ai ni nai a latou povi lelei e maua ai le suasusu, ma ni nai lafu povi e ave ma fafasi pe a latou manaomia. O lenei faiga o le a taumamao ai mai le faaalu o tupe, tulaga e lamatia ai, mamate ma le le mautonu o meaola, ma o le a sili atu ona lelei le sosola ese mai ai o le au paia mai vaaiga o le popole, ita ma le maliu lea ua tele taimi ua tuu ai o tatou uso ma tuafafine i le palapala.

“Matou te mananao e auina atu alii faatuatua ma e i ai tomai, ma ni faatonuga talafeagai, i se nofoaga lelei e faaaupegaina ina ia

Saunia e Elder  
**L. Tom Perry**

O Le Korama a  
Apostolo e Toasefululua



*E manaomia tele le  
faatuatua faapai-  
onia i le lalolagi i  
le aso e pei foi o soo  
se isi lava taimi.  
E manaomia lo  
latou iloaina o  
lena talatuu.*

faataunuina ia fautuaga o i luga; ae ui i lea, tuu atu i le au paia, o e ua fuafua e faimalaga i le tausaga e sosoo ai, ia malamalama ua faamoemoe ia i latou e savavali ma ave a latou atopau ao sopoia laufanua valevalenoa, ma o le a leai lava se isi auala o le a fesoasoani ai le tupe [Faaagaga mo Femalagaaigal] ia i latou.”<sup>1</sup>

O le va o le 1856 ma le 1860 na faia ai e nai tagata e faitauafe o le Au Paia se malaga faamanuiaina e 1,300-maila (2,090 km) i taavaletosolima. O le tulaga manuia o le latou

i le kiona. Ma o le mea tonu lava lena na tupu.

O le vaega muamua o le au laveai na malaga ese atu i le Aso Gafua na sosoo ai. O se tala fiafia faaootia loto na oo i le vaega a Uili ina ua taunuutu atu le vaega muamua lena o le au laveai. Na tuua e Kapeteni Uili lana vaega toalaiti ae o atu ma se tagata se toatasie saili le aumalaga laveai.

Faamaumauga o talafaasolopito: “O le afiafi o le aso lona tolulu talu ona malaga ese atu ia Kapeteni Uili, i le matagofie o le faatoa goto ifo o le i tua atu o mauga tuaoi, i mauga iti, i sisifo tonu lava o le mea o loo matou tolauapi ai, na vaaia ai le tele o taavaletoso o loo ufiufi, o loo tosoina taitasi e solofanua tai-fa, ma o loo agai mai ia i matou. Na pei o se afi mumu saesae le alu atu o le talafou i totolu o le tolauapiga, ma o i latou uma lava na mafai ona tuua o latou moega na o mai *i vaega toatele* e vaai ia i latou. Sa na o ni nai minute ae latou iloa atu loa lo latou kapeteni faamaoni o i luma laitiit mai lava o le aumalaga. Na faatumulia le ea i alaga o le fiafia; na fetagisi tamaloloa malolosi seia oo ina to ifo o latou loimata i o latou alafau ua maanuminumi ma ua mu i le la, ma sa auai le fanau iti i le fiafiaga lea na tau le malamalama i ai nisi o i latou, ma sisiva saoloto ma le fiafia. Na galo faafitali i le tulaga

aoao o le fiafia, ma ina ua oo atu le usoga i le tolauapiga na fusi i latou e tuafafine ma sogi feliua’i i ai. Sa matua lofituina le usoga ma na le mafai ai ona latou fai atu se upu mo sina taimi, peitai o le tulaga filemu sa i ai na taofia uma ai ia faatinoga o . . . lagona. . . . Ma, na vave ona mou ese atu ia lagona, o tulaga e pei o le lululima, upu faafeiloai, ma le talosagaina o faamanuiaga a le Atua ua seasea lava ona molimauina!”<sup>2</sup>

### **Fausia o ni Aiga Malolosi**

Mai na paionia malolosia na atiina ae ai ni aganuu ma se tupuaga lea ua fausia ai aiga



*E manaomia ona  
tatou aaoaina atu,  
e manaomia ona  
tatou mitamita ai,  
e manaomia ona  
tatou faasaoina.*

faigamalaga na faaleagaina i le na o le lua o malaga taua, o le aumalaga o taavaletosolima a Uili ma Matini, lea na tuai tele le taimi o le tausaga na faimalaga ai ma ua le mafai ai ona alofia le kiona i le amataga o le taumalulu. Toe matau le atamai o Peresitene Iaga. I le konafesi aao ia Oketopa 1856, sa ia tuuina atu atoa lava le taimi o le konafesi e faatulaga ai ia taumafaiga laveai e fesoasoani ai i na Au Paia mafatia. Ma sa ia faatonuina le usoga e aua le faatali i se vaiaso po o se masina ona faatoa o lea. Sa manao i nisi vaega ta’i fa o solofanua ia sauni i le Aso Gafua na sosoo ai e o e faamāmā i mafatiaga o le Au Paia na puapuagatia

malolosi ma ua saofaga tele i le Iunaite Setete i sisifo ma le lalolagi atoa.

Sa valaaulia au, i le tele o tausaga ua mavae atu, i se taumafataga i le aoauli na faia e se kamupani lea na faalauiloaina le tatalaina o ni ana faleoloa se fa i le eria o le Aai o Sate Leki. O le i ai o se potomasani i mea tau faleoloa, sa ou fesili ai i le peresitene a'o ma saofafai i le laulauai pe na faapefea ona ia maua lona lototele e tatalaina ai ni faleoloa se fa i le taimi lava e tasi i se eria e fou i le maketi. O lana tali mai sa pei lava o le tali na ou faamoemoe i ai. Fai mai a ia sa fai se suesuega a lana kamupani i mea tau maketi o eria tetele uma i taulaga o le Iunaite Setete. Sa fia iloa e le kamupani po o fea o nei eria e tele se faamoemoega e ofoina mai mo se faleoloa tele e fiafia i ai aiga talavou. O le eria o Sate Leki, o le taunuuga o na paionia anamua, na tulaga muamua i le malo.

Sa iloa ai foi e le kamupani, o se taunuuga o ana suesuega o tagata faigaluega i le eria o Sate Leki ua iloga i le galulue faamaoni ma le filiga. Ua e tagai la i ai, o le talaaga o paionia o loo matauina pea lava e oo mai i le lona tolum ma le lona fa o augatupulaga i le eria.

Ae peitai, sa ou tei i se lisi o fuainumera lea na oo mai i la'u kesi talu ai nei. O loo taua ai e na o le 7 pasene o tamaiti o loo faafaleleina i le Iunaite Setete i le asō e o mai mai aiga ua mautu o loo i ai se tamā e faigaluega, o se tina e nofo i le fale, ma e toatasi pe sili atu foi ia tamaiti.<sup>3</sup> Tatou te vaai i aso taitasi i aafiaga o le malepelepe o aiga ua mautu. Ua matua faapo-polevale le toatele o le aofai o avā e sauaina, fanau e sauaina/faatautala faaletino ma faalefeusuai, faiga faataumaoi i aoga, saoasaoa o le solitulafono o tupulaga talavou, maitaga o tupulaga talavou e le i faaipoipo, ma toeaiina/olomatutua ua matutua ae leai se fesoasoani mai i ai o aiga lautele.

Ua lapataia i tatou e perofeta, o le aiga o le nofoaga e faasao ai le nuu.<sup>4</sup> E moni, o se aiga lelei, e le fauina faafuasei pe a alofa se alii i se tamaitai ma faaipoipo. E manaomia ai na lava uiga mama e tasi lea na aoaoina

i totonu o aiga o le au paionia—faatuatua, lototoa, amio pulea, ma le tuuto—ina ia manuia ai se faaipoipoga. Faapei ona faia e le au paionia ina ia fua mai le toafa e pei o se rosa, o le a faapena foi ona fua mai o tatou olaga faapea o tatou aiga pe a tatou mulimuli i a latou faataitaiga ma opo mai a latou tu ma aga masani. Ioe, e manaomia tele le faatuatua faapaionia i le lalolagi i le asō e pei lava foi o soo se isi lava taimi. Ou te toe fai atu, e manaomia lo tatou iloaina o lena talatuu. E manaomia ona tatou aoaoina atu, e manaomia ona tatou mitamita ai, e manaomia ona tatou faasaoina.

Oka se faamanuaaina o i tatou. O a ni tiutetauave o loo tauaveina e lo tatou iloa ma lo tatou malamalamā. Na lipotia mai na faapea mai Arnold Palmer, o se tagata tapolo iloga a Amerika, “O le manumalo e le o mea uma, ae o le manao ia [manumalo].” O se faamatlagā maoae: “O le manao ia [manumalo].”

Ua tuuina mai ia i tatou e le Atua le nau-nautaiga ina ia mananao e manumalo i le meaalofa sili o meaalofa uma ua Ia tuuina mai i Ana fanau—o le meaalofa o le ola e faavavau. Ia faamanua i tatou e le Atua ina ia tatou malamalamā i lo tatou faamoemoega, ia tatou aoao ma tuputupu ae ma atiina ae se malamalamā i lo tatou talaaga ma naunautai e faasao na meaalofa maoae ua tuuina mai ia i tatou o Lana fanau. Ou te tuuina atu lau molimau faamaoni o loo soifua le Atua, o Iesu o le Keriso, ma o Ona ala o le a taitaiina atu ai i tatou i le ola e faavavau. ■

*Mai se lauga o se faeasaite na tuuina atu i le Iunivesite Polika Iaga i le aso 3 Aokuso, 1980. Mo le anotusi atoa i le gagana Peretania, asiiasi i le speeches.byu.edu.*

#### FAAMATALAGA

1. Brigham Young, i le B. H. Roberts, *A Comprehensive History of the Church*, 4:85.
2. John Chislett, i le *A Comprehensive History of the Church*, 4:93–94.
3. Tagai Population Reference Bureau, [www.prb.org/Articles/2003/TraditionalFamiliesAccountforOnly7PercentofUSHouseholds.aspx](http://www.prb.org/Articles/2003/TraditionalFamiliesAccountforOnly7PercentofUSHouseholds.aspx). I le 1980, ina ua tuuina atu lenei saunoaga, sa 13 pasene le fuainumera.
4. Tagai, mo se faataitaiga, Thomas S. Monson, “O Aiga Faalelagi, O Aiga e Faavavau,” *Liahona*, Iuni 2006, 66–71; Spencer W. Kimball, “Home: The Place to Save Society,” *Ensign*, Ian. 1975, 3–10.

*E manaomia ai na lava uiga mama e tasi lea na aoaoina i totonu o aiga o le au paionia—faatuatua, lototoa, amio pulea, ma le tuuto—ina ia manuia ai se faaipoipoga.*



*Faapei ona faia e le au paionia ina ia fua mai le toafa e pei o se rosa, o le a faapena foi ona fua mai o tatou olaga faapea o tatou aiga pe a tatou mulimuli i a latou faataitaiga.*

# MALAMALAMA IA TATOU Feagaiga MALE Atua

O SE VAAIGA  
AOAO IA TATOU  
FOLAFOLAGA E  
SILIONA TAUJA



“**I**le avea ai ma tagata o Le Ekalesia a Iesu Keriso o le Au Paia o Aso e Gata Ai,” na faamalamalama mai ai Peresitene Thomas S. Monson, “e tatau lava ona faamamaluina feagaiga paia e i tatou, ma o le faamaoni i ai o se tulaga manaomia lea mo le fiafia. Ioe, ou te talanoa atu e uiga i le feagaiga o le papatisoga, le feagaiga o le perisitua, ma le feagaiga o le faaipoipoga o ni faataitaiga.”<sup>1</sup>

I le Ekalesia, o se sauniga, o se faatinoga paia, ma le aloaia e faatinoina e ala i le pule o le perisitua. O nisi sauniga o le ute lea mo lo tatou faaolataga. Ina ia avea ai o se vaega o nei “sauniga faaola,” tatou te ulu atu ai i feagaiga paia ma le Atua.<sup>2</sup>

O se feagaiga o se folafolaga e valalua, o tuutuuga e faatulagaina e le Atua.<sup>3</sup> A tatou ulu atu i se feagaiga ma le Atua, tatou te folafola atu e tausia na tuutuuga. E folafola mai e Ia ni faamanuiaga patino e fai ma taui.

A tatou mauaina nei sauniga faaola ma tausisia feagaiga e o faatasi ai, ona aoga lea o le Togiola a Iesu Keriso i o

tatou olaga, ma mafai ai ona tatou maua o le faamanuiaga silisili e mafai ona tuuina mai e le Atua ia i tatou o le —ola faavavau lea (tagai MF&F 14:7).

Talu ai o le tausia o a tatou feagaiga o le ute lea i lo tatou fiafia i le taimi nei ma i'u ai ina maua le ola e faavavau, o lea e taua ai le malamalama i mea sa tatou folafola atu i lo tatou Tama Faalelagi. O se vaiga aoao lenei o a tatou feagaiga tatou te faia e tusa ai ma sauniga faaola, ma fautuaga mo mea e mafai ona e aoao atili mai ai.

## Papatisoga ma le Faamauga

O le papatisoga i le faatofuina i le vai, e faatinoina e setasi ua i ai le pule, o le uluai sauniga faaola lea o le talalelei ma e tatau ai mo se tagata ina ia avea ai ma tagata O Le Ekalesia a Iesu Keriso o le Au Paia o Aso e Gata Ai. O lana sauniga soa e le mavavaeeseina mai le papatisoga, o le faamauga—o le faaee atu o lima mo le meaalofa a le Agaga Paia.



A papatisoina i tatou, ua tatou osi feagaiga e ave i o tatou luga le suafa o Iesu Keriso, ia manatua pea o Ia, ma tausi i Ana poloaiga. Tatou te folafola atu foi “e auauna atu ia te ia e oo i le iuga” (MF&F 20:37; tagai foi i le Mosaea 18:8–10).

O le taui, ua folafola mai e le Tama Faalelagi afai tatou te salamo i a tatou agasala, e mafai ona faamagaloina i tatou (tagai i le Alema 7:14) ma “ia maua pea Lona Agaga e faatasi ma i [tatoul]” (MF&F 20:77), o se folafolaga ua mafai ona faataunuina, e ala i le mauaina o le meaalofa o le Agaga Paia.

O sauniga o le papatisoga ma le faamauga o le faitotoa lea e ao ona ulufale atu ai i latou uma o e sailia le ola e faavavau (tagai i le Ioane 3:3–5). O le faamamaluina o a tatou feagaiga o le papatisoga e taitaiina atu ai, ma o se vaega taua o le osia o feagaiga e o faatasi ma isi sauniga faaola uma, i le ala o le ola e faavavau (tagai 2 Nifae 31:17–21).

**AOAO ATILI E UIGA I LE PAPATISOGA**  
Tagai i le Robert D. Hales, “O Le Feagaiga o le Papatisoga: O Le I Ai i le Malo mai ni ō le Malo,” Liahona, Ian. 2001, 6; Ensign, Nov. 2000, 6

### O Le Faamanatuga

O i latou ua mauaina ia sauniga faaola o le papatisoga ma le faamauga, e aai ma feinu i le faamanatuga i vaiaso taitasi e faafou ai na feagaiga. A o aai ma feinu i le areto ma le vai, tatou te manatuina le taulaga na faia e le Faaola mo i tatou. E le gata i lea, tatou te manatunatu loloto i feagaiga na tatou faia e tauave i o tatou luga le suafa o Iesu Keriso, ma manatua pea o Ia, ma tausi Ana poloaiga. O le taui, ua tuuina mai e le Atua le

*O se feagaiga  
o se folafolaga  
e valahua. Ua  
folafola mai ia  
i tatou e le Atua  
ni faamanuiaga  
faapitoa mo lo  
tatou tausia o  
aiaiga na tatou  
taliaina ina ua  
osia le feagaiga.*

folafolaga o le a i ai pea Lona Agaga e faatasi ma i tatou (tagai i le MF&F 20:77, 79).

O le sauniga o le faamanatuga o se avanoa i vaiaso taitasi e toe faafou ai feagaiga paia lea e faataga ai i tatou e aai ma feinu i le togiola alofa a le Faaola faatasi ai ma le aafiaga faamamā faaleagaga lava lea e tasi o le papatisoga ma le faamauga.

Ua aoao mai foi taitai o le Ekalesia e faapea, afai tatou te aai ma feinu i le faamanatuga, e le gata ua tatou faafouina a tatou feagaiga o le paptisoga ae “o feagaiga uma na tatou ulu atu i ai ma le Alii.”<sup>4</sup>

**AOAO ATILI E UIGA I LE FAAMANATUGA**  
Tagai i le Dallin H. Oaks, “Sauniga Faamanatuga ma le Faamanatuga,” Liahona, Nov. 2008, 17–20.

### O Le Tautoga ma le Feagaiga o le Perisitua

Na tuuina mai e le Tama Faalelagi Lana tautoga (faamaoniga) ina ia faaee atu ia faamanuiaga faapitoa i e umia le perisitua ma tausia ia feagaiga e o faatasi ma le mauaina o le perisitua.

A ola agavaa alii ia maua le Perisitua Arona ma le Mekisateko ma “[faalautele] o latou valaauga,” ua folafola mai e le Atua o le a “faapaiaina e le Alii i le faafouina o o latou tino.” E avea i latou ma tofi o folafolaga ia na faia ia Mose, Arona, ma Aperaamo. (Tagai MF&F 84:33–34.)

O le umia o le Perisitua Mekisateko e tatau ai mo alii e agavaa ai e ulu atu i le malumalum. O iina, e maua faatasi ai e alii ma tamaitai se atoaga o faamanuiaga o le perisitua i le faaipoipoga.

O le mauaina o sauniga faaola uma o le

## TALIINA O FESILI

**A**tonu sa mafaufau se atasi sa e fesootai atu i ai faapea, "Aisea e le tatalaina ai malumalu i tagata lautele?" E le faaaogaina malumalu o le Au Paia o Aso e Gata Ai mo a tatou tapuaiga faalevaiaso i Aso Sa, lea e talia ai tagata uma e auai. O sauniga paia e faatinoina i totonus o malumalu, ma o lea ua tatalaina malumalu i na o tagata ua papatisoina o e ua faaagavaaina i latou lava ina ia maua na sauniga.

A maea ona fausia se malumalu fou, e mafai ona maimoaina e tagata lautele i le taimi o se fale tatala. A maea ona faapaiaina le malumalu i le Alii, e mafai e tagata lautele ona asiasi i lotoa, ae ua na o i latou e i ai se pepa faataga o le malumalu o loo aoga e tatala i ai le malumalu.

Mo nisi faamatalaga, tagai i "Malumalu" i lalo o Fesili e Masani ona Fesiliga i le Mormon.org.

perisitua, e mafai ai e tagata uma ona maua folafolaga o "mea uma [ua] i ai i le Tama" (tagai MF&F 84:35–38).

"E tafe mai faamanuiaga silisili mai lenei tautoga ma le feagaiga i alii, tamaitai, ma fanau agavaa i le lalolagi atoa," na aoao mai ai Elder Russell M. Nelson o le Korama a Apostolo e Toasefululu.<sup>5</sup>

### AOAO ATILI E UIGA I LE TAUTOGA MA LE FEAGAIGA O LE PERISITUA

*Tagai i le Henry B. Eyring, "Faatuatua ma le Tautoga ma le Feagaiga o le Perisitua," Liahona, Me 2008, 61.*

### O Le Faaeega Paia

O le faaeega paia i le malumalu o se mealofoa lea e tuuina mai ai se vaaiga mamao ma le mana.

O le taimi o le faaeega paia o le malumalu tatou te maua ai aoaoga ma osia ai feagaiga e faatatau i lo tatou faaeaga e faavavau. O sauniga o le mulumuluga ma le faauuina ma le faafuina i ofusa o le malumalu e avea o se faamanatu o feagaiga paia, e o faatasi ma le faaeega paia.<sup>6</sup> O sauniga ma feagaiga o le malumalu e matua paia lava ma ua le mafai ona faamatalaina aulilili i fafo atu o le malumalu. Ona o lena mea, ua fautua mai ai Peresitene Boyd K. Packer, Peresitene o le Korama a Apostolo e Toasefululu, "E taua lou faalogo totoa a o faataunuina nei sauniga ma ia outou taumafai e manatua ia faamanuiaga folafolaina ma tulaga o le a faataunuina ai ia faamanuiaga."<sup>7</sup>

Na aoao mai Elder Jeffrey R. Holland o le Korama a Apostolo e Toasefululu e faapea, o le ki i le mauaina o le mana faalelagi e faatoilalo ai le fili ma tulei ai pea i luma le Ekalesia "o le feagaiga lea tatou te osia i le malumalu—o la tatou folafolaga e usitai ma ositaulaga, ia faapaia mo le Tama, ma Lana folafolaga e faamamanaina i tatou 'i se faaeega maoae.'<sup>8</sup>

E mafai ona e aoao atili e uiga i mataupu

faavae e i tua atu o feagaiga ia tatou te osia i le faaeega paia e ala i le suesue i mea nei:

- "Usiusitai," *Mataupu Faavae o le Talalelei* (2009), 221–226.
- M. Russell Ballard, "O Le Tulafono o le Taulaga," *Liahona*, Mat. 2002, 10.
- I le "tulafono o [le] talalelei" (MF&F 104:18), tagai i le Mataupu Faavae ma Feagaiga 42.
- "O Le Tulafono o le Legavia," *Mataupu Faavae o le Talalelei* (2009), 247–56.
- D. Todd Christofferson, "Toe Manatunga i se Olaga Faapaiaina," *Liahona*, Nov. 2010, 16.

### AOAO ATILI E UIGA I LE FAAEEGA PAIA

*Tagai i le Saunia e Ulu Atu i le Malumalu Paia (2002), 28–35; David A. Bednar, "Taofia ma le Mamalu o se Igoa ma Tulaga," *Liahona*, May 2009, 97.*

### O Le Faamauga

O le sauniga o le malumalu e faatatau i le "faaipoipoga faalemalumalu" po o le "ia faa-mauina" e fausia ai se sootaga e faavavau i le va o le tane ma le fafine e mafai ona oo i tala atu o le oti pe a faamaoni ulugalii. O sootaga foi a matua ma le atalii/afafine e mafai ona faaauau i tala atu o lenei olaga, ma faafesoo-tai ai faatasi ia augatupulaga i sootaga faale-aiga e faavavau.

A ulu atu se tagata i le feagaiga o le faaipoipoga i le malumalu, na te osia feagaiga faatasi ma le Atua *ma* faatasi ai ma lona toalua. E folafola atu e ulugalii le faamaoni o le tasi i le isi ma le Atua. E folafola mai foi ia i latou le faaeaga ma e mafai ona faaauau pea a latou sootaga faaleaiga i le faavavau (tagai MF&F 132:19–20). O fanau e fananau mai i se ulugalii sa faamauina i le malumalu, po o fanau e faamauina mulimuli ane i o latou matua, e i ai le aia tatau e avea ai ma vaega o se aiga e faavavau.

E faapei foi o isi sauniga, o le faamaoni o tagata taitoatas i a tatou feagaiga, e



manaomia mo sauniga i le lalolagi ina ia faamaufaailogaina, ma ia taulia ai i le lagi, e le Agaga Paia o Folafolaga.<sup>9</sup> O tagata e tausia a latou feagaiga—tusa lava pe le tausia e o latou taitoalua—e le aveesea o latou faamanuiaga na folafola atu i ai i le faamauga.

#### AOAO ATILI E UIGA I LE FAAMAUQA

Tagai i le Russell M. Nelson, "O Tupulaga e Sosoo i le Alofa," *Liahona*, May 2010, 91.

#### Osia ma Tausia o Feagaiga Paia

A tatou ulu atu i nei feagaiga taua, e avea i tatou ma ē e mauaina faamanuiaga o le feagaiga fou ma le faavavau, "o le atoatoa lea o [le talalelei a Iesu Keriso]" (MF&F 66:2). O le feagaiga fou ma le faavavau o "le taunuuga atoa lea o feagaiga ma taumafaiga uma o le talalelei" sa tatou faia,<sup>10</sup> ma o le taunuuga o faamanuiaga e aofia ai mea uma o loo i ai i le Tama, e aofia ai le ola e faavavau.

A o tatou taumafai ina ia malamalama ma tausi a tatou feagaiga, e tatau ona tatou manatua o le tausia o a tatou feagaiga e le na o le lisiina o mea e fai ae o se tautinoga ina ia avea faapei o le Faaola.

"O le Faamasinoga Mulimuli ua le na o se iloiloga aofai o amioga lelei ma leaga [a se tagata]—o mea sa tatou *faia*," na aoao mai ai Elder Dallin H. Oaks o le Korama a Apostolo



*O le tausiaina o  
a tatou feagaiga  
o se tautinoga lea  
ia avea faapei  
o le Faaola.*

e Toasefululua. "O le faailoaina mai o aafiaga faaiu o a tatou amioga ma mafaufauga—o a tulaga ua tatou *oo i ai*. E le lava i soo se tasi le na o le faia o se mea ae le o alu i ai le mafaufau. O poloaiga, o sauniga, ma feagaiga o le talalelei e le o se lisi o ni teugatupue momia e faia i se teugatupe faalelagi. O le talalelei a Iesu Keriso o se fuafuaga ua tau mai ai ia te i tatou le ala e avea ai i tatou ma e ua finagalo ai lo tatou Tama Faalelagi."<sup>11</sup> ■

#### FAAMATALAGA

1. Thomas S. Monson, "Fiafia—o le Sailiga Lautele," *Liahona*, Mat. 1996, 5; *Ensign*, Oct. 1993, 4.
2. *Tusitalima 2: Taitaina o le Ekalesia* (2010), 20.1.
3. Tagai i le Russell M. Nelson, "Feagaiga," *Liahona* ma le *Ensign*, Nov. 2011, 86.
4. Delbert L. Stapley, i le Conference Report, Oke. 1965, 14; tagai foi i le *Teachings of Gordon B. Hinckley* (1997), 561; *The Teachings of Spencer W. Kimball*, ed. Edward L. Kimball (1982), 220.
5. Russell M. Nelson, "Feagaiga," *Liahona* ma le *Ensign*, Nov. 2011, 88.
6. Tagai i le Russell M. Nelson, "Ia Saunia mo Faamanuiaga o le Malumalu," *Liahona*, ma le *Ensign*, Oct. 2010, 46.
7. Boyd K. Packer, "O Mai i le Malumalu," *Liahona*, Oke. 2007, 16; *Ensign*, Oct. 2007, 20.
8. Jeffrey R. Holland, "Tausia o Feagaiga: O Se Savali mo i Latou O Le a Auauna Atu i se Misiona," *Liahona*, Ian. 2012, 50. *New Era*, Jan. 2012, 4.
9. Tagai i le "Agaga Paia," *Faamaoni i le Faatuatua* (2004), 7; tagai foi i le MF&F 132:7, 18–19, 26.
10. Iosefa Filitia Samita, *Doctrines of Salvation*, lo. Bruce R. McConkie, 3 volu. (1954–56), 1:156.
11. Dallin H. Oaks, "O Le Luitau ia Avea ma se Tasi," *Liahona*, Ian. 2001, 40; *Ensign*, Nov. 2000, 32.

MATAUPU TAU I LE VA I FAFO

# Faafesoottaiina o

*Ao galulue  
faatasi ia taitai  
o le perisitua  
ma aufono a le  
siteki ma le itu  
o mataupu tau  
i le va i fafo, e  
mafai ona latou  
fesoasoani uma  
e faamalolosia o  
latou nuu—ma  
fausia le malo o  
le Atua i luga o  
le fogaeleele.*



# le Ekalesia ma le Nuu



**Saunia e Philip M. Volmar**

Mekasini a le Ekalesia

**I**na ua tofia Carol Witt Christensen e avea o se taitai faamaopoopo o mataupu tau i le va i fafo mo le Siteki o Topeka Kansas, sa ia lagona le “fefe ma le le atoatoa” i le avea ai ma sui o taitai o le siteki e galulue faatasi ai ma tagata fai lipoti o talafou ma tusitala.

“Sa fai sina tau faafefe o le fesootai atu ma ni tagata o talafou,” sa ia tomanatu ai. Ma e ui o lana mataupu suesue le gagana Peretania i le kolisi, ae sa ia faapea mai e na te “le iloaina se mea se tasi e uiga i le tusiaina o ni faamatalaga po o ni tusiga e faasalalau.”

E ui i lona le mautonu, sa filifili ia Sister Christensen e faalagolago i lana molimau, lona masani i lona nuu, ma le talitonuga o lona valaauga na oo mai mai taitai perisitua musuia. Fai mai a ia sa ia amata i se aoaoga mai le Matagaluega o Mataupu Tau i le Va i Fafo ma sa amata ona “aoao [lona] tiute, ma galue i le tofi ua tofi i ai o ia, i le filiga atoa” (MF&F 107:99).

Sa amata ona ia faitau ma le totoa i vaega faalelotu faalevaiaso o lana nusipepa o le lotoifale, e fuafua ai po o a mea ua matauina o ni tala talafeagai. Sa ia valaau atu i le tusitala o mea tau lotu, e saili ai ia aso atofaina ao lei auina atu lana talafou muamua.

“Sa ou iloaina ni ituaiga o aitema laiti o talafou lea na lolomiina, ma amata ai ona matauina faapitoa ni gaoioiga i le lotu, tagata iloga, ma ni faamanuiaga lea e ono faailoa atu i la matou nusipepa,” sa ia ta’ua ai.

I le aluga o taimi, sa iloa ai e Sister Christensen o fesootaiga tau i ala o faasalalauga e sili atu nai lo le tuuina atu o ni manatu mo tala. E faatatau lava i le iloaina o ala o faasalalauga ma le fesoasoani i le au fai lipoti e faatino a latou galuega ma fesoasoani foi ia i latou ia malamalamia i le Ekalesia.

Ina ua maea se faasologa o faamanuiaga, e aofia ai se tusiga e uiga i le polokalama a le seminare a lana siteki o loo faailoa atu i le nusipepa i le lotoifale, fai mai a ia sa ia mauaina le lototele ma sa “lagona se naunautaiga e aumai ai i fafo ‘le le mailoa’ o le Ekalesia” (tagai i le MF&F 1:30). O le taimi nei, ina ua mavae ni nai tausaga, o loo galue ai pea ia Sister Christensen o se taitai faamaopoopo o mataupu tau i le va i fafo mo lana siteki na ia

ANA NA SAUNIA E DAVID STOKER



*Na galulue faatasi le Siteki o Lenexa Kansas i le lunaite Setete ma isi ekalesia o le eria mo le lua tausaga e faia se konaseti suetupe. O le 2011, pe a ma le 1,000 tagata o le alalafaga na auai, e aofia ai le tele o ekalesia ma sui o malo.*



fai mai ai, "o loo i ai pea lena naunautaiga malosi."

"O le tele o mea o loo matou saili e fai i le vaega o mataupu tau i le va i fafo," sa ia faamatala mai ai, "o loo faaalia ai lo matou alolofa, talitonu, ma tapuai ia Iesu Keriso; faauo, ma auauna i o matou uso ma tuafafine i le nuu; ma lapataia ia tagata e uiga i le talalelei toefuataiina ma le Ekalesia."

O loo taitaiina ma faamalosiau atu taitai perisitua i le lalolagi atoa i tagata tomai faapitoa ma aufono o mataupu tau i le va i fafo, ao latou galulue soosootauau ma i latou i o latou eria ina ia manuia ai o latou nuu, faasa'o ia mea sese, ma faailoa atu i ai e mulimuli ia tagata o le Ekalesia ia Iesu Keriso.

E ui o taumafaiga muamua lava a Sister Christensen na taulai atu i fesootaiga tau faasalalauga, ae na tele naua ni auala sa mulimilitai ai ia aufono o mataupu tau i le va i fafo a le Ekalesia i taitaiga faaleperisitua musuia, a o fesoasoani e fausia o latou nuu ma le malo o le Atua.

### Sootaga a le Nuu ma le Malo

Pe a ma le 65 maila (105 km) mai Topeka, i le Siteki o Lenexa Kansas, na galulue faatasi ai ia Peresitene Bruce F. Priday, o le peresitene o le siteki, ma Sister Carol Deshler, o le taitai faamaopoopo o mataupu tau i le va i fafo, e fausia se sootaga lelei ma tagata iloga o lo latou alalafaga. Sa la mananao e fesoasoani ia i latou ia iloa o tagata o le Au Paia o Aso e Gata Ai o ni "tuaoi lelei, o ni faatosinaga lelei i totonus o le nuu, ma o ni soo o Iesu Keriso," o le faamatalaga lea a Peresitene Priday.

O Sister Deshler, o lē e galulue faatasi ma le au peresitene o le siteki ma isi tagata o le aufono o le vaega o mataupu tau i le va i fafo a le siteki, e sailia avanoa e galulue ai ma isi vaega faalelotu ma faalapotopotoga faalenuu ina ia lelei le auaunaga i tagatanuu o lo latou eria.

"E toetoe lava o faamanuiaiga uma o le matou galulue ai ma vaega o le alalafaga na mafua lea ona o fegalegaleaiga taitoatasi," o le tala lea a Sister Deshler. Mo se faataitaiga, sa

tausasami faatasi i se taumafataga o le aoauli se sui mai se isi lotu ma se sui mai lana siteki ma talanoaina ni auala e mafai ai ona o mai faatasi ia vaega e lua ma faia se mea lelei mo le nuu. Sa oo atu le talanoaga i ni tagata se toaono—taitoatolu mai aulotu taitasi—ma fausia ai se komiti na ta'ua o le "Galulue Lelei Faatasi" e faaali ni manatu palepalealuga mo le faigapaaga.

Sa oo atu lea faigapaaga i se konaseti suetupe i le 2010 lea na auai ia aufaipesi mai le tele o ekalesia. O le totogi o le ulufale i totonu, o se taga o oloa lea sa manuia ai se faleteuoloa i le lotoifale. Pe a ma le 700 tagata mai le alalafaga na auai atu i le konaseti, lea na faataunuua i le fale fou faatoa maea o le faleautu o le siteki. Sa faia se 'aiga ina ia faamasani ai taitai o le alalafaga ma taitai faalelotu a o lei faia le konaseti.

Ina ua maea le konaseti, e fa ekalesia faapoopo, toalua sui mai le aufono a le aai, ma le pule o leoleo na talosaga atu ina ia fai ni o latou sui i le komiti o le Galulue Lelei Faatasi, lea ua tai masina ma fono i le taimi nei. Sa toe faia le konaseti i le 2011, o le taimi la lea na talimalo ai le isi ekalesia, e toafitu le aofai o ekalesia na auai, ma e pe a ma le 1,000 tagata o le alalafaga na auai.

"O le lagona o le agaalofa ma le lotogatasi i le avea ai ma ni soo o Iesu Keriso na matua malosi lava i totonu o ekalesia," o le tala lea a Sister Deshler. Na iloa lelei lava na lagona mulimuli ane ina ua i ai Peresitene Priday i le malae vaalele e silia ma le 1,000 maila (1,600 km) le mamao mai lona aiga. Na alu atu se tamaitai e le'i feiloai muamua lava i ai ma fai atu na te iloaina o ia mai le konaseti suetupe a le Galulue Lelei Faatasi, lea sa ia auai atu i ai ma iloa ai le matagofie.

Fai mai a ia, "Ou te le i lagonaina muamua lava lea ituaiga lagona o le alofa mo isi i lo tatou nuu e pei ona ou oo i ai e ala i ia mea na tutupu. Faafetai tele lava mo le lagolagoina o nei konaseti. Ou te auai i se isi tapu-aiga, peitai matou te faaaloalo tele ma aloaia Le Ekalesia a Iesu Keriso o le Au Paia o Aso e Gata Ai."

“O le uiga moni lava lena o le vaega o mataupu tau i le va i fafo,” o le tala lea a Peresitene Priday. A o matou tau-mafai e saili ni auala fou e ausia ai a matou sini, sa matou atiina ae le tele o ni uo faapitoa i totonu o le alalafaga. Sa matou fefaaaloaloai i tapuaiga a isi ma se alofa moni o le tasi i le isi.”

O le mauaina o lea ituaiga o lagolagosua ma le faa-alalo mai taitai o le alalafaga na matauina ai foi lona tulaga lelei i Europa i Sasae. O Katia Serdyuk, o le taitai faamaopoopo o fesootaiga i ala o faasalalauga mo le aufono o mataupu tau i le va i fafo o Iukureini, e galulue faatasi ma faifeatalai o mataupu tau i le va i fafo ma taitai perisitua e faaleleia fegalegaleaiga i le va o le Ekalesia ma le alalafaga. “O le toatele o tagata e sese o latou talitonuga ma malamalamaaga e uiga i le Ekalesia,” o le tala lea a Sister Serdyuk. “I le avea ai ma tagata tomai faapitoa i mataupu tau i le va i fafo o loo galulue faatasi ma taitai perisitua, matou te taumafai e suia na vaaiga e ala i le galulue faatasi ma taitai e tele lo latou faatosinaga i manatu o tagata lautele, le au faasalalau, faapea ma tagata lautele. O taumafaiga faamanuiaina a le vaega o mataupu tau i le va i fafo e faaosofia ai se siosiomaga lea e mafai ai e tagata iloga ona fesoasoani i le Ekalesia e ausia ona faamoemoega a o matou fesoasoani atu ina ia latou ausia a latou foi sini.”

I Zhytomyr, Iukereini, sa auai atu tagata o le Ekalesia i se taumafataga sa faia e le pulenuu o le aai o, Alexander Mikolayovich Bochkovskiy, e tali aloaia ai le galuega faatino o auaunaga agaalofa a le Ekalesia lea na tuuina atu ai le tele o masini na manaomia tele mo a’oga e fitu i totonu o le aai. Sa tali aloaia ai foi ia taumafaiga faaleauaunaga i le lotoifale a tagata o le Ekalesia i le Paka o Gagarin i le aai, lea na faia ia Aperila ma Oketopa 2011. O le peresitene o le Paranesi o Zhytomyr o, Alexander Davydov na fai ma sui o le Ekalesia e taliaina le faa-alalo a le aai.

### Fuafuaina o Mea e Tutupu

O se faaopoopoga i fegalegaleaiga tau i ala o faasalauga ma le alalafaga, o se isi avanoa o mataupu tau i le va i fafo e oo mai i le fuafuaina ma le talimalo i mea e fai, o le tala lea a Tanielu ma Repeka Mehr, lea faatoa maea le la misiona i mataupu tau i le va i fafo i le Eria o le Atu Keripeane.

“O le faaauai mai o tagata o le ekalesia e aoao a latou uo e ala i gaoioiga e aofia ai talitonuga po o aganuu masani, e pei o se gaoioiga faaleaganuu, o se taumafataga



### O SE SAVALI I TAITAI PERISITUA

“Matou te faamalosiau atu i peresitene o siteki ma itu ma Fitugafulu Eria i soo se nofoaga, ina ia mautinoa ua valaauina ma aoaoina ia aufono o mataupu tau i le va i fafo i siteki ma siteki tuu-faataasi. I nisi o itu ma eria tau atiae o le Ekalesia, e ono tulaga laiti ai i le taimi muamua ia taumafaiga a le mataupu tau i le va i fafo, ma faagaoioia ai e aunoa ma se aufono ua atoatoa le faatulagaina. E mafai ona faatulaga e lo outou taitai faamaopoopo o mataupu tau i le va i fafo se aoaoga ma faasino oe i punaoa taua.

“O le a e iloaina ai le auala e mafai ai ona avea le galuega o mataupu tau i le va i fafo, o se meafaigaluega matagofie mo le ausiaina o faamoemoega faaleperisitua, ao e fausia ni sootaga ma se faigapaaga ma taitai o alalafaga, le au faasalalau o talafou, ma isi taitai e tele lo latou faatosinaga i manatu o tagata lautele. O lou gauai atu i lenei galuega o le a faaleleia ai foi le tulaga po o le igoa o le Ekalesia, e ala i le fesoasoani i tagata ia malamalama o loo tatou mulimuli ia lesu Keriso.”

**Elder L. Tom Perry o le Korama a Apostolo e Toasefululua, Taitaifono o le Komiti o Mataupu Tau i le Va i Fafo**

o le afiafi, o se galuega faatino faaleauaunaga, po o nisi gaoioiga, e mafai ona aoga tele mo le fausiaina o fegalegaleaiga,” na fai mai ai Sister Mehr.

Ae peitai, na lapatai mai Brother Mehr o se tasi o mea aupito i sili ona sese e faia e se tagata tomai faapitoa o mataupu tau i le va i fafo o le “amata fuafuaina lea o gaoioiga e aunoa ma le mafaufau i manaoga o le nuu ma e aunoa ma le fefautuawai ma taitai perisitua.”

E talitonu Elder ma Sister Mehr o se fuafuaga faaletausaga o loo atagia ai sini ma aoaoga a taitai perisitua a le siteki ma le uarota, o se tasi lea o auala e fesoasoani e taialaina se fuafuaga o gaoioiga mai le amataga. O le fausiaina o lea ituaiga o fuafuaga faaletausaga, ua fautuaina mai e Sister Mehr le faatulagaina o mea e tutupu e faaaoga ai le faagasologa e fa laasaga lea e taulai atu i se taunuuga na fuafuaina ma e taulai atu i manaoga o le nuu ma faamoe-moega o le au perisitua i le lotoifale:

- O a ni mea e sili ona manaomia i lo tatou nuu?
- O a ni faafitauli i lo tatou eria o loo aafia ai le tulaga alualu i luma o le Ekalesia, lelei po o le lē lelei?
- O ai taitai o le alalafaga e mafai ona tatou faipaaga e talanoaina mea e manaomia ma foia ia faafitauli?
- E mafai faapefea ona tatou amatalia pe faaaaua pea se mafutaga ma nei taitai?



*Ina ua mavae le mafui o le 2011 i Iapani, sa galulue faatasi ia taitai perisitua ma tagata tomia faapitoa o mataupu tau i le va i fafo, e faatulaga ia taumafaiga laveai e ala atu i le polokalama a Mamona Lima Fesoasoani. Mai nei taumafaiga agaalofa, sa tusia ai e se tasi fai lipoti: "Na pau lava le mea e tauivi tutusa ma le gafatia o le ekalesia Mamona e tala'i atu le upu, o lona tulaga gafatia lea e taulimaina ia faalavelave faafuasei."*



O le taliina o nei fesili, o le a mafai ai e taitai perisitua ma aufono o mataupu tau i le va i fafo ona aloese mai le fatuina o "gaoioiga ia tau lava o ni gaoioiga," o le tala lea a Sister Mehr. Nai lo lena, ua mafai e aufono ona fuafua ma faatino ia gaoioiga lea e fausia ai le talitonu i le va o taitai o le alalafaga ma taitai perisitua. O nei gaoioiga e maua ai foi e taitai o le Ekalesia ma taitai o le alalafaga se avanoa e faamasani ai ma fausia ai ni faigauo.

Mo se faataitaiga, i le Ripapelika Tominika i le 2010, sa galulue faatasi ia taitai perisitua, aufono o mataupu tau i le va i fafo, ma tagata o le alalafaga i se gaoioiga na faataua ai ia taumafaiga a Mamona Lima Fesoasoani. Sa valaaulia e Brother ma Sister Mehr le tele o taitai iloga o malo eseese lea na latou galulue faatasi.

"Sa auai le toatele o tagata iloga ma tauaua lea na fai ma sui o le tele o sosaiete ma faalapotopotoga," o le tomanatu lea a Brother Mehr, ae le gata i lea sa auai foi le Au Peresitene o le Eria a le Ekalesia.

"Sa faamanuiaina tele le gaoioiga," o lana lipoti mai lea. "Sa faateleina pea, ona matou mauaina le tele o talosaga mai pulenuu ma faalapotopotoga o le aai mo sa matou fesoasoani mo le teuina ma faamama. E le gata i lea, sa atiina ae ai se vaaiga lelei a le tele o faalapotopotoga e uiga i le Ekalesia."

O ui e taua le faaaofia ai o taitaiga faaleperisitua i le fuafuaga manuia o gaoioiga, ae e le na o le pau lea o se mea taua. O Kathy Marler e galue i le aufono o mataupu tau i le va i fafo o le tele o siteki tuufaatasi i San Diego, Kalefonia, ISA. Fai mai se tasi o ana uo e ese lana tapuaiga, o tagata o le Au Paia o le Aso e Gata Ai e lelei tele i le valaauliaina o isi i gaoioiga e lagolagoina e le Ekalesia ae tele ina le galulue faatasi ma tagata i isi lotu e fuafua a latou gaoioiga.

Sa toe manatua e Sister Marler le tala a lana uo, "Na o lou fai atu lava i isi e auai mai. E ese le matagofie pe afai e te fesilgia i matou pe matou te manaomia se fesoasoani. O le tali, o le ioe mautinoa lava."

O le iloaina o manaoga o isi, o le tala lea a Sister Marler, o le a mafai ai e aufono o

mataupu tau i le va i fafo ona fesoasoani atili atu ai i nisi taimi i se alalafaga, nai lo le faatulagaina o se gaoioiga e i latou lava.

### Fesootaiga ma le Taulimaina o Faalavelave

E ui o le tele o galuega o mataupu tau i le va i fafo e faatino i tulaga masani o aso uma o le olaga faalenuu, e mafai foi ona fesoasoani e saunia se siteki, atunu, po o le eria o le Ekalesia e taulimaina se faalavelave faafuasei, e pei ona tupu i le tausaga ua mavae i Iapani.

A o Peresitene i le Eria a Asia Matu ia Epikopo Gary E. Stevenson, Epikopo Pulefaamalu-malu, na te manatuaina le auala na suia faafuasei ai e le mafuie i le 2011 le tau na faasalalauina. "Na taulai atu e le mafuie ma le galulolo ia mata o le lalolagi ma Iapani atoa i le talafatai i matussae na faatafunaina," na ia tomanatu ai.

Fai mai Epikopo Stevenson na mamanuina e le faalavelave se "tulaga malosi o le popole" i fesoasoaniga lima foai ma gaoioiga ofofua na tuuina atu i Iapani, e aofia ai ma ia na tuuina atu e le Ekalesia.

I ni nai aso talu ona mavae le galulolo, sa amata ona tuuina atu e le Ekalesia ia mea na manaomia e tagata lolotu faapea ē le lolotu na tulaga pagatia. "Na amata mulimulitai ia faasalalauga faalelotoifale ma faalemaloi i soo se tala," na fai mai ai Epikopo Stevenson.

O le tuuina atu e le Ekalesia o le silia ma le 250 tone o sapalai o meaai ma fesoasoaniga agaalofa ma taloina le fesoasoani o le silia ma le 24,000 o tagata galulue fua, o e na tuuina atu le silia ma le 180,000 itula o auaunaga, sa masani ona matauina e taitai faalemaloi i le lotoifale ia taumafaiga laveai, o le faamatalaga lea a Epikopo Stevenson. I se atunu lea e itiiti ifo ma le lua pasene le aofai o tagata o loo tauina i latou lava o ni tagata Kerisiano, sa fia malamalamo atili nisi o na taitai e uiga i le matafaioi a le Ekalesia i ia taumafaiga. O lena fialoa, na ia fai mai ai, sa maua ai se avanoa mo tagata e tomai faapitoa i mataupu tau i le va i fafo e le gata i le fesoasoani ia i latou na tuga manaoga ae na fesootai atu ai se malamalamo i lea lava taimi e tasi. Mo se faataitaiga, ina ua mavae le vaiaso talu ona faataumaoi ia

Iapani e le sunami, sa tusia e se tasi fai lipoti: "Na pau lava le mea e talitutusa lona tulaga gafatia ma le talaiina atu o le upu e le ekalesia Mamona, o lona tulaga gafatia lea e taulimaina ai ia faalavelave faafuasei. . . . E le na o lana lava lafu o loo taulai atu i ai le ekalesia."<sup>1</sup>

Na mafai ona maua lenei lipoti lelei ona o le tele o tausaga o fausiaina ia sootaga. Na fai mai Conan ma Cindy Grames, o e na amata galulue o ni sui auai o mataupu tau i le va i fafo mo le Eria a Asia Matu ia Aokuso 2010, e faapea, "ua loa tausaga o galulue faatasi le aufono o mataupu tau i le va i fafo i Iapani ma taitai autu o le malo i le atunu. O nei faigauo na tatalaina ai ia faitotoa i faalapotopotoga faalelotoifale, ma na latou malilie e taliaina a tatou fesoasoaniga." O Elder Yasuo Niiyama, sa galulue ma lona faletua e avea o ni taitai faamaopoopo i le aufono a le Ekalesia o mataupu tau i le va i fafo i Iapani, na ia tauina mai faapea "e oo lava i taitai faalemalu o Iapani na malamalama i le tulaga mataalia o le Ekalesia ma le vave ona galulue e tuuina atu se fesoasoani."

O se faataitaiga lea na talisapaia ai e taitai o Iapani le fesoasoaniga vave a le Ekalesia ina ua iloaina e taitai perisitua i le lotoifale se nofoaga loftuina o tagata sulufai lea na faatuina i se aoga i se nofoaga tuufua. Sa faatulagaina e taitai perisitua, faatasi ai ma le aufono o mataupu tau i le va i fafo ma le pule o le uelefea a le Ekalesia i le lotoifale, le tilivaina atu o meaai ma isi sapalai mo tulaga laveai i le nofoaga, lea na nonofo ai pe tusa ma le 270 tagata na aafia i le galulolo.

E ui ina sa tetei muamua i latou o e na i lea nofoaga i le mauaina o se fesoasoaniga mai se ekalesia Kerisiano, ae o le taimi lona lua na oo atu ai tagata volenitia o Mamona Lima Fesoasoani, o ofuina o latou taofo lanu samasama, sa ee mai se tasi o tamaitiiti, "Lea ua o mai! Ou te fia iloa po o le a se mea o latou aumaia nei!"

Ina ua uma ona taliaina le foai, sa fai atu le pule o le fale ia Elder ma Sister Grames, "O la outou ekalesia na aumaia ia fasipovi muamua lava ma fualau faisua felesi talu ona maea le mafuie."

"O se faalogona lelei," o le tala lea a Sister

Grames, "ina ia avea moni lava o se lima fesoasoani e le gata i fale sulufai, ae faapea foi mo taitai perisitua o e o taumafai malosi e oo atu ia i latou o e le tagolima."

Na faamatalaina e Elder Niiyama se isi aafiga lelei o taumafaiga a le aufono: "Na matou iloaina o le fetufaa atu o faamatalaga e uiga i le galuega laveai a le Ekalesia ma tagata o le ekalesia faapea foi ma taitai, e tele lo latou faatosinaga i manatu o tagata lautele, sa matua taua tele i faamoemoega a la tatou vaega o mataupu tau i le va i fafo. Ou te lagona ua sili atu ni manatu o tagata e le auai i le Ekalesia i le taimi nei e uiga i le Ekalesia, ma ua sili atu ona mautinoa e le au paia le malosi o le Eklesia i Iapani."

### Avea ia Mataupu Tau i le Va i Fafo o se Meafaigaluega mo Taitai Perisitua i le Lotoifale

I le avea ai ma se vaega taua o le faalapotopotoga i le lalolagi atoa, ua mafai ona faamanuiaina ia taitai perisitua i aufono o mataupu tau i le va i fafo o loo silafia le siosiomaga faalelotoifale ma e mafai ona fesoasoani e auaua atu i manaoga o le nuu. Ua taua e Sister Serdyuk, mai Iukureini, "E ese le faafafia loto o le vaai atu i le auala lelei o loo talisapaia ai e taitai perisitua ia le vaega o mataupu tau le va i fafo e avea o se meafai-galuega i le ausiaina o o latou faamoemoega faaleperisitua. O se tasi o ia ituaiga faataitaiga o le faatinoina lea o auaua falealalafaga e ala i taumafaiga a Mamona Lima Fesoasoani, lea na atiina ae se lotogatasi i tagata o paranesi ma uarota, ma ua fesoasoani foi e fausia se sootaga vavalalata i le va o le Eklesia ma alalafaga i le lotoifale." ■

O le uepisite o mataupu tau i le va i fafo o le Ekalesia—o loo maua i le gagana Peretania i le publicaffairs.Ids.org—o loo ofoina mai ai ni faamatalaga aoga faaopoopo.

### FAAMATALAGA

1. Kari Huus, "In Japan, the Mormon Network Gathers the Flock," World Blog from NBC News, 18 Mat., 2011, [http://worldblog.msnbc.msn.com/\\_news/2011/03/18/6292170-in-japan-the-mormon-network-gathers-the-flock](http://worldblog.msnbc.msn.com/_news/2011/03/18/6292170-in-japan-the-mormon-network-gathers-the-flock).

## TAITAIGA FAAPE-ROFETA E FAATA-TAU I MATAUPU TAU I LE VA I FAFO

E mafai ona fesoasoani lauga nei i taitai perisitua, aufono o mataupu tau i le va i fafo, ma isi tagata o le ekalesia, ia malamalama lelei i le auala e fesoasoani ai ia mataupu tau i le va i fafo, i le faamalolosia o nuu ma faataunu ia faamoemoega faaleperisitua.

- L. Tom Perry, "O Le Alofa Atoatoa e Faateaeseina ai le Fefe," *Liahona*, Nov. 2011, 41–44.
- M. Russell Ballard, "O Le Taua o se Igoa," *Liahona*, Nov. 2011, 79–82.
- M. Russell Ballard, "Faatuatuaga, Aiga, Mea Moni, ma Fua," *Liahona*, Nov. 2007, 25–27.
- Gordon B. Hinckley, "O A Mea o Fesili ai Tagata e Uiga ia i Tatou?" *Liahona*, Nov. 1998, 70–72.
- Ezra Taft Benson, "Ia Agai i Luma le Malo o le Atua," *Liahona*, Iulai 1978, 32–35.



# Aua Le Fiu

*Ua faamatala e se tane ma se ava lo la'ua liua i le talalelei a Iesu Keriso—35 tausaga e valavala ai.*

**Saunia e Al ma Eva Fry**

## O Le Tala a le Tina

**S**a ou faamoemoe ma faatalitali mo le 35 tausaga mo lo'u toalua ina ia avea ma se tagata o le Eklesia. O na tausaga uumi sa faatumulua i tatalo faatauanau, ae e tolu ni tatalo patino sa avea ma ni tulaga e suia ai e manatua pea i o'u aafiaga.

Sa ma faaipoipo ma Al i le 1959. I le sefulu tausaga mulimuli ane sa maua ai se ma fanau e toatolu, ma sa matou nonofo i se tamai taulaga i Kanata. Sa fai se pisinisi faufale a Al, a o au o se tina e nofo i le fale ma fesoasoani i le pisinisi i nisi o taimi. I faaiuga o vaiaso, ma te pati ai ma Al ma a ma uo, ma o taimi uma lava e inu ai le ava malosi. O lo'u tamā o se tagata inu 'ava tele, o lea sa ou ita ai i le avea o le inupia ma se vaega tele o o ma olaga, ae sa avea o se ala matou te tafafao ai ma a ma uo.

O lena tausaga, 1969, sa ou iloa ai e le o agai i se mea lo'u olaga ma e sili atu mea e tatau ona maua e le ma fanau nai lo mea o loo ma ofoina atu ia i latou. I se tasi po ina ua maea foi se isi pati, sa ou tootuli ai ma tatalo, "Le Atua Pele, afai o E i ai iina, faamolemole fesoasoani mai ia te au ia sui lo'u olaga." Sa ou folafola atu ia te Ia o le a ou le toe inupia lava, o se tautinoga sa ou faamamaluina talu mai lena po.

O le tatalo muamua lava lena e manatua pea, ma sa vave ona tali mai. Sa valaaulia e so'u tei, le tama teine a lo'u uso faaletulafono, e auai i le Peraimeri faatasi ma se uo o le Au Paia o Aso e Gata Ai. A o aoao atili pea lo'u uso faaletulafono e uiga i le Eklesia, sa musuia o ia e auina

mai ia te au se lesitala o mekasini a le Eklesia, lea sa tau-nuu mai i se masina talu ona maea la'u tatalo muamua. Ou te le'i iloaina pe o ai ia Mamona, ae sa ou fafia i savali sa i ai i mekasini ma na ou faitaua mai faavaa i faavaa. Sa ou filifili e sailili i le Eklesia ma o iina sa ou maua ai la'u tali. Sa suia *lava* lo'u olaga, ma papatisoina ai a'u i le aso 9 o Iuni, 1970.

E le'i tutusa o ma manaoga ma Al. Sa fafia lava o ia i le ma olaga tuai ma faaauau ai pea ona ola ai. Sa faaauau pea ona avea o ia ma se tane, tama, ma se tausiaiga lelei, ae mo le 35 tausaga na sosoo ai, e tusa ai ma le tulaga o le talalelei, sa na o au.

Sa ou tausia le ma fanau i le Eklesia, ae i totonu o nai tausaga, sa filifili ai le ma fanau e sili atu le faaalu o Aso. Sa e tietie vaa ai ma lo latou tama nai lo le auai i le lotu faatasi ma au. Sa lofituina au. O se tasi o aso i le 1975 sa ou talanoa ai i lo'u peresitene o le siteki ma tau atu ia te ia ua ou filifili e manaomia ona ou tuua le Eklesia ona ua faamalepeina ai lo matou aiga. Sa ia faalogo ma le onosai ma faapea mai, "Fai le mea e ao ona e faia, ae ia mautinoa ua finagalo i ai lou Tama o i le Lagi." O lea sa ou alu ai i le fale ma anapogi ma tatalo. O le tatalo lona lua lena e manatua pea. O le tali na oo mai o le uunaiga e faapea o a'u o le sootaga i le filifili o le talalelei mo lo'u aiga; afai ou te momotuina lena sootaga, o le a leiloloa tagata uma. Sa ou iloa o le tali na sau mai le Atua, o lea na ou tautino ai ou te le tuua lava le Eklesia. Ma ou te le'i tuua lava.



## OLA MO LE NA MEA, TATALO MO LENA MEA

"I le gasologa o lou olaga i le fogaeleele, ia saili ma le maelega e faataunu faamoemoega tupito o lenei olaga e *ala i le aiga lelei* atoa. Atonu e te le'i taitai aulia lena laasaga ae fai mea uma e te mafaia e ala i le usiusitai ma le faatuatua i le Alii ina ia tumau ai pea lou latalata atu i le mea e te mafaia. Ia aua lava nei faatagaina se mea e upuseina oe mai lena faamoemoega. . . . Afai o le taimi nei, e le o aofia ai se faamauga i le malumalu i se soa amiotonu, ia ola mo lena mea. Tatalo mo lena mea. Ia faaaoga le faatuatua e te maua ai. Ia aua lava nei faia se mea e te le agavaa ai mo le mauaina. Afai ua le toe ia te oe se vaiga mamao mo se faaipoipoga e faavavau, ia toe faamumu. Afai e manaomia le onosai i ou moomooga, ia tuu i ai. I le avea ai o ni uso, sa matou tatalo ma galulue mo le 30 tausaga a o le'i faamauina lo matou tama sa le'i lotu ma lo matou tina sa le toaga i le lotu, ma le malumalu. Aua nei soona popolevale. Ia faia le mea sili e te mafaia. E le mafai ona tatou faapea o na faamanuiaga o le a maua i lenei olaga po o le isi foi, ae o le a tausia lava e le Alii Ana folafolaga"

Elder Richard G. Scott o le Korama a Apostolo e Toasefululu, "Faamuamua Mea e Tatau ona Muamua," *Liahona*, Iulai 2001, 7.

O le tumau ai ma le faamaoni e le'i faigofie ona oo mai, ae sa fesoasoani ni nai mea ia te au e faatumauina lo'u faatuatua ma faamoemoe ma le onosai mo le aso o le a toe mafaufau ai Al i le talalelei:

- Sa ou alofa pea ia Al ma faia mea sili ou te mafaia e tauis i ia ma avea o se toalua lagolagosua ma faamaoni.
- Sa ou tatalo e le aunoa. Sa oo ina avea le Tama Faalelagi ma Iesu Keriso ma a'u soa o le talalelei. I taimi sa faigata ai le ma mafutaga ma Al ona o lona le ola ai i tulaga faatonuina o le talalelei, sa ou talanoa i le Tama Faalelagi ma oo ai ina ou iloa lo'u Faaola.
- Sa faitau soo a'u tusitusiga paia ma isi lomiga uma a le Ekalesia na mafai ona ou maua, e aofia ai le *Ensign*. E lua ni mau patino o tusitusiga paia, o le 3 Nifae 13:33 ma le Mataupu Faavae ma Feagaiga 75:11, sa faapitoa le anoa ma le faagaeetia ia te au. Sa ou maua ai le malosi ma le onosai e tumau ai a o faatalitali pea mo se suiga i le loto o lo'u toalua ma le ma fanau.

- Sa ou alu na o au ma le faamaoni i le lotu seja oo ina toe foi mai taitoatasi le ma fanau. O loo malolosi uma [i le lotu] i le taimi nei. Ina ua latou matutua ma tuua le aiga, sa faaauau pea ona ou auai na o au i le lotu.
- Sa fai a matou afiafi faaleaiga e aunoa ma le iloaina e Al o le mea lena o loo matou faia. Ou te ta'ua se mataupu i le laulau ai, ona matou talanoa ai o se aiga.
- Sa ou taumafai pea e usiusitai ma fai le mea sa'o.
- Sa ou mauaina se mana faaopoopo i le talosagaina o faamanuiaga faaleperisitu.
- Sa ou saili atu i fautuaga mai taitai perisitu.
- Sa ou taulimaina a'u uo mai le Ekalesia o ni tagata o lo'u aiga.
- Sa ou alu i le malumalu ma maua o'u faaeega paia. E tele tausaga sa ou faaaluina e faia ai lena filifiliga; sa ou fefe ina nei faigata atili ai le ma mafutaga ma Al. I le faaiuga, sa ou iloa ai o le filifiliga sili lea mo a'u. Sa lagolagoina e Al, sa ou fafia ai, ma ina ua uma ona mauaina, ou te le'i toe ita ia Al e faapea o ia le mafuaga sa ou le alu ai i le malumalu. A ou auai i tapuaga o le malumalu, ou te tuu sooa le igoa o Al i le lisi o tatalo.

I tulaga silisili, sa faaauau pea ona ou ola o se tagata faamaoni o le Ekalesia. Sa ou vaavaai mo ni auala laiti e faasoaa atu ai le talalelei ia te ia, e ui e masani lava ona ia le fia faalogo i ai. Ae sa ou iloa e musuia a'u e le Agaga Paia i mea sa'o e tau atu, ma le ala ma le taimi sa'o e faasoaa atu ai na mea. Mulimuli ane sa ou aoaoina e faapea, ona o lo'u faamaoni ma la'u tautinoga ia te ia, na pa'i atu ai le Agaga ia Al mai lea taimi i lea taimi.

Sa oo foi ina malie o ia e faalogo i lesona a faifeautalai i nisi taimi. Ae o taimi taitasi lava, e nutimomoia ai lo'u loto ona e toe foi pea o ia i lona ala tuai o le olaga. Peitai, e oo lava i nei taimi faalotovaivai, sa leoleo lava au e le Tama Faalelagi ma faaatoatoaina i isi faamanuiaga mea sa ou le mauaina. Sa ou iloaina i le taimi atoa lava o loo i ai se mea i totonu o Al e taua le faatalitali i ai.

Sa amata lemu ona faia e Al ni suiga. Sa tuu lona palauvale. Sa tuu lona inupia. Sa ia taulimaina au e sili atu nai lo se isi lava taimi muamua. Sa amata ona sau o ia i le lotu.

Ma sa ou tatalo pea.

O le tali ofoofogia i la'u tatalo e manatua pea na oo mai ia Aperila 2005. Sa ou manatunatu pe faamata o le a talia e Al le talalelei a Iesu Keriso—sa ou lagonaina sina atutuvale laitiiti. Sa ou aioi atu i le Tama Faalelagi mo Lana

fesoasoani. Masalo ona ua oo lava i le taimi sa'o aua o le aso 9 o Iulai, na papatiso ai Al.

E ui o le oo atu i lenei tulaga sa le'i faigofie, ae ou te faafetai sa ou molimauina le mana ofooofogia o le Atua i le suiina o se loto le talitonu i se loto talitonu. Ou te iloa sa Ia faafogaina ma tali mai le tele o tatalo sa ou tatalo ai i le aluga o tausaga e 35. Ona o Ana tali, o lea ua ou ola faatasi ai ma se alii ua suia, o se tasi e matua alofa i lo tatou Tama Faalelagi e pei o au. Ma ua sili atu le loloto o le alofa o le tasi i le isi nai lo se isi lava taimi muamua.

Ou te iloa o loo i ai isi i le Eklesia o loo faatalitali, faamemoe, ma tatalo mo sē pele ina ia sau i le Eklesia. Ou te fia faamalosiau atu i nei tuagane ma uso ina ia talia le valaaulia a le Faaola e "o mai ia ia te a'u" (Alema 5:34) mo i latou lava ae le mo na o ē pele ia i latou. Ua ou iloa mai aafiaga o le faia faapena o le a maua ai le malosi e le mafai ona maua mai i se isi lava mea. O le latalata i le Tama Faalelagi, usiusitai i Ana poloaiga, ma olioli i faamanuiaga i le taimi nei e maua ai le fiafia ma faatagaina ai o Ia e galue e ala mai ia i tatou.

Ou te molimau atu e faafogaina e le Atua a tatou tatalo. O le faatalitali ma le faatuatua i le Alii ma le taliaina o lana faatulagaga o taimi e seāseā faigofie, ae ou te iloa o Lana taimi e sa'o pea.

## O Le Tala a le Tama

**M**o le 35 tausaga sa matou talanoaina le talalelei ma le toatele o tagata. E le'i misi lava e lo'u toalua se avanoa e talanoa ai [i le talalelei], ma e na te tuuina ma le atamai le Tusi a Mamona ma le mekasini o le *Ensign* i mea e iloagofie ai. Ioe, ou te le'i pikia lava i luga na tusi. Sa ia valaaulia ia faifeautalai i le tele o taimi; e lua pe tolu soa na aoaoina au i lesona a faifeautalai.

O le a la le mea na taofia au mai le ulufale atu i le vai o le papatisoga?

Sa i ai i taimi uma sa'u alofaga. E uumi o'u itula faigaluga. Ou te le'i iloaina o le a i ai so'u taimi mo le talalelei. Sa ou pisi tele i le sueina o tuge. O lea sa ou tau atu ai ia Eva, "A tau leai ni mea e faia i nisi taimi ma maua so'u taimi avanoa, o le a ou faitaua le Tusi a Mamona."


Ae ou te le'i faitaua lava. O le isi mea, e le o au o se tagata e fiafia e faitau tusi, ma a ou taumafai e faitau le Tusi Paia, e leai ma sona uiga ia te au. Ia o le iuga lena o lena mea.

Sa i ai se isi mea na taofia au mai le auai i le Eklesia, o se mea sa sili ona matuia: o le olaga agasala sa ou ola ai. Ua aoao i tatou e le Tupu o Peniamina e faapea "o le tagata natura o se fili i le Atua . . . vagana ai ua gauai atu i uunaiga a le Agaga Paia" (Mosaea 3:19). Ou te lei gauai atu—sa ou nofonofo i luga o le aupu. Na fetalai mai le Faaola, "O se le 'au ia te au, e 'au ese lea ia te au" (Mataio 12:30). Ua ou iloa nei ona o le ala sa ou ola ai, sa ou faasagatau ia te Ia. Sa manaomia ona ou suia.

Sa ou ola faataamilo i le talalelei ae ou te lei ola tonu ai lava, ae a o faagasolo pea le taimi, sa amata ona ou lagonaina le Agaga. Sa ou tuua pati ma le inupia. Ina ua ou faia lena suiga, sa amata ona faaali soo mai le Agaga lava ia. Ou te le'i i ai lava i le mea sa manaomia ona ou i ai—sa le'i lelei tele la'u gagana ma sa i ai nisi mausa leaga sa ao ona ou galue i ai—ae sa ou sui.

Ona oo lea i le tasi aso sa ou mauaina ai se faamomoli.

*A o ou faitaua le tusi a lo'u afafine, sa ou iloa ai e le o toe i ai ni o'u alofaga.*



Sa aumai i se tasi o o'u afafine, o Linda. Sa i ai se Tusi a Mamona ma se Tusi Paia faatasi ai ma le tele o mau ua makaina. Sa ia tusia foi se tusi mo au lea na ia tau mai ai ia te au le tele o lona alofa ia te au ma lona manao ia ou iloa le mea ua ia iloaina.

Na ia tusia, "E na o le pau le ala e iloa ai pe moni le talalelei a Iesu Keriso o le fesili atu lea ma se loto faamaoni ma se faamoemoega tonu."

Ona faasoa mai lea e Linda se faasologa o mau lea na taitai atu ai au i se malaga o tatalo ma le suesueina o tusitusiga paia.

"E na o le pau le ala ou te iloaina ai lo'u Faaola ma le Tama Faalelagi," na ia tusi mai ai, "e ala lea i le tatalo ma le faitau e uiga ia i Laua i tusitusiga paia."


Ona ia faamatala mai lea o le taua o le lotomaualalo ma le auala semanu na te le maua ai le filemu pe ana le seanoa le i ai o le Atua i lona olaga. I le faaiuga, sa ia tusi mai ai, "Aua nei toe faatuai. Ua tele naua mea ua tuuina atu ia te oe. O le taimi la lenei e toe faafoi atu ai i le Tama Faalelagi. Ua na o le pau lenei o le ala i le fiafia moni."

E le'i toe i ai ni o'u alofaga. Sa tau le i ai ni galuega, ma na maua ai ni o'u taimi avanoa. O lea sa amata ai ona ou faitauina ma suesueina ia mau na ia otootoina mai mo au, lea na ou maua ai le manao e faitau atoa le Tusi a Mamona. Ae sa tele pea ni mea sa ou le malamalamai a i.

O le taimi la lenei sa ou auai ai i le sauniga faamanatuga ona sa fai mai lo'u toalua e manaia pe a ou sau ma nofo i ona talaane. Sa ia fautua mai foi ia ou faitauina le Mataupu Faavae ma Feagaiga. Sa ou faia, ma ou malamalamai atili ai. Ona sosoo lea, faatasi ai ma le fesoasoani a lo'u toalua, sa ou faitauina ai le Tusi a Mamona ma oo ai i aafiaga o le olaitino mai o tusitusiga paia. E ala i le tele o tatalo, sa mumu ai le Agaga i totonus ia te au.

O le a le mea sa faia se eseesege ia te au? O le Agaga Paia ma le malamalamai o tusitusiga paia. Sa la aumaia uma ia te au le lototele e suia ai lo'u olaga ma ole atu ai i le Atua mo se faamagaloga o au agasala, o mea ia sa taofia moni ai lava au mai le auai i le Ekalesia i na mau tausaga uma.

O le tautauina atu o au agasala sa faigata tele. Sa au-maia ia te au le tiga tele ma faataotolia ai au i le moega mo aso e tolu i le faanoanoa. Ae na auala mai i le Togiola a Iesu Keriso, sa faamagaloa ai au. Ona tuu mai lea e le



*Ua oo mai le fiafia sili i o matou olaga ona ua tuufaatasia i matou i le talalelei.*

Tama Faalelagi ia te au le malosi e tu ai i luga ma agai ai i luma i lo'u olaga fou.

Sa papatisoina au e lo'u atalii o Keleni i le aso 9 o Iulai, 2005. Sa auai se tasi o faifeautalai na aoaoina lo'u toalua i le tolusefulu tausaga na muamua atu. I le lua tausaga mulimuli ane sa ou aveina ai lo'u aiga i le Malumalu o San Diego Kalefonia ma faamauina ai mo le olaga nei ma le faavavau.

O tausaga e fitu ua mavae nei o tausaga sili ona fiafia ia o lo'u olaga. Ua mafai nei ona ou tu i lo'u tulaga o le peteriaka ma le taitai faaleagaga o lo'u aiga ma fefasoaai i le talalelei faatasi ma lo'u toalua, le ma fanau, ma fanau a le ma fanau e toa iva. Ua faamalosia faaleagaga e lenei lotogatasi faaleaiga ia tagata uma. Ua auai se atalii faaletulafono i le Ekalesia, ma sa auauna atu pe o loo auuauna atu foi faamisiona le toa fa o fanau a le ma fanau. O lo'u olaga fou i le Ekalesia o se vavega lava. Sa ou le iloaina le mea o le a aumai e le fiafia sili ma le tuputupu ae ia te au.

Ua matua ou faafetai lava mo lenei avanoa lona lua. Ou te faafetai ua toe faatutumu na tausaga sa maumau e ala i le faia o le galuega a le Atua. ■

Saunia e Elder  
José A. Teixeira

O Le Fitugafulu



# FAAFETAIAIA O LE LUMANAI MA SE **FAAMOEMOE**



*O le faamuamuaina o le Alii,  
Lona malo, ma o tatou aiga o le  
a tatou maua ai le faamoemoe  
tatou te manaomia e fetaia'i ai  
ma luitau o le taimi nei ma le  
lumanai.*

**S**a avea Uso Arnaldo Teles Grilo ma se tasi o a'u uo mamae ina ua 20 ma ona tupu ou tausaga. I le 62 o ona tausaga, sa valaauiua ai Uso Grilo, o le taimi lena ua avea ma se enisinia litaea, e avea ma se tasi o o'u fesoasoani i le au peresitene o le mea satau'a i lena taimi o le Itu o Oeiras Potukale, lea na ma galulue faatasi ai mo le tele o tausaga.

O lona atamai ma le poto masani na ou maua ai, o se taitai perisitua talavou, le tele o fautuaga taua ma malamalamaaga. I lona natura o ia o se tagata e talitonu i mea lelei; na te vaai pea i le itu lelei o tulaga uma ma e i ai sona uiga agamalie lelei. O ona uiga faaalia o se puna lea o musumusuga sili i le toatele e siomiaina o ia ma e patino lava ia te au ona ou te iloaina ni luitau faigata sa fetaia'i ma ia.

Ina ua uma ona faau mai o ia o se enisinia, sa auai Uso Grilo i le National Agonomic Agency o se tagata suesue i Potukale ma mulimuli ane malaga i se tasi o nuu i Afrika o loo nofoia e tagata Potukale, e taitaia se galuega faatino o le suesuega o le vavae. Na taitai atu e le galuega faatino o ia i se galuega faamanuiaina i le avea ai ma se pule sinia i se faletupe faavaomalo tele i lena atunu. I le



*O Uso Arnaldo Teles Grilo—i le ata o i le taumatau i le 1956 ma luga a'e i le 1960 ma le taavale na ia tuuina atu i se uo e fesoasoani ai ia te ia e sosola ese ai mai le taua—sa ao ona ia tuua mea uma sa ia galue ai, ae taula ma le tumau i mataupu faavae mautu, o le alofa mo lona aiga, ma le faatuatua ia Iesu Keriso.*



taimi lea toeititi atoa le 30 tausaga i Aferika, sa ia tausia ai se aiga matagofie ma olioli ai i se olaga lelei seia oo ina faafuasei ona toe faafoi faamalosi atu lona aiga i Potukale ona o faalavelave o fetauaiga ma taua.

Sa tuua e Uso Grilo ma lona aiga mea uma sa latou galulue ai—o a latou meatotino ma mea na umia patino—ina ua molimauina e i latou lava ia aafiaga faataumaoia o taua i se atunuu sa latou fiafia ai.

E ui i le le mautonu ma fevesiaiga na tupu mai se taua lea na faasolo ina aveesea atoa ai le filemu ma le tulaga mautu i le taimi o lona i ai i le masina mulimuli i Aferika, ae sa laveaia e Uso Grilo se tasi o ana uo e ala i le tuuina atu ia te ia o se taavale taugata sa ia faatauina i Siamani. Na mafai ona sosola ese lana uo ma lona tina i le taavale mai le taua.

O le anoanoai o meatotino faalelalolagi ia na maua e Uso Grilo i lona olaga galue malosi sa lei faapogisaina ai mea sa ia faamuamua. Sa ia taula ma le tumau i mataupu faavae mautu ma le alofa mo lona aiga.

I le toe foi atu i Potukale i le 52 o ona tausaga, sa ia fetia'i ai ma le tulaga moni o le toe amataina o mea uma mai le selo. Faatasi ai ma nei faigata ma faalavelave uma, o le a le mea sa faia le eseesege i lona olaga? Aisea na

ia manatu tele ai i le lelei i le taimi nei ma le lumana'i? Aisea na ia matua talitonu ai?

Sa liliu mai ia Uso Grilo i le popofou o le Ekalesia i Potukale ma avea ai ma se poutu malosi ma se paonia i lena atunuu. E tele ni taimi sa ia taitai atu ai lona aiga i le malumalu i Suitiselani, ma malaga ai i le 2,800 maila (4,500km) i le alu ma le toe foi mai i se faailioaga o le faatuatua ma le tuuto. I le aluga o tausaga o lana auaunaga, sa aumai ai e Uso Grilo ma lona faletua le olioli i le la fanau ma le toatele o isi.

Sa faatotonugalemu le faatuatua o Uso Grilo ia Iesu Keriso ma le malamalamā e faapea i le faaiuga, o le a nofotupu ia Iesu Keriso. O le mea lea sa ia maua ai le faamoemoe i le taimi nei ma le lumana'i.

Sa faaiuina le Feagaiga Fou i se savali o le faamoemoe sili.<sup>1</sup> O Perofeta e pei o Ioane le Talifaaaliga na vaai i mea o le a oo mai ma ta'u mai ia i tatou ia faamanuiaga tatou te mauaina pe afai tatou te tumau ma le amiontonu ma onosai e oo i le iuga.

Sa vaaia e Ioane se tusi o loo i ai ni faailoga se fitu, po o ni vaitaimi, ma sa ia faamatalaina le auala o le a faasagatau ai pea Satani i e amiontonu (tagai i le Faaaliga 5:1–5; 6). Ae sa vaai foi Ioane o le a saisaitia Satani ma o le a nofotupu Keriso i le manumalo (tagai i le Faaaliga 19:1–9; 20:1–11). Mulimuli sa ia vaaia o le a nonofo faatasi e amiontonu ma le Atua pe a maea le Faamasinoga Mulimuli (tagai i le Faaaliga 20:12–15).

O se tasi o luitau sili o aso nei o le aoaoina lea ia faatoilalo le fefe ma le faanoanoa ina ia mafai ai ona faatoilalo tofotofoga ma faaososoaga. E na o sina taimi lava tatou te faaaluina e susue ai se nusipepa, faasolosolo i le uepi, pe faalogo i se talafou o faasalalau mai i luga o le leitio po o le televisē ina ia faailoa mai ai tala faavaivailoto o solitulafono ma mala faanatura o loo tutupu i aso uma.

O le malamalamā i folafolaga o i tusitusiga paia e faatatau i le auala o le a faatoilalo ai e le Alii le tiapolo ma le auala o le a faatoilalo

ai e le upumoni ia mea sese o le a mafai ona fesoasoani ia i tatou e fetaia'i ai ma le lumanai ma se faamoemoe ma le manatu i tulaga lelei. I le lalolagi i nei aso tatou te vaai ai i taua, mala faanatura, ma faafitauli tau le tamaoaiga. O nisi taimi o nei mea e tutupu ua le na o ni mea tatou te matauina mai se mea mamao ae o mea ua aafia patino ai lava i tatou.

E le o i ai se manaomia mo i tatou ia faanoanoa i le maumau o meatotino faalelalolagi pe ia uumau ai i mea faaletino, aua o na mea e mafai ona gaoia lo tatou olioli i mea faigofie ma le musuia o le olaga.

Ou te faafetai mo le faataitaiga a Uso Arnaldo Teles Grilo. Sa ia tausia muamua mea faaleagaga, o mea e "taua tele . . . ia te i [tatou] i aso e gata ai" (2 Nifae 25:8), e aofia ai mafutaga faaleaiga ma auau-naga i isi.

E tatau ona tatou fetaia'i uma i le lumanai ma se faamoemoe ona tatou

te iloa o le a faatoilaloina ia malosiaga o le tiapolo. E tatau ona tatou faatumauina uma se vaaiga lelei a o tatou fetaiai ma luitau ona ua ia te i tatou i aso nei ia tusitusiga paia, o aoaoga a perofeta soifua, pule o le perisitua, malumalu, ma le lagolagosua o isi tagata taitoatasi o le Eklesia. E tatau ona tatou "[o mai ai o ē] ua manumalo" ona o le tatalo (MF&F 10:5). Ma o le mea aupito sili ona taua, e tatau ona i ai so tatou faamoemoe i le ola e faava-vau ona o le taulaga togiola atoatoa a le Alii (tagai i le Moronae 7:41).

A sa'o mea tatou te faamuamua, o le a tatou ola i se olaga sili atu ona faamauoaina ma faamanuiaina. O le faamuamuaina o le Alii, Lona malo, ma o tatou aiga o le a tatou maua ai le faamoemoe tatou te manaomia e fetaia'i ai ma luitau o le taimi nei ma le lumanai. ■

#### FAAMATALAGA

1. Tagai i le Faaaliga 19-22; tagai foi i le lesona 46, *Tusi Lesona a le Faiaoga o Aoaoga Faavae o le Talalelei o le Feagaiga Fou* (1997).

*E tatau ona tatou faatumauina uma se vaaiga lelei a o tatou fetaia'i ma luitau ona ua ia te i tatou i aso nei ia tusitusiga paia, o aoaoga a perofeta soifua, pule o le perisitua, malumalu, ma le lagolagosua o isi tagata taitoatasi o le Eklesia.*



## O LE TUSIGA LENEI E FAAEPERU

Ina ua maea ona ou faitauina le Feagaiga Tuai i ni tausaga ua mavae, sa ou maua se fiafia i ona aoaoga, aemaise lava i tusitusiga a Isaia, ma faaauau ai lava ona ou suesueina. I le 2010, sa ou nofo ai i talaane o se aoao Iutaia i se malaga a se vaalele. Sa ou amataina se talatalanoaga i le fesili atu ia te ia e uiga i ni mau i totonus o le Isaia. A o faagasolo le ma talatalanoaga, sa ma talanoaina le taua o le pule o le perisitua e pei ona malamalama i ai i le Feagaiga Tuai.

Sa fesili mai le aoao ia te au pe o fea e aumai ai e tagata o la'u ekalesia le latou pule o le perisitua. Sa ou tau atu ia te ia le Uluai Faaaliga a Iosefa Samita ma le toefuataiga o le Perisitua Arona

ona ou maua le avanoa e tau atu ai ia te ia le Uluai Faaaliga a Iosefa Samita ma le toefuataiga o le Perisitua Arona ma le Perisitua Mekisateko. Sa ma talanoaina le faaliliuga o le Tusi a Mamona ma lona faamoemoega i le avea ai "O Se Tasi o Molimau ia Iesu Keriso."

Sa pulunaunau mai le aoao. Sa ia fesili mai pe o le a le matua o Iosefa i le taimi na ia maua ai le Uluai Faaaliga. Ina ua ou tau atu ia te ia sa 14 tausaga o Iosefa, e talitutusa ma le matua o Samuelu o le Feagaiga Tuai, sa ia tali mai e tele perofeta na valaauna i lo latou talavou. Sa ia fai

mai o se faiga tumau na valaauna ai e le Atua ia Iosefa Samita i lona talavou.

Sa ou susue a'u tusitusiga paia, ma ma faitau faatasi ai i molimau a le Toatolu ma le Toavalu. Sa ou tau atu ia te ia o nisi o molimau ua tuua le Ekalesia ae e leai ma se tasi na faafitai sa vaai i papatusi auro.

"Na faapefea ona latou tuua le Ekalesia ina ua maea ona latou vaai i se agelu ma papatusi?" sa ia fesili mai ai.


"Ou te manatua na fau e le fanauga a Israelu se tamaipovi auro ae faatoa uma lava ona latou molimauna le vaeluaina o le Sami Ulaula," sa ou tali atu ai.

Sa ia sue i le 1 Nifae ma amata ona faitau. Sa ia taofi ma faapea mai, "O le tusiga lenei e faaEperu."

Ona ia faamatala mai lea o le mafuaaga ua maua ai le tusiga i se faaliliuga faaPeretania o le faaEperu. Sa ou tau atu ia te ia na tusia le tusi e se ituaiga o Israelu. Sa ou ta'ua le Esekielu 37:15–20, lea e talanoa e uiga i le laau a Iuta ma le laau a Iosefa. Sa ma ioe uma o le laau a Iuta o le faatusa lea o le Tusi Paia, ma sa ou faamatala atu i ai o le laau a Iosefa o le Tusi a Mamona lea.

Ina ua uma le ma talatalanoaga e tolu itula sa faailoa mai e le aoao se naunau e fia maua se kopi o le Tusi a Mamona. Ina ua ou toe foi atu i le fale, sa ou lafoina ia te ia se kopi ua faapatinoina i la'u molimau tusitusia. Ou te faafetai i au taumafaiga e susue le Feagaiga Tuai lea sa saunia ai au e talanoaina ia tusitusiga paia ma faasoatua la'u molimau i la'u uo fou, se aoao. ■

Derk Palfreyman, Iuta, ISA



## E SILI PE A E TATALO MUAMUA

**T**oeitiiti lava a ou tuua le Ekalesia i se feeseseseaiga ma la'u peresitene o le siteki. Sa ou lagonaina na ia faia se mea sa le sa'o. Sa le i atagia mai i ana amioga le auala na ou manatu e tatau ona tutupu ai ni mea, o lea sa ou le toe alu ai i le lotu.

Sa fai mai lo'u toalua ia te au, "E le mafai ona e faia se faaiuga faapena e aunoa ma ni tatalo ma ni anapogi faatauanau."


Sa sa'o o ia. Ina ua uma ona ou tatalo mo sina taimi, na manino ma tuusao le oo mai ia te au o upu nei: "O le auauna a le Atua e valaaufina e le Atua."

O lena po sa fai ai sa'u miti. I la'u miti sa aoa'i ai au e lo'u tamamatua i lo'u tetee i lo'u taitai. Ona ou ala lea mai la'u miti ma sa le toe mafai ona ou moe i le po atoa. Ina ua maea se po umi o le mafaufau loloto, sa ou iloa le mea e manaomia ona ou faia. Sa ou alu i la'u peresitene o le siteki ma faatoese i ai. Sa ia taliaina ma le fiafia la'u faatoesega, ma sa ma tatalo faatasi.

Sa vave ona ou toe foi i le lotu. I le lua vaiaso mulimuli ane sa siitia ai au e lo matou kamupani i Abuja, le taulaga o Nigeria. I le le mautonu, sa ou manatunatu ai pe aisea ua aveese ai au mai le siteki ina ua maea ai au taumafaiga e faaleleia au lava ia.

Na vave ona ou iloaina sa saunia au e le Alii. I lo'u masina lona lua i Abuja, sa valaaufina ai au e avea ma se peresitene o se paranesi.

Ou te mautinoa lava sa finagalo le Tama Faalelagi e aoao au i le taua o le lagolagoina o taitai o le Ekalesia a o le i valaaufina au e avea ma se taitai. O lenei aafaga ua faamalosia



*Ina ua uma ona ou tatalo mo sina taimi, na manino ma tuusao le oo mai ia te au o upu nei: "O le auauna a le Atua e valaaufina e le Atua."*

ai la'u molimau. O lea la ua ou tau-mafai i le mea sili e gata ai e faalogo i fautuaga a o'u taitai ona ua ou iloa e valaaufina i latou e le Atua. Ma o soo se tasi lava Na te valaaufina, Na te faaagavaaina.<sup>1</sup>

O o tatou taitai o tagata i latou. E ui e musuia i latou, ae e le atoatoa i latou. Sa ou aoaoina afai tatou te le malilie ia

i latou, e manaomia ona tatou lagolagoina, faamalosia, ma tatalo mo i latou ma i tatou ina ia mafai ai ona tatou faatuatuaina le Atua atoa ai ma auauna na Ia filifilia. ■

Martins Enyiche, Nigeria

### FAAMATALAGA

1. Tagai i le Thomas S. Monson, "Tiute o Valaauga," *Liahona*, Julai 1996, 51.



*Sa ou fesili i ai pe o fuafua e tuu atu  
sana molimau pe a oo mai le taimi.  
Sa ia fai mai ioe ona fesili mai lea,  
“Ae a oe?”*

## PE O LE A E TUUINA ATU EA LAU MOLIMAU?

Talu ai nei lava sa ou maua ai le avanoa e auai ai i le sauniga faamanatuga i se isi setete faatasi ma tagata o le Ekalesia ou te le masani i ai. Ina ia faia se talatalanoaga ma se uso sa i o'u talaane, sa ou fesili i ai pe o fuafua e tuu atu sana molimau pe a oo mai le taimi. Sa ia fai mai ioe ona fesili mai lea, “Ae a oe?”

“Leai, pei lava e leai,” sa ou tali atu ai. Ona ou faaopoopo atu lea, “Ae e moni le Ekalesia, ma e moni le talalelei.”

Sa vave ona galo ia te au le ma talatalanoaga puupuu. Ina ua amata ona tuu mai le avanoa mo molimau,

sa fautuina i matou ina ia faapupuu ina ia mafai ai ona toatele tagata e maua le avanoa e faasoai a latou molimau. Ina ua tu i luga le uso lea sa ou talanoa i ai ma faasoai mai lana molimau, sa ia faailoa mai e le lava le taimi e faasoai uma mai ai mea o manao i ai e uiga i le talalelei ma le fiafia ua ia aumaia. Ae, na ia faasoai mai upu o le ma talatalanoaga, o se tasi faatoa ia feiloai i ai, ma le auala ua aotele ai e la'u faamatalaga faigofie ia mea uma lava: e moni le Eklesia, ma e moni le talalelei. O le mea lena e taua.

I le toe mafaufau ai i lena aafiaga,

sa ou malamalama ai e mafai ona tatou tuu atua a tatou molimau i le tele o auala, ma e mafai ona maua ai se faatosinaga lelei i isi i sina taimi puupuu lava. E le afaina pe o le a le puupuu o le taimi tatou te fegalegalei ai ma se tasi, e mafai lava ona tatou tuua se uunaiga lelei o le talalelei ma i tatou lava.

Ou te le i tuu atua la'u molimau mai le pulelaa i lena aso, ae sa faasoaina la'u molimau puupuu ma lagolina ai la'u faatosinaga e le uso lea na ou talanoa i ai faapea ai ma i latou sa faalogo i lana molimau. ■

LaReina Hingson, Initiana, ISA

## OU TE FIA NOFO I AAO OIESU

**S**a na o le fa tausaga o le atalii o le ma tama ae piki e se leoleo mai tafatafa ala o le alatele lautele. Sa ia fai mai o loo alu i le fale o tinamatua, pe tusa e lima maila (8km) le mamao.

O le taimi lona lua lea ua sola ese ai mai le le fiafia i le aiga, ma tau-mafai ai ia oo mai ia te au. I ni nai masina e sosoo ai, sa oo ai ina ou iloa o le tiutetauave o le tausiaina o le tama a la'u fanau ma ona tuafafine laiti e toalua atonu o le a pau lea i luga o o'u tauau—o se manatu ou te le i sauni e taliaina.

Sa ma faia ma lo'u toalua le mea sili ma te mafaia e tausi ai le ma fanau i mataupu faavae o le talalelei, ae e uma ane lava latou te teenaina na matupu faavae. Sa ou oo i le vaitau o le 50 o o'u tausaga ma lagona ai ua i'u lava ina ou maua le aia tatau e saili ai mea ou te fiafia i ai au lava ia. Sa ou faamemelo i le ma sini ma lo'u toalua e auauna faatasi atu i se misi-onia pe a litaea o ia. O le manatu o le o e fai faatauga o meaai faatasi ma tamaiti laiti e le i oo i le taimi e aooga ai, faatulagaina o taimi o taumafataga, fai a le faitau afe o uta o tagamea, ma i se isi aso o le a toe faatina ai i ni talavou na ou tagi ai.

Peitai, i se tasi aoauli, sa i ai se mea na suia ai lo'u loto. O se mea itiiti na le fiafia ai le tama o la'u tama, o lea na ou sii ai o ia i o'u vae ma solo ese ona loimata. A o ou siiina o ia, sa ma talanoa e uiga i le alofa tele o Iesu ia te ia. Sa lata ane se kalena sa tautau i le puipui o loo i ai ni atavali o le Faa-ola, o lea na ma matamata ai taitasi i na ata matagofie.

Sa fiafia faapitoa le tama a la'u tama i se ata o le Faaola o loo nofo i

luga o se maa i se faitotoa faatasi ai ma se teneitiiti laitiiti lauulu enaena i Ona aao. I le atavali, o loo atagia mai ai i le Faaola ma le teneitiiti le filemu. Sa faataupupula atu i ai le tama a la'u tama, tusi le lima i le teineitiiti, ma valaau o ia i le igoa o lona tuafafine.

“E mafai faapefea ona nofo ia Katie i vae o Iesu, Tinamatua?” na ia fesili mai ai. “Ou te fia nofo foi i Ona vae!”

“E le mafai ona e nofo i vae o Iesu i le taimi nei, pele, ae e mafai ona e nofo i o'u vae,” Sa ou fai atu ai. “Ua tuu mai e Iesu i tamaiti laiti ia tina-matutua e alolofa ia i latou ma taus i

latou i taimi latou te manaomia ai.”

Sa faafusei ona opomau e lo'u loto se lumanai o le agaalofa—semanu e alofa ai le Faaola—i tamaiti pele e toatolu o e sa manaomiaina au. Sa le i toe avea i latou ma se avega ae o se faamanuiga matagofie ma se avanoa e auauna atu ai i le Alii.

O le a ou faafetai pea e faavavau mo le alofa mutimutivale agamalu o le Alii na tuuina mai ia te au i lena ao-auli. Sa suia ai lo'u olaga ma faaauau ai pea ona faamalosia ma faamanuia ai lo matou aiga. ■

Taofia le igoa

*A o o'u siiina le tama a la'u tama, sa ma talanoa i le tele o le alofa o Iesu ia te ia.*



# PEAOINA Le AOGA FUAFUAGA LELEI

Saunia e Stephanie J. Burns

**S**a le i pasi le suega a Jung Sung Eun o Korea e agavaa ai e avea ma se faiaoga. Sa le toe i ai se galuega a Tina Roper o Iuta, ISA, sa ia faamoemoe i ai e avea ma ana matata. Sa maua e Todd Schlessker o Ohaio, ISA, se faamautinoaga faaleagaga e faaipoipo ae sa ia vaaia le oo mai o le faamutaina o lana faamau. Sa faamutaina e Alessia Mazzolari (ua suia le igoa) o Italia le mea sa foliga mai o se mafutaga atoatoa.

E leai se tasi e fia saili atu i se "fuafuaga E." Ae a faaletonu a tatou fuafuaga, e le tuulafoaia e le Tama Faalelagi Ana fanau. E tele lava auala lelei ia aoga ai le olaga. E i ai taimi, tatou te ono iloa ai ua tatou maua mai i faafitauli na suia ai a tatou fuafuaga se malamalamaaga ma se aafiaga manaomia (tagai i le MF&F 122:7) ma taitai atu ai i se mea lelei atu.

## Faaleleia o Uiga Faaalia, Ae Le o Pepa o Faamatalaga o Agavaa Faalegaluega

Sa galue malosi ia Sung Eun ia ausia lana miti o le olaga atoao e fia

avea ma se faiaoga. Sa ia faamatala mai, "Ona sa ou taumafai i taimi uma e fai le mea sili i mea uma ou te faia, e toetoe lava ou mauaina i taimi uma mea sa ou faamoemoe ma tatalo i ai." Ae e le i tupu lena mea ina ua ia sue i le suega e agavaa ai o se faiaoga. "Ina ua ou le pasi," na ia fai mai ai, "Sa ou lagonaina ua maumau uma au miti i le aso e tasi."

E le i popole muamua Tina ina ua maua e le isi kamupani le kamupani sa ia faigaluega ai. Sa folafola atu e le faalapotopotoga fou se tulaga umi ia te ia, o lea na ia masii latalata atili ai i le mea e faigaluega ai ma ona faamoemoega maualuluga mo se galuega fou faafitainia. Ina ua faamalolo o ia e le kamupani i nai masina mulimuli ane, sa ia lagonaina le "leiloa, lē mautonu, faanoanoa, ma sina fefe."

Nai lo le taulai atoa atu i le faaleleia o la pepa o faamatalaga o agavaa faalegaluega, sa iloa e Sung Eun ma Tina e mafai ona la taulai atu foi i le faaleleia o o laua uiga faaalia. Sa maua uma e nei tamaitai le mafanafana e ala mai i le suesueina o le talalei ma le tatalo.

*O le fuafua mo le humanai e taua, aemaise lava mo le autalavou matutua. Ae o le a le mea e tupu pe afai e le aoga ni fuafuaga sa sili ona lelei le faataatiaga?*

"O le Apostolo o Paulo o se ue maoae sa fesoasoani ia te au ia onosai ma faaauau pea ona fetaia'i ma lui-tau," sa fai mai ai ia Sung Eun. "Sa i ai ia te ia i taimi uma se uiga faaalia lelei ma le naunautai e faatalitali mo mea o finagalo ai le Atua mo ia, nai lo le faamoemoe mo lana lava ia taimi.

"Sa ou aoaoina se mea mai lana faataitaiga: o le vaitaimi o le faatalitali e le na o se faagasologa lea e tatau ona tatou oo i ai e maua ai le mea tatou te mananao i ai. Ae, o se faagasologa e avea ai i tatou ma tagata e finagalo lo tatou Tama Faalelagi e avea ai e ala i suiga tatou te faia."

Sa iloa e Tina o le suiga sa sili ona ia manaomia o se suiga i manatu po o vaaiga. "Sa faateia lava au i le iloaina sa ou fuataina lou lava ia taua i manatu faalelalolagi o le taua faaletagata," sa ia manatua ai. "Sa ou lagonaina lo'u taua ona o la'u galuega ma le tulaga faalegaluega, ia na aveesea. O lea la ua ou iloa nei lo'u taua faaletagata lava ia i upumoni e faavaau e faapea, o au o se afafine o lo'u Tama Faalelagi ma e i ai o'u gafatia



faalelagi. O nei upumoni e le mafai lava ona aveesea.”

Sa tautino uma e Tina ma Sung Eun e faapea e ui e le faafafiaina i taimi uma le faaleleia o uiga faaalia, ae e suamalie ia fua o le tuputupu ae o le tagata lava ia. Sa fai mai ia Sung Eun, “O le tausaga talu ona le pasi la’u suega e agavaa ai o se faiaoga, sa le na o le vaitaimi sili ona tiga ma faavaivailoto lea, ae o se taimi foi sa sili ona taua. Sa ou oo ina mafai ona malamalama moni i faigata o isi tagata ma maua se manao e fesoasoani ia i latou faatasi ma se faamoemoega tonu ma le popole.”

O faataitaiga a Amona ma ona uso i le Tusi a Mamona sa faaali atu ai ia Tina le auala, na faaloaloa atu ai e le Alii lona faatuatua e fesoasoani ai na te ausia lona gafatia atoa. “O le fuafuaga a le Alii e mo sa Nifae ia faasaoina o latou uso sa Lamana, nai lo le faaagaina o le pelu e foia ai le faafitauli,” sa ia faamalamalama mai ai. “Sa tuuina atu i atalii o Mosaea se galuega lea na manaomia ai se faatuatua sili atu, ae sa tuuina atu foi ia i latou se folafolaga e faapea, afai latou te tauavea o latou mafatiaga ma le onosai, o le a latou maua le manuia (tagai i le Alema 26:27). O le onosai o se tasi o o’u tofotofoga sili ona faigata ona ou te manao ia ou malamalama i la’u fuafuaga atoa—ae sa ou iloaina o le fuafuaga ma le taimi a le Tama Faalelagi mo i tatou e silisili lava lea i taimi uma.”

#### **Tausiaina o Poloaiga e Tusa Lava Po o Le A**

Sa feagai Todd ma se lumanai faamanuaaina ina ua foi mai lana misiona. A o auai ai i le aoga, sa ia feiloi ai i se tamaitai talavou lelei lava. Ina ua maea ni masina o faamasaniga

ma se faamautinoaga faaleagaga, sa talosaga ai loa Todd e fia faaipoipo ia te ia ma sa ia taliaina. Sa la fuafuaina le la faaipoipoga i le faaiuga o le tau-mafanafana, ma sa la toe foi mai uma mai le aoga e tapenaina.

“E tolu vaiaso talu ina la faatofa i le aoga, ae ia faamutaina le ma faamauga,” O le faamatatalaga lea a Todd. “Sa le i lava le malosi o le *lotonutimoimoa* e faamatalaina ai o’u lagona. Sa matua tele fesili na le mafai ona taliina i lo’u mafaufau; sa leai ma se uiga. Sa ou mauaina se faamautinoaga i le maota o le Alii, a o lenei ua muta le ma mafutaga. E le i tofotofoina lava la’u molimau i se faigata faapenei.

“Paga lea, mo tausaga na sosoo ai ma le faamutaina o le ma mafutaga, sa le mafai ona aveesea ma lo’u mafaufau. Sa ou le iloa pe o le a faapefea ona ou toe faatuatuina se lagona o le faamautinoaga. Sa ou faalagolago pea i le Alii ma taumafai i le mea sili ou te mafaia e tausi ai poloaiga,” sa ia faaaauai ai. “Ua foliga mai ua leai se aoga o mea uma.”

Sa mafaufau foi ia Alessia sa talafeagai lava lana mafutaga ma se alii talavou patino. “Sa matua matagofie le ma tala, e ui sa i ai faigata masani e fetaia’i ma ulugalii uma, sa ma manatu o le a le muta lava le ma mafutaga,” sa ia manatua ai.

Ina ua malaga le uo tama a Alessia i le misiona, sa faigata le nofo valavala ai ae mo se mafuaaga e ese ai mai le mea sa faamoemoeina e Alessia. “Ina ua ia alu ese atu, sa amata ona ou iloa atili au lava ia. Sa ou iloa e tele mea i lo’u olaga e le o sa’o ma e tele taimi sa ou lafi ai i tua o nisi o manatu faavalevalea nai lo le faamaualalolina o au lava ia ma faafetaia’i le mea moni,” sa ia faamatala ai. “Sa ou ola i



se ituaiga olaga o tala faafagogo, e pei ua lava le alofa faamamai e faasa’o ai mea uma lava, ma o le mafuaaga lea ua masani ai lava ona ou le iloaina ai mea e sili ona taua.”

Ae, sa faamoemoe pea ia Alessia i se toefaatasiga fiafia ma faaaauai ai le mafutaga pe a maea le misiona a lana uo tama. Peitai, i le taimi na ia toe foi mai ai, e na o le faalua ona la tafafao faamasani mo sina taimi puupuu a e le i faamutaina le la mafutaga. “O se tasi o taimi aupito sili ona tiga ou te manatuina,” sa fai mai ai Alessia.

I o laua lava aafiaga, sa mulimuli ane iloa e Todd ma Alessia e ui lava ua suia se mafutaga autu i o la olaga, ae e le mafai ona la lafoaia lo la usi-usitai ma le tuuto atu i le Alii. Sa oo ina avea o Ia ma o la taula a o fesuiai mea uma ma le lē mautonu.

“Ou te le i mauaina uma ni tali pe aisea na ou maua ai se faamautinoaga e faaipoipo i se tasi, ae e le i tupu,” sa manatua ai e Todd. “Ae sa ou iloa e le i taua lena mea. O le mea *na* taua o le i ai pea lea o lo’u faatuata ia Keriso, ma o le a ou faaaogaina lena faatuata e faalagolago ai i soo se mea ua faapolopoloina e le Alii mo a’u.”

Sa iloa e Alessia o le tuuto atoa atu o ia lava i le Alii o le a aumaia ai lona malosi na te manaomiaina. “Sa ou malamalamua oo mai le taimi mo a’u e filifili ai le ituaiga o tagata ou te fia manao e avea ai,” sa ia fai mai ai. “Pe o le a faaaauau pea ona ou ola faa-afaafa i le olaga, pe o le a ou amata ea i le ala o le avea ai ma soo moni o Keriso? Sa ou fia manao e iloa tele o Ia, alofa moni ia te Ia, ma taumafai e avea o se tagata lelei atu e ala i le



usiusitai i Ana poloaiga uma—e le na o fafo ae ia faapena foi i lo'u loto faatasi ai ma le moni o le faamaoni.”

### **Atiina Ae o le Faamoemoe i le Lumanai ma le Faatuatua ia Keriso**

Ina ua uma ona fetaia'i ma mea faalavefau sa le i faamoemoeina, sa tauivi uma talavou matutua nei e toafa e saili le lototeli e ola ai i le taimi nei ma toe fuafua ai mo le lumanai. Ae sa latou maua ai sa tuputupu ae lo latou faatuatua i le Alii.

Sa manatua e Sung Eun ina ua le pasi lana suega, o le faataitaiina o mea sa oo ina faigata. Ae na maua ai se mea taua: “Sa ou iloaina o le toilalo moni lava o le nofonofo ai i mea ua tuanai ma fai ni taumafaiga iti e tau faaleleia ai mea. Sa ou filifili nai lo le faaauau ai pea ona faanoanoa, e tatau ona ou liua lenei taimi faigata i se avanoa e aoao ai. O lo'u tomai e malamalamai ai i le olaga i se tulaga lautele sa faalauteleina ma faalolotina, ma sa ou aoao ai o le mutaaga o se tasi mea e aumaia ai lava le amataga o se isi mea.” Sa ia toe sue ma pasi le suega ma ua avea nei o ia ma “se faiaoga fiafia o le e olioli e faaalu le taimi ma tamaiti aoga i aso taitasi.”

Sa filifili Tina e faatuatua o loo i ai se mea o faatalitali mo ia, e ui lava sa faigata ona fetaia'i ma se lumanai le mautonu. “Sa ou filifili e toe ulufale i le aoga, ma o iina sa ou suesue ai i matata tau faatufugaga ma tekinolosi, o se vaega sa ou manao ia ou auai ai ae sa ou le mauaina ni tomai manao-mia,” sa ia faamalamalamai ai. “Ua ou sauni e amata se isi sailiga, se mea e sili atu ona lelei, e faafetai ai i le atamai o lo'u Tama Faalelagi.”

Sa faaauau ona taumafai ia Todd e tafao faamasani mo le ono tausaga

ma galue e atiae le faatuatua i le Alii. E oo lava i taimi sa ia feiloai ai ma tamaitai sa ia matua faamemelo i ai, ae sa ao ona ia finau malosi e taofia ona masalosaloga mai le tuanai mai le faatamaiaina o ona faamoemoega mo le lumanai. “O le sailia o le naunautaiga ia le toilalo ai i o'u masalosaloga o tausaga e ono sa le faigaofie,” sa ia fai mai ai. “Ae sa ou tumau i le tau-mafai e faamaonia atu ia te au lava ia sa ou faatuatuaina moni lava le Alii ma Ana uunaiga, e ui sa ou ita ia te ia muamua.” O se mafutaga fou na iu lava ina taitai atu i se faaipoipoga i le malumalu.

“E masani lava ona ou tomanatu, pe aisea e faamanuia ai au e le Alii i se tagata e sili e pei o lo'u toalua, pe a tauivi mo se taimi umi e faatuatuaina atoa ia lagona o le Agaga,” o le tala lea a Todd. “O se molimau lea ia te au o loo faatalitali le Alii e faamanuia i tatou, ae e faia lava i Lana taimi.”

E ala i le toe tuuto atu o ia lava i le Alii, sa atiae ai e Alessia se molimau loloto ma le patino. “Sa oo ina moni le ata o le faaolataga ia te au, ma oo ai ina fusia ma loloto atili a'u feagaiga. Sa le i toe avea le Togiola a Keriso ma se manatu taumatemate, po o se mea na ou faitau i ai, atonu sa matua manino lava. Sa tupu se suiga o le loto i totonus, ma sa ia te au se molimau mautinoa.” O le asō, sa ia fai mai ai, ua ia lagonaina o ia o se tagata fou.

E tusa lava pe o a itu e agai i ai le malaga o le olaga, o le taunuuga mulimuli lava o le ola e faavavau, o le nofoaga lea ua fuafuaina e le Tama Faalelagi mo Ana fanau (tagai i le Mose 1:39). Atonu ua iloa e nisi o le “fuafuaga E” sa na o se ala e faataunu ai Lana “fuafuaga A”. ■

### **O LE A OO MAI LE MEA SILI**

“Tatou te vaai i tua e pue mai aloiafi mai aafiaga susulu ae le o lefulefu. Ma afai ua tatou aoaoina mea e manaomia ona tatou aoaoina ma ua tatou aumaia ma i tatou mea sili na tatou aafia ai, ona tatou vaavaai lea i luma ma manatua o le faatuatua e masani lava ona faasino atu i le lumanai.”

Elder Jeffrey R. Holland o le Korama a Aposte-lo e Toasefululua, “O Le a Oo Mai le Mea Sili,” *Liahona*, Ian. 2010, 18.

Mo nisi faamatalaga i lenei autu, tagai i le Boyd K. Packer, “O E Aupito Itiiti o Ou Uso Nei,” *Liahona*, Nov. 2004, 86–88; Robert D. Hales, “Faatalitali i le Alii: la Faia Lou Finagalo,” *Liahona*, Nov. 2011, 71–74; Ann M. Dibb, “la Outou Lototetele,” *Liahona*, Me 2010, 114–16.

**Saunia e Elder  
Dallin H. Oaks**

O Le Korama a  
Aposetolo e Toasefululuā



# O Le Taua o **FAAMANUIAGA** **O LE PERISITUA**

*O se faamanuiaga faaleperisitua o le tuuina atu lea o le pule i mea faaleagaga.*

se faamanuiaga faaleperisitua e faagaoioi ai e se auaua a le Alii le perisitua, e pei ona uunaia ai e le Agaga Paia, e valaauna ai mana o le lagi mo le manuia o le tagata o loo faamanuiaina. O ia faamanuiaga e pei ona tuuina mai e e o umiaina le Perisitua Mekisateko, lea e i ai ki o faamanuiaga uma faaleagaga o le Eklesia (tagai i le MF&F 107:18, 67).

## **Faataitaiga o Faamanuiaga Faaleperisitua**

E tele ituaiga o faamanuiaga faaleperisitua. A o'ou tuuina atu ni faamanuiaga eseese, faamolemole ia manatua o faamanuiaga faaleperisitua o loo avanoa mo i latou uma e manaomiaina, ae e faatoa tuuina atu pe a talosagaina.

O faamanuiaga mo le faamalo-loina o lē ua gasegase e faia i le faauuina i le suauu, e pei ona faato-nuina ai e tusitusiga paia (tagai i le Iakopo 5:14–15; Mareko 6:13; MF&F 24:13–14; 42:43–48; 66:9). O faamanuiaga faapeteriaka e tuuina atu e se peteriaka ua faauuina.

E mafai e tagata e mananao i se

taiala i se faaiuga taua ona mauaina se faamanuiaga faaleperisitua. E mafai e tagata o e e manaomia se mana faaleagaga faaopoopo e faatoilalo ai se luitau faaletagata lava ia ona mauaina se faamanuiaga. E masani lava ona talosagaina ia faamanuiaga faaleperisitua mai tamā a o le i tuua e fanau le aiga mo ni faamoemoega eseese, e pei o aoga, auauanga i le militeli, po o se malaga umi.

O faamanuiaga e tuuina atu i tulaga e pei ona ou faatoa faamataina atu, o nisi taimi e ta'uia ai o faamanuiaga o faamafanafanaga po o fautuaga. E masani lava ona tuuina atu e tama po o tane po o isi toeaina i le aiga. E mafai ona faamaumauina ma tausia i faamaumauga faaleaiga, mo taiala faaleagaga patino a le tagata ua faamanuiaina.

O faamanuiaga faaleperisitua e tuuina atu foi i se fesootaiga ma se faauuga o le perisitua, po o se vaetofiaina o se alii po o se tamaitai mo se valaauga i le Eklesia. Atonu o tulaga e sili ona tupu soo nei mo faamanuiaga faaleperisitua.

O le toatele o i tatou e talosagaina

se faamanuiaga faaleperisitua pe a tatou sauni e faatino se tiutetauave fou i a tatou galuega. Sa ou mauaina sea faamanuiaga i le tele o tausaga ua mavae, ma sa ou lagonaina vave ai se faamafanafanaga ma se taiala faifai umi.

## **O Le Taua o Faamanuiaga Faaleperisitua**

O le a le taua o se faamanuiaga faaleperisitua? Mafaufau i se alii talavou o loo sauniumi e tuua le aiga ina ia sailia sona manuia i le lalolagi. Afai e tuu atu e lona tama ia te ia se tapasa, Atonu na te faaaogaina lenei meafaigaluega faalelalolagi e fesoasoani ai ia te ia e sailia ai lona ala. Afai e tuu atu e lona tama ia te ia se tute, e mafai ona ia faaaogaina na te mauaina ai le pule i mea faalelalolagi. O se faamanuiaga faaleperisitua o le tuuina atu lea o le pule i mea faaleagaga. E ui e le mafai ona tagofia pe fuaina lona mamafa, ae e matua taua tele i le fesoasoani ai lea ia i tatou e faatoilaloia faafitauli i luga o le ala i le ola e faavavau.

E matua paia lava le tiutetauave mo



se tasi o umiaina le Perisitua Mekisateko e tautala ai mo le Alii a o tuuina atu se faamanuiaga faaleperisitua. E pei ona tauina mai e le Alii ia i tatou i faaaliga o onapo nei, “[O] la’u upu . . . o le a faataunuuina uma lava, pe i lo’u lava leo po o i le leo o a’u auauna, ua tutusa lava” (MF&F 1:38). Afai e tautala se auauna a le Alii a o uunaia ai e le Agaga Paia, o ana upu “o le finagalo lea o le Alii, . . . o le mafaufau lea o le Alii, . . . o le afioga lea a le Alii, . . . [ma] le siufofoga lea o le Alii” (MF&F 68:4).

Ae afai o upu o se faamanuiaga ua faailoa mai ai na o manaoga ma manatu o lē o umiaina le perisitua, e le o musuiaina e le Agaga Paia, o lona uiga o loo faalagolago le faamanuiaga pe o faailoa ai le finagalo o le Alii.


E mafai e e agavaa o umiaina le Perisitua Mekisateko ona tuuina atu ia faamanuiaga i a latou fanau. Ua tusia i tusitusiga paia le tele o na faamanuiaga, e aofia ai faamanuiaga o Atamu (tagai i le MF&F 107:53–57), o Isaako (tagai i le Kenese 27:28–29, 39–40; 28:3–4; Eperu 11:20), Iakopo (tagai i le Kenese 48:9–22; 49; Eperu 11:21),

ma Liae (tagai i le 2 Nifae 1:28–32; 4).

I faaaliga o onapo nei, ua poloaiina ai matua o e ua avea ma tagata o le Ekalesia ina ia aumai a latou fanau “i luma o le ekalesia,” lea e i ai ia toeaina e “faaee o latou lima i luga o i latou i le suafa o Iesu Keriso, ma faamanuia i latou i lona suafa” (MF&F 20:70). O le mea lenei e aumai ai e matua ia pepe i se sauniga faamanuia, lea e i ai se toeaina—e masani lava o le tama—e tuu atu ia i latou se goa ma se faamanuia.

O faamanuia faaleperisitua e le faatapulaaina i na faamanuia e tautalagia a o faaee lima i luga o le ao o se tagata. O nisi taimi e faaleoina ai faamanuia i vaega o tagata. Sa faamanuiaina e le perofeta o Mose le fanauga uma a Israuel a o le i oo i lona maliu (tagai i le Teuteronomie 33:1). Sa “faaleoina e [Iosefa Samita] se faamanuia i luga o tuafafine” sa galulue i le Malumalu o Katedani. Sa ia faamanuiaina foi le “faapotopotoga.”<sup>1</sup>

E faaleoina foi faamanuia faaleperisitua i nofoaga. E faamanuiaina ma faapaiaina ia atunu mo le talaiina o le talalelei. E faapaiaina ia malumalu ma fale tapuai i le Alii e ala i se faamanuia faaleperisitua. E mafai ona faamanuiaina isi fale pe a faaogaina i le galuega a le Alii. “E mafai e tagata o le Ekalesia ona faapaia o latou fale e avea ma nofoaga paia e mafai ona afio ai le Agaga Paia.”<sup>2</sup> E mafai e faifeatalai ma isi o umiaina le perisitua ona tuua se faamanuia i aiga na taliaina i latou (tagai i le Alema 10:7–11; MF&F 75:19). Alii talavou, i se taimi e le o toe mamao atonu o le a talosagaina ai outou e tuu atu se faamanuia faapena. Ou te faamoemoe o loo outou sauniaina outou lava ia faaleagaga.



**O se faamanuia faaleperisitua e tava tele e fesoasoani ai ia i tatou e faatoilalo ia faafitauli i luga o le ala i le ola e faavavau.**

**O Aafiaga ma Faamanuia Faale-Perisitua**

O le a ou ta'ua nisi o faataitaiga o faamanuia faaleperisitua.

Pe tusa o se selau tausaga ua tua-nai, sa agavaa ai ia Sara Young Vance e avea ma se faatosaga. A o le i amata ona auauna o ia i tamaitai o Arisona, sa faamanuiaina o ia e se taitai perisitua ina ia ona “faia pea i taimi uma na o mea sao ma mea e sili ona lelei mo le manuia o ana gasegase.” I le gasologa o se vaitau e 45 tausaga, sa faafanauina ai e Sara pe tusa ma le 1,500 o pepe e aunoa ma se maliu o se tina po o se tamaitiiti. “O soo se taimi lava ou te oo ai i se faafitauli faigata,” sa ia ta'ua, “e i ai lava se mea e foliga mai e musuia a'u ma ou iloa ai lava le mea sa'o e fai.”<sup>3</sup>

I le 1864, na valaaufina ai ia Iosefa A. Young i se misiona faapitoa e faatautaia ni pisinisi faale-Ekalesia i Sasae. Sa faamanuiaina o ia e lona tama, o Polika Iaga ina ia alu atu ma toe foi mai ma le saogalemu. Ina ua

ia toe foi mai, sa aafia o ia i se faa-lavelave matuia ma se nofoaifi. “Sa matuai faatamaia uma le nofoaifi,” sa ia lipotia ai, “na aofia ai ma le taavale sa ou i ai e oo i le nofoa sa ou nofo ai, [ae] sa aunoa a'u ma se maosia.”<sup>4</sup>

A o ou tautala atu i faamanuia faaleperisitua, e solo mai le tele o manatuaga: Ou te manatua o'u atalii ma afafine e talosaga mai i ni faamanuia i fesoasoani ai ia i latou i taimi sili ona popolevale o aafiaga o o latou olaga. Ou te olioli lava pe a ou mafaufau i folafolaga musuia ma le faatuatua ua faamalosia lea e oo mai pe a faataunuuina [na folafolaga]. Ou te lagona le mitamita i le faatuatua o se tupulaga fou pe a ou mafaufau i se atalii, o popole i se suega faalegaluega ma ua le mafai ona aapa atu i lona tama ona ua mamao ese, ma saili atu i se faamanuia faaleperisitua mai se tagata e sili ona faigofie ona maua ai o umiaina le perisitua i lona aiga, le toalua o lona tuafafine. Ou te manatua se tagata fou talavou faatoa liliu mai i le Ekalesia sa sailia se faamanuia e fesoasoani ai ia te ia e suia le mamanu faafanoina o lona lava ia olaga. Sa ia mauaina se faamanuia e le masani ai ma sa ou maofa ai i lou faalogoina o upu sa ou tautala ai.

Aua nei faatuai e talosagaina se faamanuia faaleperisitua pe a e manaomia se mana faaleagaga. ■

*Mai se saunoaga i le konafesi aoao ia Aperila 1987.*

**FAAMATALAGA**

1. Iosefa Samita, i le *Talafaasolopito o le Ekalesia*, 2:399.
2. *Tusitalima 2: Taitaiina o le Ekalesia* (2010), 20.11.
3. Tagai ia Leonard J. Arrington ma Susan A. Madsen, *Sunbonnet Sisters: True Stories of Mormon Women and Frontier Life* (1984), 105.
4. Joseph A. Young, i le *Letters of Brigham Young to His Sons*, ed. Dean C. Jessee (1974), 4.

# MOLIMAU FAASOA ATU

“O lea, ja tuu i luga lo outou malamalama  
ina ia susulu atu i le lalolagi”  
(3 Nifae 18:24).



# MANA I LE TATALO

Saunia e Paul VanDenBerghe

Mekasini a le Ekalesia

*Mai le agavale: Joselito,  
Joahnna, Rosa, ma Teni  
o loo potopoto i luma o  
le Malumalu o le Aai o  
Cebu Filipaina.*

*Ua faamatala mai e le autalavou  
mai le motu o Cebu i le Atu Filipaina  
le mauaina o tali i a latou tatalo.*



Mai le faitau fia sefulu afe o motu i le lalolagi, o se tuufatasiga o le 7,107 o i latou ua maua ai le malo o le atumotu o Filipaina i Sautesasae o Asia. O se talasua masani ua taatele i le Atu Filipaina ua matau ai e faapea, e ui e 7,107 motu, ae e gata ai lava i le taimi e pe ai le tai. O le aofaiga o motu e pau i le 7,100 i le sua o le tai, pe a liloifia isi i lalo i le taele o le vasa. E faapefeara la ona tuu e alii ma tamaitai talavou o le Atu Filipaina o latou ulu i luga ae o le vai pe a latou lagonaina le lofituina? Latou te liliu atu i le Tama Faalelagi i le tatalo.

E i ai taimi i o tatou olaga tatou te lagonaina ai le tuuatoatasi, ae afai tatou te manatuaina o loo i ai pea iina lo tatou Tama Faalelagi mo i tatou—o loo sauni i taimi uma e faafogoa ma tali a tatou tatalo—e mafai ona tatou faalagolago i lena mea moni, ma lagona ai le faamoemoe ma le talitonuga e aumai e lena malamalama.

### **E Aumai e le Tatalo le Talitonuga**

Ua faamatala mai e Joselito B. le tofiaina o ia e auai i se tauvaga faamatalagā tala ina ua 12 ona tausaga. Sa talosagaina o ia e le faiaoga e tauloto se tala e 10 itulau lea o le a ia faatinoina i luma o le fia selau o isi tamaiti aoga ma faiaoga. E mafai ona avea lenei mea ma se galuega taufaafe fe mo soo se tasi, aemaise lava mo Joselito, o lē e masani lava ona fefe i luga o le tulaga.

“O le mea muamua lava la sa ou faia o le tatalo ma ole atu mo le taitaiga,” sa fai mai ai Joselito. “I la’u tatalo sa ou ole atu ai afai e galio ia te au se vaega o le tala, ia mafai ona ou faaaauau pea ma fai ni laina fou o le a fetaui mo la’u tala. Ina ua uma ona ou tatalo, sa ou manatuaina la’u mau ou te fiafia lava i ai mai le Tusi Paia i le Feagaiga Tuai. O loo i le Faataoto 3:6, lea o loo faapea mai, ‘Ia e manatua o ia i ou ala uma, ona faatonuina ai lea e ia lava ou ala.’”

Sa popole lava Joselito. Ae sa ia galue malosi i le vaiaso atoa e tauloto le tala. Ma sa ia tatalo tele i aso uma. Muli-muli ane na oo mai le aso o le tauvaga.

I le taimi o le faafeiloaiga e tatala ai le tauvaga, sa matua popole pea ia Joselito. “Ae i le taimi o le tala sa ou to’ā,” na ia fai mai ai. “Sa ou faia le mea sili na ou



mafai, ma sa ou iloaina e fesoasoani mai le Atua ia te au. Sa ou lotovaivai ma fefe ona sa toatele naua tamaiti aoga, ae sa tali mai le Atua i a’u tatalo.”

Sa le gata ina manatua e Joselito tusiga o lana tala, ae sa matua lelei foi lona faatinoina lea na ia maua ai le tulaga muamua i le tauvaga. Sa fai mai Joselito, “O le tatalo o le tali lea pe a leai se tasi i ou talaane e faamafanafana ia te oe. O loo i ai pea le Atua iina e fesoasoani ia te oe.”

### **E Aumai e le Tatalo le Malosi**

A o avea ai ma se taulealea i le tuputupu ae i se aiga o le Au Paia o Aso e Gata Ai, sa le i tele lava se faafitauli o Teni G. i le tausiaina o ona tulaga maualuluga faatonuina. Ae ina ua amata lana aoga maualuga, sa amata ona faigata tulaga, ma o nisi taimi sa lagona ai e Teni le mamao ese mai le faatosinaga lelei a lona aiga—aemaise lava i le aoga.

“Sa matou vavalalata moni lava ma au uo o le aoga maualuga e ui lava e le o i latou o ni tagata o le Ekalesia,” sa fai mai ai Teni. “Sa i ai pea sa matou sootaga malosi. O le faafitauli ua amata ona latou faia ni mea e le o mulimultaia ai tulaga faatonuina o la tatou Ekalesia.”

E leai lava se faafitauli ia Teni o le filifiliina o le mea sa’o i le fale, ae na ia fai mai a oo atu i le aoga ma ua le o toe i ai sona aiga i ona autafa e fesoasoani e taiala o ia, ona amata lea ona ia faia ni filifiliiga sese. “Ou te tautino sa ou faia ni mea e le i ogatusa ma tulaga faatonuina o le Ekalesia, o lea sa ou lagonaina ai lava i le seminare e pei o au le tagata lea e talanoaina i le lesona.”

O iina sa iloa ai e Teni ua ia manao e faia se suiga, ae sa le lava lona lagonaina o le malosi e faia ai na o ia lava. “O lea sa ou faia ai se tonu e tatalo i le Atua, e aumai ia te au le malosi ma le lototele e fai atu ai leai i au uo pe a latou faia ni mea leaga,” sa ia faamatala mai ai. “Ma sa ou lagonaina na tali mai le Atua i au tatalo. Sa oo ina faigofie atu mo au ona fai atu leai i soo se taimi e fai mai ai au uo e fai se mea sese pe faaosooso foi au. Sa i ai lava ia te au le malamalama ma iloa le mea sa’o mai le mea sese. Ae, na auala mai i le tatalo, sa ou lagona ai ua ou maua le mana ma le meaalofa e fai atu ai leai, ma faia le mea sa sa’o.”



## O SE SOOTAGA OU TE FAAME-MELO I AI

"E le i ai se aso e mou atu ou te le i fesoootai atu ai i lo'u Tama i le Lagi e ala i le tatalo. O se sootaga ou te faamemelo i ai—le sootaga o le a ou leiloa atu ai pe a leai. Afai e le o i ai sau sootaga faapea i le taimi nei ma lou Tama i le Lagi, ou te augani atu ia e galue agai i lena sini. A o e faia lena mea, o le a e agavaa ai i Ana musumusuga ma taitaiga i lou olaga."

**Peresitene Thomas S. Monson, "Tutu i Nofoaga Paia," Liahona, Nov. 2011, 84.**



## Maimoa i se Vitio

Ina ia maimoa i se vitio o le tala a Tania (i le faaPertenia, Potukale, ma le faaSipaniolo), asiasi i le [youth.lds.org](http://youth.lds.org) ma tagai mo le vitio "Pure and Simple Faith" i le Youth Theme, 2012.

Paia ia faatau, o lea sa ou faataua ai. O lea la ua totoe nei na o le 20 peso, ae e tele lava mea ia e tatau ona ou faataua, e aofia ai ma napekini mo lo'u tuagane ma ni vaiinu mama. O lea na ou alu ai i le faleoloa na sosoo ai e faatau mai se matou meaai, ma sa taugata tele. Sa ou tago atu i lau taga lea sa ou tuu i ai le 20 peso, ma o loo i ai ni tupe pepa tai 20 peso se lima i le taaiga. Sa amata ona ou tagi i luma o le pule o le faleoloa.

"I le faaiga sa mafai ona ou faataua mea uma sa matou manaomiaina," sa fai mai ai Tania, "ma sa lava foi mo le pasese e o ai i le lotu i le aso na sosoo ai. Ina ua ou taunu i le fale, sa ou alu i lou potu ma fai ai se tatalo i le Atua, e faafetai ai ia te Ia mo le faamanuiaga sa Ia tuuina mai ia te i matou. Ou te iloa o loo soifua moni lava le Atua ma tali mai i a tatou tatalo, aemaise lava i na taimi e sili ona tatou manaomiaina ai o Ia, ma tatou tuuina atu ai se tatalo faamaoni. O le a Ia tali moni mai lava i lena tatalo."

## O Le Tatalo e Faatumauina ai Lo Tatou Vavalalata ma Lo Tatou Tama Faalelagi

E ui tatou te mautinoa e faafofoga mai lo tatou Tama Faalelagi ma tali mai i a tatou tatalo, ae e manaomia ona tatou manatuaina e le faapea e vave ona taliina a tatou tatalo i taimi uma, ma e le o taimi uma foi e taliina ai i auala tatou te mananao ai. E taliina a tatou tatalo e tusa ai ma le finagalo ma le taimi a le Atua.

O talavou taitasi nei mai le motu o Cebu i Filipaina ua aoaoina e faapea, i taimi lelei ma leaga, pe a e i ai i se potopotoga o tagata pe na o oe, po o le sua o le tai pe pe foi, o loo i ai pea lo tatou Tama Faalelagi mo i tatou iina. Ma afai tatou te liliu atu ia te Ia i le tatalo faamaoni, o loo saunia pea o Ia e faamanuia i tatou. ■

Sa fai mai Teni o le mea sili ona taua na ia aoaoina mai lenei aafiaga o le "tatalo o se faailoga o lou lotomaualalo, ona e te tautino ia te oe lava ia ua e vaivai ma ua na o le Atua lava e mafai ona fesoasoani ia te oe e toe malosi ai" (tagai i le MF&F 112:10).

## E Aumai e le Tatalo ia Faamanuiaga

O nisi taimi tatou te manaomia ai e sili atu nai lo le mafanafana po o le malosi lava ia; o nisi taimi o faamanuiaga tatou te manaomia e sili ona faaletino. Sa manatua e Tania D. se taimi faapena. Sa feagai lona aiga ma se taimi sa tofotofoina faapitoa ai lava i tulaga tau tuge. "O se afiafi o se Aso Toonai, sa na o le 40 peso [pe tusa e \$1 Amerika] sa totoe ia i matou mo le vayas, ma sa leai se matou meaai o le afiafi e oo lava i malala mo le ogaumu i le fale," sa fai mai ai Tania. "Sa tuu mai e lou tina ia te au se lisi o mea uma sa matou manaomiaina, ma sa matou manaomia ai se 250 peso e faatau ai ia mea uma. O le mea muamua lava sa manaomia ona matou faatauina o le malala ina ia mafai ona kuka ai le meaai o le afiafi." Sa mafai ona iloa e Tania e le o lava se tuge mo mea uma lava. Ona ia iloa lea e leai foi se tuge mo le pasese o le pasi e o ai i le lotu i le aso e sosoo ai. "Sa ou tau atu i lou tina e le o lava se tuge mo le pasese e o ai i le lotu. Ae o lou tina e matua faatuatua lava, ma sa na ona ia fai mai ia te au 'o le a saunia e le Atua.'

"A o ou alu atu i le faleoloa sa ou tagi ona e le o lava se matou tuge mo mea uma, ma sa ou le iloa le mea e fai," sa fai mai ai Tania. A o ia taaiina le tasi o tuge pepa 20 peso ma tuu i totonus o lana taga, sa ia faia na o le mea sa ia mafaufau e fai o le a fesoasoani ai—sa ia faia se tatalo. "Sa ou tatalo i le Tama Faalelagi ina ia mafai ona maua se auala e faafetaia'ia ai o matou manaoga."

Ae ina ua ia taunu atu i le faleoloa muamua, sa ia iloa ai ua sii i luga le tau o le malala mai le 5 peso i le 20 peso. "Sa ou tau musu e faatau," sa fai mai ai Tania, "ae sa mafai ona ou lagonaina le musumusuga a le Agaga

# O SE FOLAFOLAGA MA SE TATALO

Saunia e Pablo Mireles Betts

**O**le mea ou te maofa ai e uiga i le Tusi a Mamona, o le suiga sili ma le faavavau lea e tupu i totonu o tagata e tusa pe a o le i avea i latou ma tagata o le Ekalesia. I le avea ai ma se faifeautalai i le Misiona a Mekisiko Cuernavaca, sa ou muai iloaina e au lava ia lenei suiga maoae.

Ina ua ono masina o ou i ai i la'u misiona, sa faasino mai ai e se tagata o le paranesi ia i maua ma lau soa se tamaitai e 20 tausaga le matua ma lona aiga ina ia aoaoina. Sa le i malamalamalama le tamaitai talavou lea i mea e talitonu i ai le Au Paia o Aso e Gata Ai ma fesili mai le tele o fesili. I le iloaina ai e tali e le Tusi a Mamona ia fesili o le agaga, sa ma tuu atu ai ia te ia le tusi ma faasoia i ai le folafolaga o loo i ai e uiga i le tatalo ma le faamaoni ia iloa ai pe moni.


E tolu vaiaso o auai o ia i le lotu, ma sa faaaauau pea ona matou feiloai ma ia. Ma te lei iloaina ua maea ona ia laasia se laasaga taua: Sa ia tatalo e uiga i le Tusi a Mamona. I le taimi o se tasi o lesona patino, sa ia tau mai ai ia i maua lona aafiaga. Sa tele ona ia mafaufau i lesona sa ma faasoaina atu, ma sa ia manao ai e tatalo na o

ia lava. Sa ia tootuli ma ole atu i le Atua pe moni le Tusi a Mamona. O le filemu sa ia lagonaina ina ua maea le tatalo sa uunaia ai o ia e faiatou atili i le tusi. A o ia faiatouina, sa ia lagonaina le Agaga o liligi ifo ia te ia.

I le toe manatuaina ai o lona aafiaga, sa ia tau mai ai ia i maua, "sa ou lagonaina ua sili atu ona faapitoa au nai lo se isi lava taimi muamua. Sa amata ona faatumuina avanoa uma sa gaogao na i ai i lou olaga, lea e leai ma se mea e mafai ona faatumuina ai. Sa matua ou lagonaina le fiafia lea na amata ai ona ou tagi. Sa ou le talitonu i le mea ua ou lagonaina, ae sa ou iloa ua tali mai lou Tama Faalelagi ia te au, Na te silafaina au, ma ua lava Lona alofa ia te au e faafofoga mai ai ia te au ma tali mai lau tatalo."

Sa ou matua lagonaina le olioli tele i lou loto ina ua ia faamatala mai lona aafiaga. Na ou iloa sa ou i ai i se nofoaga paia i lena taimi. Sa faamautu mai e le Agaga Paia ia te au e moni lava ana upu. Mai lana molimau sa faamanatu mai ai ia te au le alofa tele o lo tatou Tama Faalelagi mo i tatou; e alofa tele o Ia ia i tatou na Ia aumaia ai le Tusi a Mamona e fai ma meafaigaluega e iloa ai o Ia ma Lana

*Ua i ai i le Tusi  
a Mamona le  
mana e fesoasoani ai i soo setasi e manao e  
iloa lona moni.*



upumoni. A tatou usiusitai i mataupu faavae o loo maua i totonu o le Tusi a Mamona, o le a suaia o tatou olaga.

Ou te manatua pea le auala na faaiuina ai lena lesona. Sa fesili mai le tuafafine ia i maua, "O le a le mea e tupu nei ona o lea ua ou iloa e moni le Tusi a Mamona?"

"Ia papatiso loa," na ma tali atu ai.

Sa faigofie lana tali mai ae na atagia mai ai le mautu ma le tuusao o lana molimau: "O le a ou papatiso la."

Ua i ai i le Tusi a Mamona le mana e fesoasoani ai ia i tatou e saili le fiafia ma le filemu. Pe a tatou faiatouina, o le a tatou atiae ai se naunautaiga mautu e ola i le talalelei a Iesu Keriso, e pei lava ona naunau lenei tuafafine e mulimuli i le faataitaiga a le Faaola i le vai o le papatisoga. ■

# O Le A Le MOLIMAU MANINO?

*Atonu e malosi  
atu lau molimau  
nai lo  
le mea e te  
iloaina.*

**Saunia e Elyse Alexandria Holmes**

**O**loo e nofo i se sauniga molimau. A o e vaavaai atu i tagata o le faapotopotoga o tutu i luga ma tuu mai a latou molimau, e te lagonaina e pei foi e tatau ona e molimau atu. Ae o le a se mea e te sauhoa atu ai? Ma o le a le mea e tupu pe afai e amata ona e tagi a o e i ai i luga iina? Ae ā pe afai e te *le* amata ona tagi? E mafai ona e amata tuufesili pe o i ai sau molimau. Pe atonu e te le o mautonu po o le a lau molimau. O nisi nei o taiala e fesoasoani ai ia te oe ia iloa ai le mea e ta'ua o se molimau ma le mea e le o se molimau.

**O Se Molimau O se Tautinoga, Malamalamā, po o se Talitonuga i se Upumoni**

O le “molimau manino” (Alema 4:19) e amata i se talitonuga manino. O lau molimau o se tautinoga faaleagaga lea o mea ua e talitonu i ai pe ua e iloa e moni (tagai i le MF&F 80:4). Pe a e faasoaina atu lau molimau, o vaega sili ona manino ma mamana o le a o mai mai upu e pei o le *iloa, talitonu*, ma le *molimau*. Afai e mafai ona e fai atu ma le faamaoni, “Ou te iloa e moni le Tusi a Mamona,” e mafai ona e mauaina le mana e suia ai olaga ma valaaulia ai le Agaga e pa'i atu i isi.



Peresitene Dieter F.  
Uchtdorf, Fesoasoani Lua  
i le Au Peresitene Sili,  
“Faatalitali i le Aualā  
i Tamaseko,” *Liahona*,  
Me 2011, 70.

## VAAIA O LE ATA TELE

“O i latou o e saili ma le filiga ia iloa Keriso, e iu lava ina latou iloa o la. O le a latou mauaina patino se ata faalelagi o le Matai, e ui o le tele o taimi e oo mai ai i se tulaga o se paso—e tasi se vaega i le taimi e tasi. O ia vaega taitasi atonu e le faigofie ona iloaina pe a na o ia lava; atonu e le manino foi pe o le a lona faīā i le [ata] atoa. O fasimea taitasi e fesoasoani ia manino atili ai la tatou vaai i le ata tele. Mulimuli ane, afai e lava ia fasimea e tuufaatasi, ona tatou iloa ai lea o le matagofie naua o le ata atoa. Ma o le toe tepea i o tatou aafiaga, tatou te iloa ai, e moni lava sa faatasi mai le Faaola ma i tatou—e le o le taimi lava e tasi ae i se auala filemu, mālū, na toetoe lava a le iloaina.”

Mafaufau o loo i ai sau atigi pusa lapoa ua faatumulia i fasipaso ua fatuina mo na o oe lava. E ala i le faaao-gaina o le ata i le pito i luma o le pusa, ua e taumafai ai e tuufaatasi le paso. Pe a fetaui lelei ni vaega se lua o lau paso, e te iloaina e talafeagai i laua. E galueaiina foi ia molimau i se ala talitutusa faapena. A o e mauaina ni aafiaga faaleagaga, o le a amata ona tuufaatasia vaega eseese o lau molimau, ma o le a oo ina e talitonu pe iloa ni upumoni patino e uiga i le talalelei.

E tusa lava pe e te le iloaina i le taimi nei pe moni mea uma e uiga i le Ekalesia, ae o le a faamanuiaina lava oe e le Tama Faalelagi ma fesoasoani atu ia te oe e aoao, ae tau lava ina ia i ai sou manao amiotonu e iloa ma e taumafai faamaoni e aoao.

#### O Se Molimau E Patino

A o e galue i lau paso, e mafai ona fesoasoani atu lou aiga ma au uo ia te oe mai lea taimi i lea taimi e tuufaatasia. Ae i le iuga, o lau lava ia paso tulaga ese lena e atiae ma



pupuia. E mafai ona e faalagolago i nisi taimi i le faatuatua a ou matua po o uo, ae a o faateleina ou aafiaga faaleagaga, e mafai lava e oe ona faatumauina lau lava molimau.

A o e tuputupu ae i le talalelei, e taua le atiaeina o sau lava ia molimau. E pei lava ona eseese auala e tuufaatasia ai e ni tagata se toalua se paso—atonu o le tasi tagata e tuu-faatasia pito o vaega a o amata ona faatusatusa e le isi ia lanu—tatou te fausia taitoatasi se molimau e ala i talitonuga ma aafiaga i se faatulagaga tulaga ese ia i tatou lava.

#### O FAAMATALAGA NEI A LE AUTALAVOU E UIGA I LE MOLIMAU MANINO

"O nisi taimi o molimau silisili o molimau ia e sili ona faatamaitiiti. O molimau silisili e moni pe a e molimau atu o loo soifua lesu Keriso, o loo soifua lo tatou Tama Faalelagi, ma e alofa o la ia te i tatou." —Matias C., Atenitina

"Ou te talitonu e taua le i ai o se molimau manino aua e mafai ona e faaaogaina lena molimau e aumai ai isi i le talalelei." —Quaid H., Ausetalia

"O se molimau o se taula sili ona tele lea e te mauaina. Pe o le a lava le mea e tupu i ou talaane, a i ai sau molimau malosi, o le a mafai ona e feagai ma ni faafitali i se uiga faaalia lelei atu." —Zane V., Kalefonia, ISA

"Ou te manatu o se molimau manino o se mea e ao ona e mauaina e oe lava ia ma ua e talitonu moni lava i ai, ma a e faasoaina atu lau molimau, e mafai ona e pa'i atu ai i isi ma mafai ai foi ona faamalosia a latou molimau."

—Zamagomane M., Aferika i Saute



Afai o e le mautonu i soo se mea, ia tatalo faamaoni mo se tai-taiga ma le upumoni. E masani lava e le taliina mai tatalo i le auala tatou te ono faamoemoe i ai, o lea ia tatala ai pea ou fofoga ma lou loto mo ni tali.

### O Se Molimau O Loo Faaauau Pea ona Tuputupu Ae

E pei lava ona le mafai ona e aveesea se paso ua uma ona fai mai le atigipusa e aunoa ma le faia o se galuega, e le mafai foi la ona e faamoemoe e oo atoa mai lau molimau i le taimi e tasi. E te aoaoina, o sia mea ma sia mea, le moni a'ia'i o le talalelei.

O le faatumauina o se molimau malosi e manaomia ai se taumafaiga tumau. A o e faauau pea ona galue e faateleina lou malamalama o le talalelei, o le a faamanuiaina oe e le Agaga Paia i au taumafaiga ma o le a faauau ona tuputupu ae ai lau molimau. ■

## Pe tatau ia te au . . . ?

**Pe tatau ia te au ona faasoa atu se tala po o se aafiaga pe a tuu atu lau molimau?**

E masani lava ona faasoa atu e tagata ni tala po o ni aafiaga patino pe a latou tuuina atu a latou molimau, ma e mafai ona avea nei mea ma ala sili e faamatala ai se molimau o tuputupu ae. Ae o se tala e le o se molimau lea. O se tala puupuu ma fitoitonu e mafai ona fesoasoani ia te oe e faamanino se manatu, ae ia mautinoa e faaaofia ai ma le *faapefea* ona faalautele e lena tala lau molimau ma le *o le a* le upumoni po o ni upumoni o le talalelei sa e aoaoina mai lena aafiaga. O se



molimau o se mea lea ua e *iloa* e uiga i le talalelei, e le o nofoaga na e malaga i ai po o mea sa e faia.

Sa aoao mai Elder David A. Bednar o le Korama a Apostolo e Toasefululu: "O se molimau o se mea tatou te iloa e moni i o tatou mafaufau ma i o tatou loto e ala i le molimau a le Agaga Paia (tagai i le MF&F 8:2). Pe a tatou tautino atu ia upumoni nai lo le apoapoi atu, lapatai, pe na ona faasoa atu o ni aafiaga fiafia, ua tatou valaaulaina le Agaga Paia e faamautu mai le moni o a tatou upu."<sup>1</sup>

La faapena foi ona e faaeteete i aafiaga e te faasoaina atu. O nisi e matua patino lava mo oe ia po o isi, e aofia ai ni tala e uiga i agasala, salamo, ma ni aafiaga paia faaleagaga. O tala faapenei e le tatau ona faasoaina atu i se potopotoga lautele sei vagana ai ua uunaia oe e faasoa atu. Pe a e lagonaina le uunaiga, ia faalauaitele, ma taulai atu i le mea sa e aoaoina mai le aafiaga nai lo auililiga maoti o mea sa tutupu.

### **Pe tatau ona ou faailoa atu ni faafetai po o ni alofa i lau molimau?**

E ui e talafeagai le faailoa atu o le alofa po o se faafetai pe a tuu atu sau molimau, ae o nei lagona e le o se molimau. E taulai atu ia molimau i mea ua e aoaoina faaleagaga e uiga i le talalelei. O le faailoaga o le alofa ma le lotofaafetai e le tatau ona suitulaga i se molimau.

Na saunoa Elder M. Russell Ballard o le Korama a Apostolo e Toasefululu, "[Ou te] popole ona o le tele o molimau a o tatou tagata o loo tumau lava i le 'Ou te faafetai' ma le 'Ou te alofa,' ma e toalaiti o loo mafai ona fai atu ma se lotomaualalo ae e manino ma le faamaoni, 'Ou te iloa.'"<sup>2</sup>

### **Pe tatau ona ou tagi pe faailoa atu ni lagona ina ia maua ai se molimau moni?**

E toatele lava tagata e fetagisi pe faaalia ia lagona pe a latou molimau atu pe lagona foi le malosi o le Agaga, ae e le o tagata uma e i ai ia aafiaga o lagona pe a ia lagonaina le Agaga. E te tau faailoa atu lagona faapena i le ala lava e tasi

e pei ona faaalia ai e isi pe a e molimau atu.

Sa saunoa Peresitene Howard W. Hunter (1907–95): "Ou te popole lava pe a foliga mai o lagona malolosi po o le maligi fua o loimata ua fesootai ma le mafutaga a le Agaga. E mautinoa lava e mafai ona aumai e le Agaga o le Alii ni lagona malolosi, e aofia ai loimata, ae o lena faailoaga i fafo e ao ona le fenumiai ma le mafutaga a le Agaga lava ia."<sup>3</sup>

### **Afai ou te le o mautinoa pe i ai sa'u molimau, pe tatau ona ou taumafai e faasoa atu?**

E faigofie lava le lagonaina e le o lava le malosi o lau molimau po o aoga foi pe a faasoa atu, ae a o e faasoa atu lau molimau, o le a e iloa ai le tele o se molimau o ia te oe! Aua nei e fefe e faasoa atu lau molimau. O le a e iloa ai o le tele ona e faasoa atu o lau molimau, o le tele foi lena o lona tuputupu ae.

Na saunoa mai Peresitene Boyd K. Packer, Peresitene o le Korama a Apostolo e Toasefululu:


E le o se mea e le masani ai le faapea mai o se faifeatalai, "E mafai faapefea ona ou tuuina atu se molimau sei vagana ua ou mauaina? E mafai faapefea ona ou molimau atu o loo soifua le Atua, o lesu o le Keriso, ma e moni le talalelei? Afai e le o i ai sa'u molimau faapena, pe le o le faamaoni ea lena?

"E, pe ana mafai ona ou aoao atu ia te outou lenei mataupu faavae e tasi: *O se molimau e mafai ona maua i le tuuina atu!* E i ai se vaega o lau sailiga mo le malamalamā faaleagaga, o loo i ai lena 'laasaga tele o le faatuatua,' e pei ona taua ai e le au faitofa manino. O le taimi lea e te oo atu ai i le faatausiusuga o le malamalamā ma laa atu i le pogisa ma e iloa ai o loo malamalamā foi le ala i luma atu mo na o se laa se tasi pe lua foi."<sup>4</sup>

#### **FAAMATALAGA**

1. David A. Bednar, "Ia Matua Maelega ma Mafaufau i le Aiga," *Liahona*, Nov. 2009, 20.
2. M. Russell Ballard, "Molimau Mama Atoatoa," *Liahona*, Nov. 2004, 41.
3. Howard W. Hunter, i le *Talai La'u Talalelei: O Se Taiala i le Galuega Faafaifeatalai* (2004), 99.
4. Boyd K. Packer, "O Le Sailiga mo le Malamalamā Faaleagaga," *Liahona*, Ian. 2007, 16.

Afai sa e fesiligia oe lava ia i nei fesili, o nisi nei o tali.



# FAAFIAFIA i le Au Maimoa

O lo'u olaga sa na o se taga e fai pe ana ou le filifili e suia matafaioi.

Saunia e Brittany Thompson

Mo au lava ia o se talavou, o le aoga sa na o se faatinoina o se mea faafoliga. E te silafia, o le a le ala e fai atu ai le tagata leaga i ata tifaga se lavaia atoatoa, ma le atamai ma foliga mai ai e matua aulelei i ana sitaili i le faagasologa? Sa ou nau-nau ia mafai ona ou faia lena mea. Sa ou taumafai e pulea le lau e pei lava o tagata sili ona leaga. Sa ou faafoliga e maulalalo ou tulaga o le amio mama ona sa ou manao e faafafia au uo i le aoga. Sa ou fafia i le leo o talieega pe a ou faaaogaina gagana le talafeagai po o ni tauusuga e uiga i tagata.

Sa ou manao e tapuai mai uma le aumaimoa ia te au. O lea sa ou mafaufau ai i se auala e avea ai ma se tagata e faafafiaina tagata. Sa oo ina avea au ma se tagata fai mea malie soo i lau vasega o le paiolo, sa mafai ona talitonu lau au volipolo o au o se tagata pati tele, ma faaleagaina ai lo'u tauleleia o se tamatai talavou taumainoa ma uiga mama. Sa ou manatu, "Ou te le manao e mafaufau au uo o au o se tagata amiotionu!"

E talu ai e le i faapea na ou solia ni agasala matuia lea sa mafaufau tagata

na ou faia, sa ou taumafai ai ma le naunau e faatalitonu au lava ia, e lelei lava le i ai o se uiga faaalia malō vale. Sa ou sese! Sa oo le faatinoga o le ata moni o lo'u olaga i se vaega na le toe mafai ai ona ou matamata ia te au lava ia. O le faateleina lava o lo'u lauiloa, o le faaititia foi lena o lo'u fafia i le tagata lea sa ou faatinoa.

O se tasi aso, sa talanoa ai ni au uo se toalua i se tamaitai afeleti tausaafia ma faauo e igoa ia Jennifer, o lē sa le maasiasi e tu atu mo ona talitonuga. Sa faapea mai se tasi o au uo, le tamaitai sili ona lalelei, lauiloa, ma atamai i le vasega fitu, "e ese ai lava ia Jennifer. Maimau pe ana lava lou lototeli e talitonu ai i lau lotu e pei o ia. Ua na o ia lava le tagata ou te iloa o loo ola i lona olaga faapena. Sa ou maofa.

"E faapefea ona ia faia se tala faapena e aunoa ma le ta'ua o au? Na ou mafaufau ai. "I mea uma lava, e i ai i lau ekalesia ia tulaga faatonuina maululuga!" Sa ou ita aua na te le i manatu o au o se faataitaiga lelei. Ona faafuasei lea, sa ou lagonaina o loo ou nofo i le

laina pito i luma o se faletifaga o loo faaalia ai lou olaga o le ata autu.

Sa ou mafaufau i faataitaiga leaga sa ou faia i au uo. O le a le ituaiga o tamaitiiti e matamata mai ia te au ma mafaufau, "Maimau pe ana ou lototeli ma tulaga ese e pei o ia"? Sa ou le fafia moni lava i le ituaiga o tagata ua ou oo i ai.

O le suia o lo'u tagata ma le tau-leleia sa avea o se faagasologa umi, ma o loo ou taumafai pea e tapuni lo'u gutu nai lo le faasalalau atu o tala faatiga e faafafia ai tagata. Ae sa ou iloaina e mafai ona ou faataina au uo e aunoa ma le faatiga i lagona o se isi tagata, ma mafai ona ou tuua le potu i se taimi e fai ai se tala tausua masoa e aunoa ma le faalumaina. E leai ma se tasi e ao ona avea ma se "tagata leaga" ina ia tele ai ni ana uo. Sa ou suia ou uiga ma amioga ona o le maua o le filemu i mea ua ou talitonu i ai, e sili atu ona lelei nai lo le taumafai e faafafia le tagata moni e i ai au. ■



# O Se Musumusu o le Agalelei

*"Ia alofa atu i e o fai outou mo latou fili, ia agalelei atu i e ita mai ia te outou" (Luka 6:27).*

**Saunia e Deborah Moore**

E faavae i se tala moni

**O**lea ua i ai iinei Tasone i le asō," sa fai mai ai le tina o James, ma faasino atu i se tamaitiiti i le alasavali i talaane o le potu o le Peraimeri.

Sa melotagi ia James. Sa ofu e Tasone se ofuvae li ma se mitiafu tuai. Sa iloa e James e le mafai lava ona faataga o ia e lona tina ma lona tama e ofu se ofu faapena i le lotu, ae la te le faatagaina foi o ia e fai le tele o isi mea sa faia e Tasone.

O le vайaso ua tea i le aoga, sa tulu ese ai Tasone mai le vasega i le taliupu i le faiaoga. Na te faalilia lava James i le auala e fai ai ona ofu, ma faaita o ia i le avea ai ma tamaitiiti aupito sili ona puupuu i le aoga.

"Ae faapefea pe a ia faataio atu ia Sister Win pe amata se vevesi?" Sa fesili atu ai James.

"Ou te mautinoa o le a lelei lava mea uma," sa fai atu ai Tina. "E le i alu lava Tasone i se lotu, ma e masalo o loo popole o ia."

Ina ua amata le vasega, sa fesili mai Sister Win pe o ai na aumai a latou tusitusiga paia. Sa sii le lima o James faatasi ai ma le toatele o le vasega, ae sa lulu mai le ulu o Tasone. Sa foliga ua maasiasi o ia, lea na faateia ai James. E masani lava ona faia e Tasone se tala malie


pe a le faia lana meaaoga i le pale. Ae o le faatele lava ona mafaufau i ai o James, o le tele foi lena ona ia manatunatu pe faapeī le alu i se lotu fou mo le taimi muamua.

Sa tuu atu e Sister Win ana tusitusiga paia e faa-aoga e Tasone. Ina ua oo atu le faasologa ia Tasone, e faitau se mau sa amata ona popole ia James. Ae faapefea pe a togi e Tasone ia tusitusiga paia i lalo pe musu foi e faitau?

Ae e le i faia lava e Tasone se mea o na mea. Sa ia sioa atu i upu i luga o le itulau ma faanunumi ona foliga. Ina ua mavae sina taimi, sa iloa e James e le lelei tele le faitau a Tasone. Sa le i iloaina muamua e James lenei mea i le aoga.

*O le a se mea e te manatu o le a faia e James? Pe o le a ata ea James ia Tasone? Pe o le a ia le amanaia o ia? O le a se mea e te faia pe ana faapea o oe o James? Susue le itu-lau e iloa ai le mea na tupu.*





Sa faasipa atu le ulu o James i a Carson ma musumusu atu, "E moni."

Sa faateia Tasone, ae sa ia ta'u le upu ma faaauau le faiatua o le fuaiupu. Pe a faigata ona ia ta'ua se upu, e fesoasoani i ai James. I le faaiuga o lana faiatua, sa tilotilo atu ai Tasone ia James ma luelue atu lona ulu.

Sa le mautinoa e James pe o le a ese ai mea i le aoga nai lo lenei. O le mea

malie e le i popole i ai o ia. Sa ia lagoinaina le fiafia aua ua iloa sa ia fesoasoani i se tamaitiiti sa masani lava ona faatiga atu ia te ia, ma e leai se tasi e mafai ona aveesea lena lagona. ■




**I**se tasi aso sa matou taaalo ai ma au uo i se taaloga i le malae ae auai mai ai se isi teineitiiti. Sa lauiloa o ia i le taulu'ilu'i ma e lē lelei i isi tamaiti. Sa amata ona ia suia tulafono o le taaloga, ma sa ou fai atu i ai, "E mafai ona e taalo i lau lava ala, ae o le a matou taaalo i le ala matou te fiafia ai." Sa vaaia lona le fiafia ma savali ese. Ina ua maea sa ou mafaufau i le uiga o la'u tala sa fai i le teine. Sa ou iloa sa ou faatiga i ona lagona. Mulimuli ane sa ou maua atu o ia ma fai atu i ai, "Malie lou loto. Ou te le i fai atu e le mafai ona e taalo faatasi ma i matou." Sa ia fai mai ua lelei. Atonu ma te le uo ma lena teine, ae ou te manatu sa ou faia le mea sa manao lesu ia ou faia o le agalelei atu lea ia te ia.

Raegen K., 9 tausaga, luta, ISA


## O LE ALA LENA





*Ua faasoa  
mai e Elder L.  
Tom Perry o le  
Korama a Apo-  
setolo e Toase-  
fululua nisi o  
ona manatu  
e uiga i lenei  
fesili.*

## Sa soifua ia uluai paionia i tausaga ua leva. **O le a se mea e mafai ona ou aoao mai ia i latou?**



**I**le aso 24 o Iulai, tatou te faamanatuina ai le taunuu atu o paionia i le Vanu o Sate Leki. Sa latou tuua mea uma lava—o o latou fale, a latou pisinisi, a latou faatoaga, ma e oo foi lava i e pele o o latou aiga—ae malaga atu i le vao.

Sa sisiva ma pepese le au paionia

a o latou asaina fanua valevalenoa. O se auala na latou faatumauina ai le maualuga o o latou agaga i le feagai ai ma faigata maoae.

Faatasi ai ma le faatuatua mau-sali i le Atua ma o latou taitai, sa malaga ai uluai paionia e galulue e faato'a ni nuu matagofie i atalafoia o atumauga.

E maeu lea talatuu o le faatuatua, lototele, ma le soga-soga o na paionia mamalu ua tuua mo i tatou e atiina ae ai i luga. ■

*Mai le "O Le Ala o le Taimi ua Tuana'i e Fetaia'i ai ma le Lumana'i," Liahona, Nov. 2009, 74; "O Se Aso Faamanatu Aoga," Liahona, Ian. 1988, 67, 69.*

# Faiga o se **Talafaasolopito**

**Saunia e Chad E. Phares**

Mekasini a le Ekalesia

**E**nonofa ia Soma, Eseta, ma Kata B. i Budapest, Hanikeri, o se aai o i ai se talafaasolopito o maota tau tupu, mamalu, ma faatufugaga ma fale matagofie. E ui e aoao e le fanau le talafaasolopito

o lo latou aai i le a'oga, ae ua latou naunau foi e aoaoina se isi ituaiga o talafaasolopito—talafaasolopito o le Ekalesia.

“Ou te fafia e aoao e uiga i le taimi na tatalo ai Iosefa Samita ma

faaali mai ai le Tama Faalelagi ma Iesu ia te ia,” sa fai mai ai ia Eseta, e 7 tausaga.

E fafia ia Soma, e 10 tausaga, e fai-tau e uiga ia Alema le Itiiti. “Sa leaga muamua o ia, ae ou te fafia i le auala na ia filifili ai ina ia toe lelei.”


E le toatele tagata i Budapest e iloa Iosefa Samita po o Alema le Itiiti, ae ua faamoemoe ia Soma, Eseta, ma Kata, e 5 tausaga, a o latou faaali atu ni faataitaiga lelei ma filifili le mea tonu, o le a aoao ai le toatele o tagata Hanikeri e uiga i le Ekalesia. ■



ATA NA TUSIA E CHAD E. PHARES; FAAFAANUA NA SAUNIA E THOMAS S. CHILD



*O le mataupu e fiafia i ai  
Eseta i le aoga o le tusiata.*




*Sa lolomiina le Tusi a  
Mamona i le gagana  
Hanikeri i le 1991.*



*E fiafia ia  
Soma e tietie  
i lana uila  
e latalata i  
lona fale.*

*Pe tusa e tasi mai le  
2,200 tagata i Hanikeri o  
se tagata o le Ekalesia.*



*O le Malumalu o Freiberg  
Siamani o le malumalu  
aupito sili ona latalata lea  
i Budapest. Pe tusa e 350  
maila (560 km) le mamao.*



Malumalu  
o Freiberg  
Siamani

SIAMANI

HANIKERI

Sami Uliuli

Sami Meititerane

Ou Te Filifili le  
Mea Sa'o e ala i le Ola ai i

# Mataupu Faavae o le Talalelei

E mafai ona e faaaogaina le lesona ma le gaoioiga lenei e aoao atili ai e uiga i le autu o le Peraimeri i le masina lenei.



**E**mafai ona e vaai faalemafau-fau e alu i se misiona ma le iloaina o le taimi o le a e toefoi mai ai i lou aiga? O le a sou lagona? O le a se mea e te faia e saunia ai?

Sa malaga atalii e toafa o le Tupu o Mosaea—Amona, Arona, Ominea, ma Himinae—ma la latou uo o Alema i se misiona e 14 tausaga. Sa ono mafai lava ona avea atalii taitasi o Mosaea ma tupu o o latou lava atunu, ae nai lo lena, sa latou mulimuli i o latou loto. Sa latou liua ma Alema i le talalelei a Iesu Keriso, ma sa latou mananao ai e faasoa atu le talalelei ia sa Lamana, o latou fili.

Sa iloa e alii talavou sa le mafai ona latou faataunuina a latou misiona e aunoa ma le mana mai le Atua. Ua faamalamalama mai i le Alema 17:2–3 le auala na latou maua ai lenei mana: “Sa latou sue-sue i tusitusiga paia ma le filiga, ina ia latou iloa le afioga a le Atua. . . . Sa latou tuu atu i latou lava i le tatalo tele, ma le anapogi; o lea na i ai ai ia i latou le agaga o faa-aliga, ma a latou aoao atu, sa latou aoao atu ma le mana ma le pule mai le Atua.”

O le anapogi ma le tatalo sa fesoasoani ai i nei alii talavou e maua ia faamanuiaga mai le Atua.

E pei lava o Alema ma atalii o Mosaea, e mafai foi ona e anapogi ma tatalo ia saunia ai e maua ia faamanuiaga ua i ai i le Tama Faalelagi mo oe. ■



## Pese ma le Mau


- “O Le Tagata Poto ma le Tagata Valea,” *Tusipese a Tamati*, 132.
- 1 Nifae 3:16

## Na o Oe

Tuu se maa felanulanuai i luga o lou moega e fai ma faamanatu e tatalo ma faasoai atu i le Tama Faalelagi mea o loo e anapogi ai. A uma ona e tatalo e amata ai lau anapogi, tuu le maa i luga o le fola e sosoo ma lou moega. A maea lau anapogi, o le a fai le maa ma faamanatu e tootuli ma tatalo. E mafai ona e faaaogaina lenei maa e fai ma faamanatu i le Aso Sa anapogi i masina taitasi pe a i ai ni tou anapogi faapitoa ma lou aiga, uarota, po o le paranesi.

## O le a e manaomiaina:

se maa lamolemole se tasi po o se mapu vali ata po o ni peni vali pulumu vali



## Taimi o le FMT: Tatalo ma le Anapogi

la talanoaina o se aiga le taua o le tatalo a o le i faamauna ma tatalaina se anapogi. O le isi taimi e anapopogi ai le tou aiga, ia talanoa e uiga i se faamoemoega mo lena anapogi. Amata lau anapogi e ala i le tatalo ma le talanoaina ma le Tama Faalelagi o le mafuaaga ua e anapogi ai.

# MOLIMAU a Tomasi

*"O A'u, le Alii, e tuuina atu ia te outou se molimau o le moni o nei poloaiga ua taatitia i o outou luma" (MF&F 67:4).*



**Saunia e Joshua J. Perkey**

Mekasini a le Eklesia

E faavae i se tala moni

**O** le afiafi faaleaiga, ma ua tofu tagata uma ma se vaega e fai. Sa taitai ia Tina. Sa fai e Tama le lesona. Sa fai e le fanau ia tatalo, musika, ma le gaoioiga—sei vagana ai Tomasi. O le vайaso lenei ua oo ai le faasologa

ia Tomasi e tuu mai ai lana molimau, ma sa tau lagona lona ma.

Sa faasoa muamua mai foi e Tomasi lana molimau, ae ua leva tele, ma sa le mafai ona ia manatua-in mea sa ao ona ia tau mai. Ina ua uma la le pese amata ma le tatalo, sa faanunumi foliga o Tomasi.

"O lou avanoa," sa faamanatu atu ai e Tina ia te ia.

Sa tilotilo atu Tomasi i fafo i le faamalama i la latou laau lanulauava, ma momoo i se auala na te tau mai ai ia te ia le mea e fai.

Sa nofo i lalo Tama i talaane o Tomasi ma fesili atu ia te ia po o le a le mea ua sese.

"Ou te le iloa po o le a lena mea o le molimau," sa fai atu lemu ai ia Tomasi.

"Ia e mafai ona ou fesoasoani ia te oe," o le tala lea a Tama. "O le tauina mai lea ia i tatou o nisi o mea e te iloa e moni po o mea ua e talitonu i ai. E mafai ona e talanoa e uiga i le auala e te fiafia ai e faitau ia tusitusiga paia. E fesoasoani lava lena mea ia te oe e lagona ai le Agaga."

Ae sa le i lagonaina e Tomasi ua ia saunia. Sa tilotilo atu uma tagata ia te ia, ma faatalitali mo ia e fai se mea. Sa lulu lona ulu. "Ou te le mafaia. Ou te le iloa po o le a lena mea."

Sa pōpō e Tama le lima o Tomasi. "E le afaina. E mafai ona e faia i se isi taimi."

Mulimuli ane i lena afiafi sa saofai ai Tomasi i le moega ma uu lana Tusi a Mamona. E sao lava Tama—o le faitauina o tusitusiga paia *sa* ia maua ai pea lagona lelei atu. Sa

ia taumafai e faitau se mataupu i le aso, ae sa amata ona uumi ia mataupu. Sa ia susue ana tusitusiga paia i le 1 Nifae 17.

"O se mataupu umi lena!" Sa musumusu ia Tomasi. Sa fai sina ana tatalo i le Tama Faalelagi ma ole atu mo se fesoasoani. Ona ia maofa lea i le vave o le gasologa o le taimi.

Ao le i tapeina e Tomasi lana moli, sa sau i totonu Tama e faamanuia le po.

"E te mate maia, Tama?"

"O le a, sole?"

"Ou te le i faitauina au tusitusiga paia i le vaiaso atoa ona ua fai si uumi o mataupu. Ae o le po nei sa ou manao ai, o lea sa ou tatalo ai, ma sa fesoasoani mai le Tama Faalelagi. Sa ou faitaua le mataupu atoa, ma sa pei e na o le lima minute. O le tatalo o se mea lelei."

"Tomasi, e te iloaina le mea lena

faatoa e fai mai ai?" Sa fesili atu ai Tama ma ataata. "Ua e faasoai mai lau molimau!"

"E mo'i?" sa fesili atu ai Tomasi. "O le a le uiga o lau tala?"

"Ina ua e talanoa mai e uiga i le tatalo ma le auala na fesoasoani ai ia te oe—o se molimau lena i le tatalo."

Sa matale le gutu o Tomasi i le ofo tele. Sa ia mafaufau i taimi uma sa aoao ai o ia e tagata e uiga i le molimau. Na ia iloaina *sa* ia faasoai atu se molimau!

Sa matua fiafia Tomasi ma na pei e ata. Sa ia fusi ia Tama.

"Oka, ua ou faia!" Sa fai atu ai Tomasi. "Tama, e mafai ona ou tuuina atu lau molimau i le vaiaso fou i le afiafi faaleaiga? Ou te iloa e le o so'u avanoa, ae ou te fia talanoa e uiga i le tatalo."

"Ou te iloa o se manatu sili lena," sa fai atu ai Tama.

Ina ua tuua e Tama le potu, sa mafaufau Tomasi e uiga i mea uma sa tutupu i lena aso. Sa ia faafetai mo aiga, tusitusiga paia, tatalo, ma le tele o isi mea. I le taimi nei, ua matua sili ona ia faafetai mo se molimau. Sa ia iloa le auala e faasoai atu ai ma lona uiga. ■



"O le a e iloaina pe a e faasoai atu lau molimau o le a oo ina malosi."



Elder Robert D. Hales o le Korama a Apostolo e Toasefululua, "O le Taua o le Mauaina o se Molimau a le Tagata Lava ia," *Liahona*, Ian. 1995, 23, 24.

# O Se Molimau o Loo Tuputupu Ae

**O** molimau e pei o ni laau matagofie. E ola faasolosolo i lea taimi ma lea taimi, ma latou te manaomia se tausiga ma se puipuiga. Mulimuli i faatonuga o i lalo ia ola maloloina ai le laau ma matagofie.

Pe a e iloaina se mea ua moni, ua i ai sau molimau o lena upumoni. E fesoasoani le Agaga Paia ia te oe ia e malamalama i le upumoni o i lou mafaufau ma tuu atu ia te oe ni lagona o le filemu, fiafia, malamalama, po o le mafanafana i lou loto. Valivali se fugalaau o loo i lenei itulau i taimi taitasi e te fatauina ai se mea o i lalo e te iloaina e moni.


- O le Atua o lo'u Tama Faalelagi agaalofa.
- E faafogfa ma tali mai le Tama Faalelagi i au tatalo.
- Ona o le Togiola a lesu Keriso, ua mafai ai ona ou toe nofo faatasii ma le Tama Faalelagi i se aso.
- Sa toefuatai mai e Iosefa Samita le talalelei i le lalolagi.
- O loo i ai se tatou perofeta i le lalolagi i aso nei.
- Ua aoao mai e tusitusiga paia ia te au mea ua finagalo le Tama Faalelagi ia ou iloa.

E pei lava ona tuputupu ae se laau pe a ia mauaina le vai ma le susulu o le la, e faapena foi le tuputupu ae malosi o lau molimau pe a e faia ia filifiliga lelei. O lalo ifo o loo i ai ni auala e mafai ai ona e faamalosia lau molimau. Valivali se lau laau o i lenei itulau i taimi taitasi e te faia ai se mea i lenei masina e fesoasoani ai ia tuputupu ae lau molimau.

- Tatalo i le Tama Faalelagi.
- Faasoa atu lau molimau i le afiafi faaleaiga po o le taimi e fai ai se lauga i le Peraimeri.
- Faitau tusitusiga paia.
- Faalogo ma aoao i le taimi o le Peraimeri ma le sauniga faamanatuga.
- Tusi e uiga i la'u molimau i totonus o la'u api talaaga.
- Ia agalelei i isi.
- Faitau i mea ua aoao mai e perofeta e uiga i molimau. (E mafai ona e amata i le "O Le Ekalesia Moni" na saunia e Peresitene Henry B. Eyring i le Liahona Mati, 2009.) ■

ATA NA TUSIA E BRAD CLARK

# O La Tatou Itulau




Alina A., 7 tausaga, lukureini



O Lo'u Aiga, saunia e Lucas O., 5 tausaga, Pasila



Malumalu,  
saunia e  
Scherryan P.,  
10 tausaga,  
Samoa



*Eugene Y., 12 tausaga, mai Meleisia, e fiafia e taaaalo i le mu faaSaina ma lona tamamatua. I ona taimi avanoa e fiafia ai foi o ia e taaaalo pasiketipolo ma le tenisi fulumanu ma ana uo. E fiafia e fai ni uo fou ma faalologologo i pese faaSaina.*



## MATOU TE ILOA O LOO SOIFUA O IA MA E ALOFA IA I TATOU

*Matou te faitauina tusitusiga paia ma suesue i aoaoga a lesu Keriso faatasi ma o matou matua i afiafi uma. Pe a matou faalologologo i taitai o le Ekalesia o lauga mai i konafesi ma sii mai ni tala mai tusitusiga paia, matou te iloaina ia aoaoga ona sa matou suesueina i lo matou aiga. Matou te malamalama i le taua o le suesue i tusitusiga paia i aso taitasi. Matou te iloa o i matou o fanau a le Tama Faalelagi, o loo soifua o la, ma e alofa o la ma lesu Keriso ia i tatou.*

Tomasi A., 8 tausaga; Arona A., 6 tausaga;  
ma Sesilia A., 10 tausaga, Atenitina



## OU TE FIAFIA E FAATUTU NI SINI

*Sa ou faia se aluga i se ata o lesu Keriso ona o se tasi lena o au sini. Ou te faafetai ona ua papatiso au. Ou te fiafia e tausi se tamai api e mafai ai ona ou tusia ai au sini. Ou te fiafia e fai ni mea, ma ou vaavaai i lou tina ma fai i taimi uma mea o ia faia.*


Miriam C., 8 tausaga, Mekisiko



# Ua Fai e Telesia se Mea Sese

Saunia e Jane McBride Choate  
E faavae i se tala moni

"Matou te talitonu i le faamaoni (Mataupu Faavae o le Faatuatua 1:13).



5.



6.



7.



8.



# AOAO MAI MEA SESE

Saunia e Darcie Jensen

**O**nisi taimi tatou te faia ai ni mea sese, e pei ona sa faia e Telesia. Pe a tatou faia ni mea sese, e mafai ona tatou faaali atu ua tatou salamo. Vaai i ata o loo i le itulau lenei. Lio le ata i kolumna taitasi e ese mai i isi.

1. Tautino atu sa e faia se mea sese.




2. Fai atu, "Ua ou sese," ma ole atu mo se faamagaloga.



3. Folafola atu e le toe faia lava.



4. Fai le mea sili e faasa'o ai se mea sese na e faia.



# E MAFAI ONA OU FAAMAONI

**O**le tamaitiiti o i lenei ata o loo faamaoni. Vaai pe mafai ona e mauaina se polo, moligao, telefoni feaveai, uati, kuki, maile, pepe meataalo, fulumanu, penitala, fasi pai, tusitusiga paia, ma le sipuni.



# Tala Fou o le Ekalesia

Asiasi ane i le news.lds.org mo se faaopoopoga o tala fou ma mea e tutupu i le Ekalesia.

## Ua Valaauna Peresitene Fou o Misiona e Auauna Atu

**U**a fofogaina mai e le Ekalesia ia igoa o peresitene fou e 110 o misiona i le amataga o lenei tausaga. O le toatele lava o le a amataina o latou valaauga-e lua- pe tolu-tausaga, e malaga faatasi ai ma o latou faletua, i le masina nei.

MISIONA	PERESITENE FOU
Atenitina Bahia Blanca	Manuel Parreno
Atenitina Neuquén	Paul R. Lovell
Ausetalia Adelaide	Bradley D. Carter
Ausetalia Perth	R. Bruce Lindsay
Ausetalia Sini	Philip F. Howes
Chile Santiago Sasae	David L. Wright
Chile Viña del Mar	Frederico M. Kähnlein
China Hong Kong	Val D. Hawks
Colombia Bogotá Matu	Mark F. Andelin
Colombia Bogotá Saute	Letvin Lozano
Colombia Medellín	Roberto O. Pitarch
Costa Rica San José	Chad R. Wilkinson
Dakota Saute Rapid City	Curtis E. Anderson
Egelani Birmingham	R. Craig Rasmussen
Egelani Lonetona	David J. Jordan
Egelani Lonetona Saute	Roger C. Millar
Eleni Atenai	Eric B. Freestone
Filipaina Bacolod	Marlo O. Lopez
Filipaina Baguio	William J. Monahan
Filipaina Laoag	Julius Jonah F. Barrientos
France Lyon	Blake M. Roney
Georgia Atlanta	John R. Harding
Haiti Port-au-Prince	Hubermann Bien-Aimé
Hanikeri Budapest	Lowell V. Smith
Honduras Comayagüela	Candido Fortuna
Iapani Fukuoka	C. Samuel Gustafson
Iapani Tokyo	L. Todd Budge
Idaho Pocatello	Marvin T. Brinkerhoff
Ilinoi Chicago	Jerry D. Fenn
Initia New Delhi	Peter E. Sackley
Iukureini Dnepropetrovsk	J. Robert van Bruggen

MISIONA	PERESITENE FOU
Iurukuei Montevideo	David K. Armstrong
Iuta Aai o Sate Leki i Sisifo	Earl S. Swain
Iuta Aai o Sate Leki Tutotonu	Richard W. Moffat
Iuta Ogden	Maurice D. Hiers Jr.
Iuta Provo	John A. McCune
Kalefonia Oakland/ San Francisco	David N Weidman
Kalefonia San Fernando	Kenneth T. Hall
Kalefonia Santa Rosa	Rene R. Alba
Kana Kumasi	Leon A. Holmes
Kanata Calgary	Howard Nicholas
Kanata Halifax	Brian Leavitt
Kanata Winnipeg	Kirk M. Thomas
Karolaina Matu Charlotte	Ronald L. Craven
Karolaina Matu Raleigh	Marc A. Bernhisel
Kemupotia Phnom Penh	David C. Moon
Korea Seoul	Brent J. Christensen
Maryland Baltimore	Mark L. Richards
Massachusetts Boston	Daniel W. Packard
Matakasa Antananarivo	David R. Adams
Mekisiko Aai o Mekisiko Saute	Roberto Valadez
Mekisiko Cuernavaca	Bruce C. Kusch
Mekisiko Fou Farmington	Doyle L. Batt
Mekisiko Guadalajara	G. Wesley Wagner
Mekisiko Guadalajara Sasae	Luis F. Camarillo
Mekisiko Hermosillo	Alberto E. Hernandez
Mekisiko Monterrey Sisifo	Edward M. Swapp
Mekisiko Puebla Matu	Ralph N. Christensen
Mekisiko Tampico	Ralph B. Jordan III
Mekisiko Xalapa	Paulo Lopez
Misisipi Jackson	Mark J. McDonough
Montana Billings	Kris J Mecham
Mozambique Maputo	Paulo V. Kretly
Nebraska Omaha	Michael D. Weston
Nevada Reno	David N. Hermansen

# Ua Faavaeina ni Misiona Fou

Ina ia ogatasi lelei punaoa ma suiga manaomia, ua faavaeina ai e le Eklesia ni misiona fou se 8 ma ua tuufaatasia le tasi ma misiona o loo tuaoi.

Ua faavaeina le **Misiona a Colombia Medellín** e ala i le vaeluaina o Misiona a Colombia Barranquilla ma Colombia Cali.

Ua faavaeina le **Misiona a Kana Kumasi** i le vaeluaina o Misiona a Kana Accra ma Kana Cape Coast.

Ua faavaeina le **Misiona a Mekisiko Xalapa** i le vaeluaina o le Misiona a Mekisiko Veracruz.

Ua faavaeina le Misiona a Mekisiko Puebla i le vaeluaina o **Misiona a Mekisiko Puebla Matu ma le Mekisiko Puebla Saute**.

Ua faavaeina le **Misiona a Vanuatu Port Vila** i le vaeluaina o Misiona a Papua Niu Kini Port Moresby ma Fiti Suva.

MISIONA	PERESITENE FOU
Nigeria Calabar	John E. Kosin
Niu Ioka Niu Ioka Matu	Thomas B. Morgan
Niu Ioka Niu Ioka Saute	Kevin E. Calderwood
Niu Ioka Utica	Joseph B. Wirthlin Jr.
Nouei Oslo	Don A. Evans
Ohaio Cleveland	Michael L. Vellinga
Oklahoma Tulsa	Scott K. Shumway
Palekeria Sofia	Michael S. Wilstead
Papua Niu Kini Port Moresby	Suliasi Vea Kaufusi
Paraguay Asunción	P. David Agazzani
Pasila Belém	Jose C. Scisci
Pasila Belo Horizonte	Paschoal F. Fortunato
Pasila Campinas	Carlos E. Perrotti
Pasila Cuiabá	Keith R. Reber
Pasila Porto Alegre Matu	D. Layne Wright
Pasila Porto Alegre Saute	Palménio C. Castro
Pasila Salvador Saute	Marcelo Andrezzo
Pasila São Paulo Sasae	Ronald A. Ferrin
Pasila Teresina	Alvacir L. Siedschlag
Peleseuma/Netherlands	Alden C. Robinson
Peru Lima Saute	Sean Douglas
Peru Lima Tutotonu	Alan M. Borg
Peru Piura	Chad A. Rowley

Sa faavaeina ia misiona a le **Aai o Sate Leki Iuta Sisifo** ma le **Aai o Sate Leki Tutotonu** mai le toe faatulagaina o tuaoi o Misiona a le Aai o Sate Leki Iuta, Aai o Sate Leki Saute, ma Iuta Ogden.

Sa faavaeina le **Misiona a Nevada Reno** mai le toe faatulagaina o tuaoi o Misiona a Nevada Las Vegas ma Nevada Las Vegas Sisifo.

O le **Misiona a Rusia Moscow Sisifo** ua soloia ma tuufaatasai ai i Misiona a Baltic, Rusia Novosibirsk, ma Rusia Moscow.

O le a amata faamamaluina nei suiga ia lulai, pe a faatino suiga o le au taitai o misiona. O le aofai o misiona ua i ai nei i le lalolagi e 347.

Mo faafanua o misiona fou faatoo faavae, asiisi ane i le [ldschurchnews.com/articles/62067/New-missions-created.html](https://ldschurchnews.com/articles/62067/New-missions-created.html) ■

MISIONA	PERESITENE FOU
Potukale Lisbon	Stephen L. Fluckiger
Ripapelika Temokarasi o Congo Lubumbashi	Phillip W. McMullin
Ripapelika Tominika Santiago	John Douglas
Rusia Rostov-na-Donu	William H. Prows
Rusia Vladivostok	Gregory S. Brinton
Siamani Perelini	Henry W. Kosak
Sigapoa	Bradley S. Mains
Sikotilani/Aialani	Alan H. Brown
Spain Barcelona	Mark L. Pace
Spain Madrid	Scott T. Jackson
Spain Málaga	Monte M. Deere Jr.
Taiwan Taipei	David O. Day
Tenimaka Copenhagen	Shawn D. Sederholm
Texas Houston Saute	Brian K. Ashton
Thailand Bangkok	David M. Senior
Uosigitone DC Saute	Matthew L. Riggs
Uosigitone Spokane	Donald E. Mullen
Vanuatu Port Vila	Larry E. Brewer
Venesuela Barcelona	Juan C. Chacin
Venesuela Maracaibo	Juan F. Zorrilla
West Indies	Daniel S. Mehr II
Zimbabwe Harare	Bryson C. Cook



**Na asiasi e Elder Dallin H. Oaks ma lona faletua o, Kristen, iē sa faamisiona i Sendai, ni tulaga ua faaleleia i Japani talu le galulolo ma le mafuie faataumaoi ia Mati 2011.**

### Ua Asiasi e Elder Oaks ia Japani ina Ua Mavae le Tausaga e Tasi Talu le Mafuie

Na toeitiiti atoa le tasi tausaga talu ona mavae ia mafuie ma le galulolo na sosoo ai lea na faataumaoia ai Japani, ae asia loa e Elder Dallin H. Oaks o le Korama a Apostolo e Toasefulula ma Elder Donald L. Hallstrom o le Au Peresitene o Fitugafulu le atunu ma tuuina atu se savali o le faamemoe ma le alofa.

Mo le 12 aso ia Fepuari, na malaga ai Elder Oaks ma Elder Hallstrom ma o laua faletua o, Kristen Oaks ma Diane Hallstrom, i le Eria o Asia Matu, ma asia ia Kumamoto, Nagasaki, Sendai, ma Tokyo, faapea ma le tele o aai tu matafaga i le eria o Tohoku.

I se tusiga a le *Church News*, na faamatala ai e Elder Oaks se mafuaaga se tasi o le malaga: "Sa matou mananao e tuuina atu se faamafanafanaga ina ua mavae lea mala faigata ma le galulolo ua

toeitiiti atoa le tausaga talu ona mavae atu ma ia tuuina atu ai foi le aoaoga ma le molimau lea tatou te tuuina atu pea e le aunoa pe a tatou feiloai ma faifeautalai faapea tagata o le Ekalesia."

Sa feiloai atu Elder Oaks ma isi taitai o le Ekalesia i tagata o le Au Paia o Aso e Gata Ai, faifeautalai, faapea ma isi ma uunaia i latou ina ia "vaavaai atu i le auala o le a faapaiaina ai e le Alii o latou pua-puaga mo lo latou manua."

Ina ia faitau e uiga i le auanaga a isi taitai o le Ekalesia i le salafa o le lalolagi, e aofia ai Elder M. Russell Ballard i Pasila, Elder Jeffrey R. Holland i Aferika Sisifo, Elder David A. Bednar i le Atu Keripiane, Elder Quentin L. Cook i Ausetalia ma Niu Sila, Elder D. Todd Christofferson i Europa Tutotonu, ma Elder Neil L. Andersen i Pasila, asiasi i le news.lds.org ma le prophets.lds.org. ■

## Ua Talosagaina e le Ekalesia Ona Tagata ina ia Malamalama i Aiaiga Faavae o Talafaasolopito o Aiga

**Saunia e Sarah Jane Weaver**

Faatonu lagolago *Talafou a le Ekalesia*

**U**a talosagaina e taitai o le Ekalesia ia Au Paia o Aso e Gata Ai ina ia aoao ma malamalama atili i aiaiga faavae a le Ekalesia mo talafaasolopito o aiga i le auina atu o igoa mo sauniga o le malumalu.

O tuutuuga mo le faaaogaina o le uepisaite o le NewFamilySearch.org ua faatulagaina "mo mafuaga o lagona tutusa, mafuaaga o aoaoga faavae, ma mafuaaga o le faaaloalogia," na saunoa mai ai Dennis C. Brimhall, o le pule faatonu o le Matagaluega o Talafaasolopito o Aiga a le Ekalesia.

Ua faigofie ma tuusao atu ia tuutuuga. "E le tatau ona auina mai e tagata o loo faaaogaina le uepisaite ni igoa o ni tagata latou te le aiga mo ni sauniga sui o le malumalu, e aofia ai ni igoa o ni tagata lauiloa pe tautaua, pe mo i latou na aumaia mai ni galuega faatino o se talatuu e lei faamaonia," na faailoa atu ai i tuutuuga lea e ao ona taliaina e tagata uma e faaaogaina le uepisaite i soo se taimi lava latou te saini ai e o ai i totonu o le saite.

O le toe faamamafaina atu o taiala, lea o loo ta'ua foi i le *Tusitala 2*, a le Ekalesia, na mulimuli atu i le le usitaia o aiaiga faavae o sui papatisoga a le Ekalesia talu ai nei.

"O se tasi o mea e tatau ona tatou manatuaina, o le sailia o o tatou aiga ma le sauniaina o igoa mo galuega e faia i totonu o le malumalu, ioe, e le gata o se tiutetauave, ae o se faamanuiaga foi," o le tala lea a Brother Brimhall. "Ua faalautele atu lena faamanuiaga i tagata o loo umiaina ki o le galuega. O ki mo lenei galuega o loo umiaina e le Au Peresitene Sili o le Ekalesia."

Ua talosagaina e taitai o le Ekalesia ia au paia o e o loo auina atu igoa o i latou ua maliliu mo sui papatisoga ina ia:

- Galulue tau lava o gafa o o latou aiga.
- Aua nei auina atu ni igoa o ni tagata lauliloa.
- Aua nei auina atu ni igoa mai ni vaega e le'i faatagaina, e pei o ni tagata na aafia i le Fasiotiga Tele o Tagata Iutaia.

Na tuuina atu e taitai o le Ekalesia se faamatalaga i le aso 21 Fepuari, 2012, e tali ai i fesili e uiga i le le usitaia o aiaiga faavae a le Ekalesia, lea na faavaeina i le 1995 ina ua mavae ni feutagaiga ma taitai o le faatuatuaga o Tagata Iutaia.

Ua toe ta'u mai e le faamatalaga le tautinoga mausali a le Ekalesia ia aua nei taliaina ni igoa mai ni vaega e le'i faatagaina mo papatisoga sui ma ia matau, ina ia mafai ona sao atu i ia tulaga malupuipuia ua uma ona faatulagaina, o le a faa-aogaina e le tagata o loo auina atu ia faamatalaga i se tulaga o le "le faamaoni ma le taufaasese."

*Ua talosagaina e taitai o le Ekalesia ia au paia o e o loo auina atu ni igoa mo papatisoga mo e ua maliliu ina ia galulue i gafa o o latou lava aiga, ae aua nei auina atu ni igoa o ni tagata lauliloa, ma aua nei auina atu ni igoa mai ni vaega e le'i faatagaina, e pei o le Fasiotiga Tele o Tagata Iutaia.*

O ia ituaiga gaoioiga e mafai ona taitaiina atu ai e le gata i le aveesea le tumau o lona avanoa o se tagata o le Ekalesia e alu ai i totonu o le uepisaite o le New.FamilySearch.org, ae e ono faia ai e taitai i le lotoifale ni fono aoai i nisi o tulaga.

"E ese le faigata pe a solia ma le loto i ai e se tagata ia aiaiga faavae a le Ekalesia ma o se mea e tatau ona malamalamala i ai o loo avea o se taulaga o le alofa ma le faaaloalo ae ua avea o se mafuaga o le tetee," na fai mai ai le faamatalaga.

"O le a tatou vaai i se vaitau o aoaoga," o le tala lea a Brother Brimhall. "O le a tatou toe faamanatuna ia i tatou lava ia aia tatau ma tiutetauave ma ki ma faamanuiaga ma po o ai e ona lenei galuega ma le auala e tatau ona faia ai ma po o ai foi o loo taitaiina le galuega. A mafai ona tatou manatuaina lena mea, ou te manatu o le a lelei mea uma. . . . E mafai ona tatou faaleleia le polokalama mo tagata uma." ■



## NAI OTOOTOGA O LE LALOLAGI

ATA NA PUEINA E RICK WALLACE



### Ua Valaaulia e le Polokalama o le toe Faaleleia o Olaga mai Mea ua Fai ma Vaisu ni Tala mai le Toe Faaleleia o Olaga ma le Faamalologa

I se tapenapenaga mo se uepisaite mo le Polokalama o le Toe Faaleleia o Olaga mai Mea ua Fai ma Vaisu (PFO) lea ua faatulaga e faalauiloa mai i le faiiuga o lenei tausaga, o loo sailia ai e le Ekalesia ni tala patino e faatatau i le faamalologa mai mea ua fai ma vaisu.

O i latou o e fuafua e faasoa mai a latou tala e tatau ona i-meli mai i le arp@ldschurch.org ma ia aofia ai ia faamatalaga nei, lea o le a le faalauaiteleina:

- Igoa atoa, tausaga o le matua, ma le itupa
- O se ata o oe lava ia (e lelei pe a maua ae le o se tulaga manaomia)
- O lou sootaga ma le Ekalesia/tulaga o le auai
- O se faamatalaga puupuu e uiga i mea ua fai ma au vaisu po o mea ua fai ma vaisu a se e pele ia te oe
- O se faailoaga o lou naunautai e faasoa mai lau tala e ala i se vitio, otio, mea tusitusia, po o mea uma na.
- O lou tala. la faaaofia ai taunuuga o mea sa fai ma vaisu (faamolemole aua nei e faasoaina mai ni faamatalaga aulili le talafeagai, ae ia talanoa mai e uiga i aafiaga ua e oo i ai faapea foi ma i latou o loo siomia ai oe ona o se amioga ua fai ma vaisu); o se faamatalaga puupuu i lou olaga ina ua e iloa ua e manaomia se fesoasoani; o se faamatalaga i le auala na e maua ai le faamalologa e ala ia Keriso ma mea na e oo i ai ina ua toe maua lou faamoemoe; faapea ai ma se faamatalaga e uiga i lou olaga o i

*I se tapenapenaga mo se uepisaite fou, ua sailia e i latou o e taitaia le Polokalama o le Toe Faaleleia o Olaga mai Mea ua Fai ma Vaisu (o loo faalia se fonotaga iiinei) ni tala patino e faatatau i le faamalologa mai mea ua fai ma vaisu.*

ai nei ma ni lesona ma ni faamanuiaga na e aafia ai e ala i le faamagaloga, salamo, ma le auaunaga.

### Ua Saunia e Tagata o le Ekalesia i Fiti se Fesoasoani Agaalofa i Tagata na aafia i Lologa

Sa faia ia Fepuari, e ni siteki se tolu i Suva, Fiti se polokalama e ao mai meaai, mea e faaaoga i fale, ma sapalai o mea aoga mo tagata na aafia i lologa i matu ma sisifo o Fiti.

Sa lavea Fiti i ni timuga mamafa ma fai-fai pea i le amataga o le tausaga, ma mafua ai lologa ma soloia ai ni vaega o le lauelele i eria i sisifo ma matu. O lologa na mafua ai le malilu o le toatele o tagata ma faamalosia ai le faitau afe o tagata e o ese faavave mai o latou fale.

A o faateleina ia lologa i vaega i sisifo ma matu o Fiti, sa vave ona tatalaina e taitai o le Ekalesia i le lotoifale ia falelotu e avea o ni nofoaga autu mo tagata na sulufai atu ona ua aafia o latou fale i lologa.

Sa amatalia e Elder Taniela Wakolo, o le Fitugafulu Eria ma o le pule o le Ofisa Autu mo Auaunaga a le Ekalesia i Fiti, lea uunaiga i le aso 6 o Fepuari, ina ua faatoa mavae le lapataia o taitai o le Ekalesia e uiga i lologa. Sa aoina mai ma faatulagaina e tagata o le ekalesia ia meaai, lavalava, ie moega ma taga aluga, mea e faaaoga i umukuka, ma sapalai o mea aoga; ona tuuina atu lea o nei mea i tagata sa manaomia.

*Ina ia faitau atili i nei tala ma isi tala, asiati ane i le news\_lds.org. ■*



*O le a tuualoia atu ia Elder Steven E. Snow le matafaoio o le Tusitalafaasolopito ma Tusitalafaamaumau a le Ekalesia i se taimi o lenei tausaga.*

### Ua Valaaolina Elder Steven E. Snow o se Tusitalafaasolopito a le Ekalesia

Sa faalauiloa talu ai nei e le Au Peresitene Sili le valaauga o Elder Steven E. Snow o le Au Peresitene o Fitugafulu o se Tusitalafaasolopito ma Tusitalafaamaumau a le Ekalesia, o se matafaoio na umia talu ai nei e Elder Marlin K. Jensen o le Fitugafulu.

Ua faamaloloina ia Elder Snow mai le Au Peresitene o Fitugafulu, ma o le a faamalolo faamamaluina ia Elder Jensen i le konafesi aoao ia Oketopa 2012.

O le a galulue faatasi pea ia Elder Snow ma Elder Jensen, seiia oo i lena taimi, mo le aoaoina ma le faamatuuina atu o lena matafaoioi. ■

## Sa Aoaoina Au e Paonia

O Tesema ua tuanai sa ou lagona ai le le fiafia ma sa ou le fia teuina lo'u fale pe faamanatuina le Kerisimasi. Ona ou faitau lea i se tusiga ia Tesema 2011 o le *Liahona* lea na faamatala ai le auala na faamanatuina ai e le au paonia le Kerisimasi: sa sisiva i se fati na mapumapuina ona e le'i i ai ni a latou mea faifaili—e ui i le leai o ni meaalofa ma e le'i tele ni meaai (tagai i le "Kerisimasi mo Paonia Anamua" i le "O Mea Laiti ma Faatauvaa," 9). Sa fesoasoani lena tusiga ia te au e suia ai ou uiga ma ia maua le alofa. O nisi taimi tatou te le iloaina ai pe faatauaina ai mea uma ua tatou mauaina.

**Ana Rosa de Melo Ferreira,  
Rio de Janeiro, Pasila**

## Saili le Atua i Aso Uma

Faafetai tele mo le lomiga o Ianuari 2012. Sa ma maua ma lo'u toalua se aafiaga matagofie i le fai-tauina o se tusiga a Adam C. Olson, "Toe Mauaina o se Mea Ofoofogia o le Lalolagi . . . ma le aloese i le Matautia o le Musuā Faaleagaga," (tagai i le itulau 20). Sa fesoasoani ia i maua ina ia iloa le manaomia pea o lo tatou sailia o le Atua i aso uma o o tatou olaga. Ou te iloa o savali i le mekasini ua musuia aua o le tele lava ua oo mai i lo'u olaga pe a ou manaomiaina tele.

**Daiana Araceli Beloqui de Iannone,  
Buenos Aires, Atenitina**

*Faamolemole auina mai sou finagalo faaalia po o fautuaga i le liahona@ldschurch.org. E ono faapupuuina tala mo le uumi po o le manino.* ■

*O lenei lomiga e aofia ai tusiga ma gaoioiga e mafai ona faaaaoga mo afiafi faaleaiga. O nisi nei o faataitaiga.*



## "O Le Malosiaga o La Tatou Talatuu,"

itulau 16: Faitau faatasi ma lou aiga le tusiga. Faamamafa atu le faamatalaga lenei sa saunia e Elder L. Tom Perry: "Faapei ona faia e le au paonia ina ia fua mai le toafa e pei o se rosa, o le a faapena foi ona fua mai o tatou olaga faapea o tatou aiga pe a tatou mulimuli i a latou faataitaiga ma opo mai a latou tu ma aga masani." Mafaufau e fesili atu pe faapefea ona mulimilita lelei e lou aiga le faataitaiga na faatuina e le au paonia anamua. Atonu e te manao e faaiu i le usuina o le pese "O Mai, Outou o le Au Paia" (*Viiga*, nu. 17).

## "Faafetaiaia o le Lumanai ma se

**Faamoemoe,** itulau 35: Atonu e te manao e toe ototo atu le tala ia Brother Grilo pe faamatala se tala patino i le auala na e faafetaiaia ai le lumanai ma se faamoemoe po o se isi foi e te iloa. Fesoasoani i tagata o le aiga e faaaoga le savali o o latou olaga e ala i le faia o ni fesili e pei o le "O a nisi o luitau o loo faafaigata ai lou mauaina o le

faatuata i le lumanai?

O le a se mea e mafai ona e faia e tumau ai i se uiga lelei a o e feagai ai ma nei luitau?" Mafaufau e faaiu i le fai-tauina o parakalafa mulimuli e lua o le tusiga.

## "O Le A Le Molimau Manino?",

itulau 54: Amata lau lesona i le faasoaina atu o mea na aoaoina mai e le tusiga e faata-tau po o le a le molimau. Ona mafaufau lea e ototo mai ni fesili e faatatau i le tuuina atu o se molimau (tagai i itulau e 56–57). Afai e uunaia, valaaulia ia tagata o le aiga e faasoa mai i tagata taitasi se molimau i le taimi o le afiafi faaleaiga pe tusi foi a latou molimau i a latou api o talaaga.

## "O Se Musumusu o le Agalelei,"

itulau 59: Faitau le Luka 6:27. Ona faasoa mai lea o le tala ia James ma Carson, ma taofi ae fesili atu i tamaiti e tali i fesili o loo tuuina atu i le pito i lalo o le itulau muamua. Uunaia tagata o le aiga ina ia agalelei atu i isi. ■

## O Afiafi Faaleaiga e faia i "Fafo"

Ina ua 10 ou tau-saga, sa matou papatiso faatasi ma o'u matua, tuagane, ma uso. E ese lo'u fiafia i lo'u ola ae o fai e le aunoa a matou afiafi faaleaiga. O afiafi faaleaiga o le fatu lea o lo matou aiga.

Ua silia ma le 45 tau-saga talu ona avea au ma se tagata o le Ekalesia. O loo faaaauau pea lea tu masani ma la'u lava fanau e toalima. E faasao lava po o Aso Gafua mo le aiga.

O le Aso Gafua mulimuli o le masina, e fai ai se matou gaoioiga e umi atu e ta'u o le afiafi faaleaiga e faia i "fafo". Matou te o i se tifaga, pe asiasi i e mamai, pe taaaalo i le paka, pe asiasi ia Lola ma Lolo (o o matou matua matutua), ma isi mea faapena.

O le aafiaga sa sili ona le faagaloina na faia i fafo o le taimi lea na matou auauna atu ai i tamaiti e leai ni mea e nonofo ai. E le mafai ona matou faaalia le olioli ma le fiafia na matou lagonaina i le fesoasoani atu i na ituaiga manaoga. Sa matou taumafai, i sina ala itiiti, ina ia faafafia nai tamaiti ma ta'u atu ia i latou o loo alolofa nisi ia i latou ma ia iloa o i latou uma o fanau a le Atua. ■

**Tita Mabunga Obial, Filipaina**


# LE PISIPISIA MAI LE LALOLAGI

Saunia e Julie Thompson

**O**nai tausaga ua mavae, sa ou taunuū ai i le Malumalu o Bountiful i Iuta e faataunuū se galuega atofaina o le faamamaina i le leva o le po. Sa faagaeetia ona o le toatele na o mai i le galuega atofaina, ma sa ou mafaufau mo sina taimi pe o le a toe faafoi nisi i le fale. Sa ou sauni lava e ofo atu e toe vave alu. Ona ou mafaufau lea ma le faaulaula ia te au, “Ioe latou te le tuua nei matou e vave o. O le a latou suea ni mea e fai e faapasi ai le taimi mo i matou uma, ma le manatu ona o lo latou tiute le taofia o i matou iinei mo itula atoa e lua.” Sa ou manatuina se galuega atofaina na muamua atu lea na ou tafi pefu ai mo le silia ma se itula, ae toefaafoi atu le fasi ieie sa ou faaaogaina o loo mama lava e pei ona sa i ai i le taimi na tuu mai ai ia te au. Sa ou saunia au lava ia e faaalu ia itula e lua e faamama ai mea e le o manaomia ona faamamaina. E manino lava, na ou sau i le malumalu i lena po e aunoa ma se lagona o se tiute e sili atu nai lo o se manao e auauna atu.

Sa taitai atu la matou vaega i se tamai falelotu mo se faigalotu. Sa fai mai e le teufale sa taitaia le faigalotu se tala o le a suia ai pea e faavavau le auala ou te vaai ai i galuega atofaina o le faamamaina o le malumalu. Ina ua uma ona faafeiloai i matou, sa ia faasolo loa ma faamalamalama mai e faapea matou te le o i ai iina e faamama ni mea e le o manaomia ona faamamaina ae ia faatumauina le maota o le Alii mai le faapalapalāina. I le avea ai ma tausimea o se tasi o nofoaga e sili ona paia i le lalolagi, ua ia i tatou se tiutetauave e faatumauina lona lē pisipisia.

Sa tuaia lou loto i lana savali, ma ou alu atu



*Ou te le iloa  
pe aisea na ou  
alu ai e fufulu  
le malumalu  
ae leai se mea  
na palapala.  
Ae na vave ona  
ou iloaina o le  
faamamaina e  
le o le manatu  
moni lea.*

ai i le nofoaga na tofi i ai au ma se naunautaiga fou e puipui le maota o le Alii. Sa faaalu lou taimi i se pulumu vaivai lava, ma tafiese ai pefu mai vaega ninii o faavaa o faitotoa, laupapa folia, ma vae o laulau ma nofoa. Ana faapea e aumai lenei galuega atofaina i se asiasiga muamua atu, semanu ou te manatu e faavalevalea ma fufulu ai ma le le faaeteete ia vaega i se taumafaiga e foliga mai o loo pisi. Ae o le taimi lenei, na ou faamautinoaina e oo atu nifo o le pulumu i pupu ninii.

Ona o lenei galuega sa le i manaomiaina faaletino pe faalemafaufau, o lea sa faamanuina ai au i le taimi e mafaufau loloto ai a o ou galue. Na muamua lava ou iloaina ou te le i gauai atu i na auiliiliga o minute i lou lava aiga ae faamama na vaega o le a muamua ona vaai i ai isi, ma lafoaia ai vaega na e na o au ma tagata o lou aiga e iloaina.

Sa sosoo ai ona ou iloaina e i ai taimi sa ou ola ai i le talalelei i se vaaiga tali tutusa—o le ola ai i mataupu faavae ma faataunuina na tofiga e sili ona iloagofie e tagata sa siomia ai au, ae le amanaiaina mea ia e foliga mai e na o lo'u aiga patino po o au e iloaina. Sa ou auai i le lotu, umia ni valaauga, faataunu ni tofiga, ma alu i asiasiga a faiaoga asiasi—sa mo na o le vaaiga atoa faaletagata mo lo matou uarota—ae lē auai soo i le malumalu, leai ni suesuega o tusitusiga paia ma tatalo faaletagata lava ia ma faaleaiga, ma lē faia ni afiafi faaleaiga. Sa ou aoao atu ni lesona ma lauga i le lotu ae o nisi taimi sa leai se alofa mama moni i lou loto pe a fegalegaleai ma isi.

O lena po i le malumalu, sa ou suesue ai le pulumu vali sa i lou lima ma fesili ifo ia te au lava ia, “O a ni faaletonu laiti i lou olaga o manaomia le gauai sili atu i ai?” Sa tonu ia te au, nai lo le fuafua e faamama soo vaega o lou olaga o loo manaomia ona gauai atu i ai, o le a ou taumafai malosi foi ia aua lava nei palapala.

Ou te manatua pea la'u lesona o le faamamaina o le malumalu i taimi taitasi e faamanatu mai ai ia i tatou ina ia tausia i tatou lava “ina ne'i pisia mai . . . le lalolagi” (Iakopo 1:27). ■



*Fale i Peterson, saunia e LeConte Stewart*

*O lenei vaaiga toofilemu i le faatoaga i Peterson, Iuta, o se faailoga lea o le faataunuina o le folafolaga a le Alii i tagata o le Au Paia o Aso e Gata Ai i Uinita Kuota, Nebraska, i le aso 14 o Ianuari, 1847. Ua ta'ua o "le Afioga ma le Finagalo o le Alii," o le faaaliga lenei na tuuina atu ia Peresitene Polika Iaga ao ia saunia*

*le Au Paia e tuua o latou fale te tumau i Uinita Kuota ae faaauau sei laasia ia laufanua valevalenoa ma agai atu ai i le Vanu o Sate Leki:*

*"Ia tuu atu i tagata taitoatasi e faaoga lona malosi ma ana meatotino uma e sii atu ai lenei nuu i le nofoaga o le a faatu ai e le Alii se siteki o Siona.*

*"Ma afai tou te faia lenei mea ma le loto mama, i le faamaoni atoa, o le a faamanuiaina outou; o le a faamanuiaina outou ia outou lafu manu, ma a outou fagaga, ma o outou fanua, ma o outou fale, ma o outou aiga" (MF&F 136:1, 10–11).*



“I le avea ai ma tagata o Le Eklesia a Iesu Keriso  
o le Au Paia o Aso e Gata Ai,” na faamalamalama  
mai ai e Peresitene Thomas S. Monson, “e tatau  
lava ona faamamaluina feagaiga paia e i tatou,  
ma o le faamaoni i ai o se tulaga manaomia lea mo  
le fifia. loe, ou te talanoa atu e uiga i le feagaiga  
o le papatisoga, le feagaiga o le perisitua, ma  
le feagaiga o le faaipoipoga o ni faataitaiga.”  
Tagai i le “Malamalama i a Tatou Feagaiga  
ma le Atua,” itulau e 2O.

O LE EKALESIA A  
**IESU KERISO**  
O LE AU PAIA O ASO  
E GATA AI